

ዩሱሲ ኪቴዳዋንቱ ኦሱዋ ጌሉዋ

ዩሱሲ ኪቴዳዋንቱ ኦሱዋ ጌቴቲያ ማፃፋይ፣ ሉቃሳ ሚሺራቸዋ ካሊዳ ፃፊቴዳ ማፃፋ። እው ዳዒያ ሁጹ ቆፋይ ኮይሮ ዩሱሳ ካሌዳ አሳቱ ጌሻ አያናን ካሌሴቲዳ፣ አባ ኦዲያ ሚሺራቸዋ ቃላ «ዩሩሳላሜን፣ ዩሁዳ ጋዲያ ኡባን፣ ሳማርያን፣ ሳዓ ጋፃ ጋካናው» ሚሺራቸዋ ቃላ ዋቲ ጋዲያ ኡባ ጋሌዳንቶ ኦዳናሳ (ኪት 1:8)። ማፃፋይ ኪሪሰቲና አማኑ አዩሁዳ አሳቱዋ ጊደን ደሜቲዳ፣ ኩሚንሳ አሳሚያን ዳዒያ አሳ ኡባ አማኑዋ ጊደና ጋካናው ዋኒ አኬዳንቶ ኦዲያ ታሪኪያ። ፃፊ፣ አማኒያ አሳቱ ሮማ ካወቱላ አላናው ጋርሳና ማቄቲያ አሳ ጊደናዋኔ ኪሪሰቲና አማኑ አዩሁዳቱዋ አማኑዋ ኩሚንሳ ኡዲያዋ ጊዲያዋ ኤሪሳናው ዳሪሲ ዳቡሪዳ ኦሌዳ።

ዩሱሲ ኪቴዳዋንቱ ኦሱ ዩሱሳባ ኦዲያ ሚሺራቸዋ ቃላይ ጋኪያ ሳዓይ ዋዲያን ዋዲያን አኪ አኪ ቢያዋኔ ዋሳ ጎሊ ኤቄዳዋ ቆንጨሲያዋ ሄዙ ሁጹ ሳን ሻካናው ዳንዳዬቴ።

1. ኪሪሰቲና አማኑ ዩሱሲ ሳሉዋ ፑዳ ቢ ሲሚና ደሜቲዳባ፤
2. ኢሰራዔሊያ ጋዲያ ኡባ ጋኬዳባ፤
3. ሮማ ጉጂዳ ሚዲቴራኒያ አባ ዩሹዋን ዳዒያ ጋዲያን አኬዳዋ ኦዳ።

ዩሱሲ ኪቴዳዋንቱ ኦሱዋ ማፃፋን ዳሮፔ ኤሬቶዌ ጌሻ አያና ኦሱዋ ጊዲሺን፣ ጳንፃቆስቲ ጋላሲ ዩሩሳላሜን ዳዒያ አማኒያዋንቱ ቦላ ዋልቃፔ ኢ ዋዲዳዋ፣ ሃዋዳንካ ማፃፋ ጊደን ኦዳቴዳ ኦሳቱዋ ኡባን ቤቴዳዋዳን፣ ጌሻ አያናይ ዋሳ ጎሊያኔ ዋሳ ጎሊያ ካሌሌያዋንታ ካሌሌዳዋኔ ሚኒሴዳዋ ጉጂዳ ኦዳ። ቤኒ ዋዳ ኦሴቲያ ኪሪሰቲና ኪታይ ዲማ ዲማ ኦዳዳ ቃላ ጊደፔ ማፃ ኬሲና፣ ቃንሳን ሸቄዳ። ዩሱሲ ኪቴዳዋንቱ ኦሱዋ ጊደን ፖሌቴዳ ኪታቲካ ሄ ኦሱ አማኒያ አሳ ዳዑዋኒኔ አማኒያዋንቱ ኢቲፔቴላን ዳዒያ ዋልቃይ ኣይ ከና ዳሬንቶ ኦዳ።

ሸዎፓቲዋ ኡባቲዋሲ አሜቴዳ ቃንሳ ቆፋቲዋ

- ማርካቴላው ገጉዋ (1:1-26)
- ወርሴላን ዩሱሲ አሜዳ ኣዛዙዋኔ ሂደታ (1:1-14)
- ዩሁዳ ከታ ጌሌዳዋ (1:15-26)
- ዩሩሳላሜን ኦሴቴዳ ማርካቴላ (2:1-8:3)

- ዪሁዳኒኔ ሳማሪያን ኦሱቴዳ ማርካቴፋ (8:4-12:25)
- ጳውሎሲ ኪቴቴዳ ኦሱዋባ (13:1-28:31)
- ጳውሎሲ ኪቴቴዳ ኦሱዋሲ ኮይሮ ሃሜታ (13:1-14:28)
- ዬሩሳላሜ ሸቁዋ (15:1-35)
- ጳውሎሲ ኪቴቴዳ ኦሱዋሲ ላዔል ሃሜታ (15:36-18:22)
- ጳውሎሲ ኪቴቴዳ ኦሱዋሲ ሄዜንፉ ሃሜታ (18:23-21:16)
- ዬሩሳላሜን፣ ቁሳሪያኒኔ ሮሜን ሃኔዳ ጳውሎሳ ቃሹዋ (21:17-28:31)

1-2 ቶፊሎሳ፣ ዬሱሲ ሳሉዋ ቤዳ ጋላሳይ ጋካናው፣ ኦሳናውኔ ታማሪሳናው ደሜዳዋ ኡባባ ታኒ ታ ኮይሮ ማፃፋን * ፃፋዲ። ሳሉዋ ባናፔ ካሴ ኢ ባሬ ደሪዴ ኪቴዳዋንታ ጌሻ ኣያናን ኣዛዜዳ። 3 ኢ ባሬ ኪቴዳዋንቶ ኦይታሙ ጋላሳ ቤተዲኔ ቃሲ ያሳ ካዉቱላባ ኡንቱንቶ ኦዲዴ፣ ባሬ ዋዪያፔ ጉዪያን፣ ሃይቁዋፔ ዴንዴዳዋ ሲዴ ባይናን ሎይሊ ኣማንሊዴ፣ ባሬና ኡንቱንታ ቤሴዳ። 4 ኡንቱንቱና ኢቲፔ ዴዲዴ፣ ኡንቱንታ ሃዋዳን ያጊዴ ኣዛዜዳ፤ «ዬሩሳላሜፔ ኪሶፐቲ፤ ሸን ሂንቱንቱ ታፔ ሲሴዳ ታ ኣቡ ሂንቱንቶ ኢማና ጊዴ ሂደቲዳዋ ናጊፔ። 5 ኣዪሲ ሳፔ፣ ዮሃኒሲ ሃላን ፃማቁዳ፤ ሸን ጉላ ዋዲያፔ ጉዪያን፣ ጌሻ ኣያናን ሂንቱንቱ ፃማቁታኒታ» ያጊዳ።

ዬሱሲ ሳሉዋ ቤዳ
(ማር 16:19-20፤ ሉቅ 24:50-53)

6 ዬሱሲ ኪቴዳዋንቱ ዬሱሳና ጋኬቴዳ ዋዴ ኣ፣ «ሳዳው፣ ሃ ዋዲያን ኢሰራዔልቱዋሲ ካዉቱላ ዛራኒ?» ያጊዴ ኦቼዲና።

7 ዬሱሲ ኡንቱንታ፣ «ታ ኣቡ ባሬ ሳዳቱላን ኬሬዳ ኣጌናኔ ዋዲያ ሂንቱንቱ ኤራናሳ ጊዴና። 8 ሸን ጌሻ ኣያናይ ሂንቱንቱ ቦላ ዋዲያ ዋዴ፣ ዋልቃ ሂንቱንቱ ኣካኒታ፤ ያቲዴ ዬሩሳላሜኒኔ ዪሁዳ ጋዲያ ኡባን፣ ሳማሪያኒኔ ጋዲያ ጋፃ ኡባ ጋካናው ታው ማርካቴያዋንታ ጊዳኒታ» ያጊዳ።

9 ሃዋ ጌዳዋፔ ጉዪያን፣ ኡንቱንቱ ያሊሸን፣ ቶቁ ቶቁ ጊዴ፣ ሳሉዋ ቢና፣ ኡንቱንቱ ኣይፊያፔ ሻሪ ኣ ጌንሌዳ።

10 ዬሱሲ ቦላው ዴንዲያ ዋዴ፣ ኡንቱንቱ ሳሉዋ ጫዲ ያሊሸን፣ ቦላ ማዮዋ ማዬዳ ላዑ ኣሳቱ ኤሌካ ኡንቱንቱ ማታን ኤቁዴ፣ 11 «ጋሊላ ኣሳቶ፣ ሳሉዋ ያሊዴ፣ ሂንቱንቱ ኣዪሲ

1:1-2 ሉቅ 1:1-4 * 1:1-2 ታ ኮይሮ ማፃፋን፣ ሉቃሳ ሚሺራቹዋ ማፃፋ።
1:4 ሉቅ 24:49

ኤቄዲቲ? ሃ ሂንቴንቱፔ ሳሉዋ ቤዳ ዩሱሲ ሳሉዋ ቢያዋ ሂንቴንቱ ቤዔዳዋዳንካ፥ ሲሚዳ ያናዋ» ያጌዲኖ።

ዪሁዳ ኮታ ማቲያሲ ዶሬቲዳ
(ማት 27:3-10)

12 ሄዋፔ ጉዪያን፥ ዩሱሲ ኪቴዳዋንቱ ዳብሬ ዛይቲ ጌቲቲያ ዋጋራ ሚላ ዳሪያፔ ዩሩሳላሚ ሲሜዲኖ። ዋጋራ ሚላ ዳሪ ዩሩሳላሚፔ ኢቲ ኪሎ ሚቲሪያ ኬና። 13 ዩሱሲ ኪቴዳዋንቱ ዩሩሳላሚ ጌሊዳ፥ ባሬንቱ ዳዒያ ሳዓ ቶቃ ፑዳ ኬሴዲኖ፤ ያ ኬሴዳዋንቱ ሱንላይ ጳዒሮሳ፥ ዮሃኒሳ፥ ያዪቆባ፥ ኢንዲራሳ፥ ፒሊጶሳ፥ ቶማሳ፥ ባርታላሞሳ፥ ማቶሳ፥ ኢልፒዮሳ ናዓ ያዪቆባ፥ ባሬ ጋዲያሲ ሴሌቲያ † ሲሞናኔ ያዪቆባ ናዓ ዪሁዳ። 14 ሃዋንቱ ኡባቱ ማጫዋንቱና፥ ዩሱሳ ዳዪ ማይራሚናኔ ዩሱሳ ኢሻቱዋና ኡባይ ኢቲ ዋዛና ጊዲዳ፥ ኡባ ዋዳ ኢቲፔቱላን ዋሳው ሸቂኖ።

15 ሄ ዋዳ፥ ጳዒሮሲ ፃታኔ ላታማ ጊዲያ አማኒያ አሳ ሸቂዋን ኢቲፔ ዳዒያ ባሬ ኢሻቱዋ ጊደን ዳንዲ ኤቄዳ፥ ሃዋዳን ያጌዳ፤ 16 «ታናዳን አማኒያዋንቶ፥ ዩሱሳ ኦይቄዳዋንታ ካሌሌዳ ዪሁዳባ ጌሻ ኣያናይ ካሴ ዳዊቲ ዶናን ኦዳዳ ያሳ ማፃፋ ቃላይ ፖሌታናው ቤሴ። 17 ኣዪሲ ጎፔ፥ ዪሁዳ አሰቆሮቱ ኑናና ዳዒ፤ ቃሲ ኑናና ኢቱዋ ጊዲ ፓይዳቲዳ ኦሱዋ ባጋይ ዳዒና ማላ ዶሬቲዳ» ያጌዳ።

18 ዪሁዳ አሰቆሮቱ ባሬ ኢታ ኦሱዋን ዳሜዳ ሚሻን ጋዲያ ሻሚዳ፤ ሲንላው ጉፋኒዳ ኩንዲና፥ ኣ ኡሉ ጊዲዋፔ ዳኬቲዳ፤ ኣ ማራጩ ኡባይካ ካሬው ጳልፃቲ ኬሲ ኣጌዳ። 19 ዪሁዳ ቦላ ሃኔዳዋ ዩሩሳላሚን ዳዒያ አሳይ ኡባይ ሲሴዳ፤ ሄዋ ዲራው፥ ሄ ጋዲያ ባሬንቱ ቃላን ኣኬልዳማ ጊዳ ሱንሌዲኖ፤ ሄዋ ቢሌላይ ሱላ ጋዲያ ጊያዋ።

20 ጳዒሮሲ ኦዲዳ፥ «ኣዪሲ ጎፔ፥ ማዚሙሪያ ማፃፋን፥
(ኣ ጎሊ ሜላ አቶ፤
ኦኒኔ ሄዋን ዳዖፖ)

ቃሲ

(ኣ ሱንላቲላካ ሃራይ አኮ)
ጌቲቲዳ ፃፊቲዳ። 21-22 ሄዋ ዲራው፥ ኢቲ አሳይ ጎዳ ዩሱሳ ዳንዲዋ ማርካታናው፥ ኑናና ጋኬታናው ቤሴ፤ ዮሃኒሲ ፃማቄዳ ዋዲያፔ ዶሚዳ፥ ዩሱሲ ኑፔ ሳሉዋ ቤዳ ዋዲ ጋካናሲ፥ ጎዳ

† 1:13 ባሬ ጋዲያሲ ሴሌቲያ፥ ሃ ሱንላይ ካላፔ ሮሜ ኣሳና ኤቄቲዳ ኦሌቲዳ ኣዪሁዳ ኣሳሲ ኢሜቲዳዋ። 1:20 ማዝ 69:25፤ 109:8

ዬሱሲ ኑናና ሃማቲዳ ዋዲያ ኡባን ኢ ኑናና ዳዒያዋንቱፔ ኢቱዋ ጊዲ ሱንጭታናው ቤሴ።»

23 ሃዋፔ ጉዬ አማኒያ አሳይ ደረዋሲ ዮስዖሳ ጊያ ባርሳባ ጌቲቲያ ዮሴፋኔ ማቲያሳ ላዑቀ ኤሴዲኖ። 24-25 ሃዋፔ ጉዲያን፣ ዖሳ ዋሲዳ፣ «ኡባ ዋዛና ኤሪያ ጎዳው፣ ዪሁዳ አስቆርቱ ባሪሳ ባናው ዬጊዳ ቤዳ ኦሎቶኔ ዬሱሲ ከቴዳ ኦሎቶ ሃዳራ አካናዳን፣ ሃ ላዑ አሳቱዋፔ ኢቱዋ ኔኒ ደራዳዋ ኑና ቤሳ» ያጌዲኖ። 26 ኡንቱንቱን ሳማ ዬጌዲኖ፤ ሳማይ ማቲያሳ ቦላን ዋዲና፣ ማቲያሲ ዬሱሲ ከቴዳ ታማኔ ኢቲ ከቴታዋንቱና ፓይዳቴዳ።

2

ዬሱሳ ካሊያዋንቱ ቦላ ጌሻ አያና ዋዲፋ

1 ጰንጻቆስቲ * ጊያ ጋላሳይ ጋኬዳ ዋዳ፣ አማኒያዋንቱ ኡባቲ ኢቲፔ ጊዲዳ፣ ኢቲሳ ሸቂ ዳዒሺን፣ 2 ዋልቃማ ጎቱዋዳን ጉሚያ ጉንሳይ ዋዛና አጭን ሳሉዋፔ ዪዳ፣ ኡንቱንቱ ኡቴዳ ጎሊያ ኡባ ኩሚዳ። 3 ቃሲ ታማ ላጩዋዳን ፖዲጊያዌ ኡንቱንቶ ቤቲዳ፣ ሻኩቲ ሻኩቲ፣ ኡንቱንቱ ኡባ ቦላ ዋዲዳ። 4 ኡንቱንቱ ኡባን ጌሻ አያናይ ኩሚዳ፣ ዲማ ዲማ ቃላን ሃሳያና ማላ፣ ኡንቱንታ ዲንዳዪሲና፣ ሃሳያ ደሚዲኖ።

5 ሳባን ዳዒያ አሳ ዜሬላ ኡባፔ ዪዳ፣ ዖሳው ያዪያ ኢቲፔ ዳዒያ አዪሁዳቲ ዩሩሳላሚን ዳዒኖ። 6 ሃ ጉንሳ ሲሴዳ ዋዳ፣ አሳይ ኡባይ ሸቂዳ፤ ኡንቱንቱ ባሬንቱ ቃላን ቃላን ሃሳዪሺን ሲሴዳ ዲራው፣ ጊያዋ ዳዪዲኖ።

7 አሳይ ኡባይ ማላሌቲዳኔ ሃዌ ኦራላባ ጊዳ፣ «ቤዒቲ፤ ሃ ሃሳዪያዋንቱ ኡባቲ ጋሊላ አሳቱዋ ጊዲኪኖ? 8 ያቲና፣ ኑኒ ኑ ዩሌቲዳ ጋዴ ቃላን ኡንቱንቱ ሃሳዪሺን ዋኒዳ ሲሴቶ? 9 ኑኒ ጳርቲ አሳቲ፣ ሚዳኔ አሳቲ፣ ኤላሚጻ አሳቲ፣ ላዑ ሻፋቱዋፔ ጊዲዋን ዳዒያዋንቱ፣ ዪሁዳን፣ ቃጳደቂያን፣ ጳንዖሳን፣ ኢሲያን፣ 10-11 ፐርጊያን፣ ጳኒፊሊያን፣ ጊብጻን፣ ቄሬና ባጋን ዳዒያ ሊቢያ ዋራዳቲዋን ዳዒያዋንቱ፣ ሮሜፔ ዩዳ ኢማላቲ፣ አዪሁዳቲ፣ አዪሁዳቲላው ላሚቲዳ ኑፔ አማራዳዋንቱ፣ ቃሪጻሴ አሳቲ፣ አራቢያ አሳቲ፣ ዖሳይ ኦሎዳ ዋልቃማ ኦሎቶ ኑ ቃላን ኡንቱንቱ ሃሳዪሺን ሲሴዳ» ያጌዲኖ። 12 ኡባይካ ማላሌቲዳ፣ ዩዌ ባሬንቶ ጌሌናን ኢጻና ባሬንቱ ጊዳን፣ «ላ ሃዌ ዋጊያዌ?» ያጌዲኖ።

* 2:1 ጰንጻቆስቲ፣ አዪሁዳዪ አሳይ ፓሲጋ ባላ ቦንቾዳፔ አሻታሙ ጋላሳይ አጲ ሲሚና ቦንቾቲያ ዛርጋ ቆይቻ ባላ ጌቲቲያዋ። 2:1 ዋግ 23:15-21፤ ዛር 16:9-11

13 ሺን ሃራ አሳቱ አማኒያዋንቱ ቦላን ቂሊጨዳ፡ «ሃዋንቱ ኡሺዳ ማላቲዲኖ» ያጌዲኖ።

ጳጳርሳ ሃሳያ

14 ሺን ጳጳርሳ፡ ዩሱሲ ኪቴዳ ሃራ ታማኔ ኢቲ ኪቴቶዋንቱና ዴንዲ ኤቂዳ፡ ባሬ ኮሻ ቶቁ ኦሊዳ፡ ኡንቱንቶ ሃዋዳን ያጌ ኦዳዳ፤ «አዩሁዳቶ፡ ቃሲ ዩሩሳላሚን ዴዲያ ኡባቶ፡ ታኒ ኦዲያዋ ሲሲቱ። ሃዋ ሂንቱንቶ ኤሬቶ፤ ሂንቱንቱ ቆፒያዋዳን፡ ሃዋንቱ ማላቲቤይኪኖ። 15 አዩሲ ጎፔ፡ ዋንታፔ ቢሮ ሄዙ ሳቲ ጌዳ።

16 ሺን ሃዋ ናቢያ ኢዩዔል ሃሳዩዳዋ።

17 «ኢ ሃሳዩዳ፡ ሪሳይ ሃዋዳን ያጌዳ፤ ዋዲያ ወርሴላን ሃዋዳን ሃናናዋ።

ታኒ አሳ ኡባ ቦላን ታ ኢያና ጉሳና።

ሂንቱንቱ አቱማ ናናይኔ ሂንቱንቱ ማጫ ናናይ ቲምቢቲያ ኦዳናዋንታ።

ሂንቱንቱ ዋዳላ ናናይካ ሳፃ ቤዓናዋንታ፤

ሂንቱንቱ ጨማቱካ አኩሙዋ አኩሜታናዋንታ።

18 ሄ ጋላሳቱን ታ አቱማ ቆማቱዋ ቦላኒኔ

ታ ማጫ አሺካራቱዋ ቦላን

ታኒ ታ ኢያና ጉሳና።

ሄዋፔ ጉዩ ኡንቱንቱ ቲምቢቲያ ኦዳናዋንታ።

19 ቃሲ ታኒ ቦላ ሳሉዋን ኦራላባ፤

ጋርሳ ሳዓንካ ማላታ ቤሳና።

ሱላይ፡ ታማይኔ ሻሪያዳን

ካሜዳ ጨዋይ ዴዓና።

20 ዋልቃማኔ ቦንቾ ጌዳዳ ጎዳ ጋላሳይ

ጋካናፔ ካሴ አዋይ ቋማና፤

አጌናይካ ሱላ ማላታና።

21 ሄ ዋዳ ሃዋዳን ሃናናዋ፤

ጎዳ ሱንላ ያሲያ ኦኒኔ አታና

ያጌዳ።

22 «ኢሲራዔሊያ አሳቶ፡ ሃ ቃላ ሲሲቱ፤ ናዚሬቲያ ዩሱሲ ሂንቱንቱ ጌደን ያሳይ ባሬናን ኦሴዳ ዋልቃማ ኦሱዋን፡ ኦራላባኒኔ ማላታን ሂንቱንቶ ቋሺሴዳ አሳ፤ ሄዋ ሂንቱንቱካ ኤሪታ። 23 ዩሱሲ ሂንቱንቶ ኢሜታና ማላ፡ ያሳይ ካሴ ባሬ ሺኒያኒኔ ባሬ ኤራን ባሬ ቆፋ ቃቺ ዋሴዳ፤ ያቲና፡ አ ሂንቱንቱ ናጋራንቻቱዋ ኩሺያን ማሰቃሊያ ቦላ ሚሲማሪያን ቋሺሴዳ።

ካቂሲ ዎጲሴዲታ። 24 ሺን ሃይቁ ዩሱሳ ኦይቃናው ዳንዳዪቤና ዲራው፣ ያሳይ ሃይቁዎ ሴላ ኣፔ ጳዪሲዳ፣ ኣ ዴንጴዳ። 25 ኣዪሲ ጎፔ፣ ዳዊቲ ዩሱሳባ ሃዋዲን ያጌዳ፤

ታኒ ሜቶቲናዳን፣

ጎዳይ ታ ኡሽቻን ዴዲያ ዲራው፣

ታኒ ኡባ ዎዴ ጎዳ ታ ማታን ቤዓይ።

26 ሄዋ ዲራው፣ ታ ዎዛናይ ናሽቲዳ፤

ታ ኢንፃርሳንካ ናሽቻይ ኩሜዳ።

ቃሲ ታ ቦላይካ ሎዎ ዴዓና ጊዳ፣

ናሽቻን ናጌ።

27 ኣዪሲ ጎፔ፣ ታ ሽምፑዎ

ሲዎሊያን ኣጋካ።

ቃሲ ኔ ጌሻ ናዓ ኣጋካ ዎቁላካ።

28 ኔኒ ታና ዴዑዎ ኦጊያ ኤርሳዳ።

ኔኒ ታናና ዴዲያዎን

ታኒ ዳሪ ናሽታይ)

ያጌዳ።

29 «ኣሻቶ፣ ኑ ኣዎቱዎ ካፑዎ ዳዊቲባ ታኒ ሂንቲንቶ ጌሻዴ ኡዳናው ቤሴ፤ ዳዊቲ ሃይቁዴ ሞጌቲዳ፤ ኣ ዲፉ ሃቼ ጋካናወካ ኑ ማታን ዴዒ። 30 ዳዊቲ ናቢያ ጊዴዳ ዲራውኔ ያሳይ ኣ ናና ዜሬላፔ ኢቱዎ ኣ ካወቲላ ኦይዲያን ኡቲሳናው ኣው ጫቂዳዎ ኤሬዳ ዲራው፣ 31 ኪሪሰቶሳ ዴንዲዎ ሲንላው ያሊዳ፣ ሩኣ ሽምፑ ሲዎሊያን ኣቲቤና፤ ኣ ቦላይካ ዎቁቤና) ጊዴ ኦዴዳ።

32 «ያሳይ ዩሱሳ ሃይቁዎፔ ዴንጴዳዎሲ ኑኒ ኡባይ ማርካ።

33 ሄዋ ዲራው፣ ያሳይ ባሬፔ ኡሽቻ ባጋን † ኣ ጶቁ ጶቁ ኡዲዳ፣

ኣው ጌሻ ኣያና ኢማና ጌዳዎዳን፣ ጌሻ ኣያና ኣኪዳ፣ ሃዋ ሂንቲንቱ

ሃዒ ቤዒያዎኔ ሲሲያዎ ኑ ቦላ ጉሴዳ። 34-35 ኣዪሲ ጎፔ፣ ዳዊቲ

ባሬ ሁጳው ሳሉዎ ኬሲቤና፤ ሺን ያጌዳ፤

ሳዳይ ታ ጎዳ፤ «ታኒ ኔ ሞርኬቱዎ

ኔኒ ጌዲያን ዩጳ ኤቂያዎ ኦሳና ጋካናው

ሃዋን ታፔ ኡሽቻ ባጋና ኡታ» ጌዳ)

ያጌዳ።

36 «ሄዋ ዲራው፣ ያሳይ ማሰቃሊያ ቦላ ሚሲማሪያን ሃ ሂንቲንቱ ጲሺዴ ካቂዳ ዩሱሳ ጎዳኔ ኪሪሰቶሳ ኦጵዳዎ ኢሰራዔሊያ ኣሳ ዜሬላይ ኡባይ ቱሙፔ ኤር» ያጌዳ።

2:25 ማዘ 16:8-11 2:30 ማዘ 132:11፤ 2ሳዎ 7:12-13 † 2:33
ኡሽቻ ባጋ፡ ጉሳይ ቦንቹዎኔ ዎልቃ ቤሲያ ሳዓ። 2:34-35 ማዘ 110:1

37 አሳይ ጳጳርሲ ጌዳዋ ሲሴዳ ዎዴ፡ አሳው ዎዛናይ ዳሮፕ ቦሼቲና፡ ጳጳርሳኔ ዩሱሲ ኪቴዳ ሃራቱዎ፡ «ኑ ኢሻቶ፡ ያቲና ኑኒ ኢያ ኡዳኔ?» ያጌዲኖ።

38 ጳጳርሲ ኡንቱንታ፡ «ሂንቱንቱ ናጋራይ አቶ ጌቲታና ማላ፡ ናጋራፕ ሲሚዳ፡ ሂንቱንቱ ሁጲያን ሁጲያን ዩሱሲ ኪሪስቶሳ ሱንሳን ፃማቁቲቲ። ያሳይ ኢሚያ ጌሻ አያና ሂንቱንቱ አካና።

39 አዪሲ ጎፔ፡ ያሳይ ኢማና ጌዳ ቃላይ ሂንቱንቱሳ፡ ሂንቱንቱ ናናቱዋሳኔ ጎዳይ ኑ ያሳይ ባሬኮ ዪሲያ ሃኩዋን ዴዲያዋንቱ ኡባሳ» ያጌዲኖ።

40 ጳጳርሲ ኡንቱንቶ ቃላ ሃራካ ጉጂ ማርካቲዳ፡ «ሃ ዎዲያ ጌላ አሳፔ ሂንቱንቱ ሁጲያ አሺቲ» ያጌዴ ዞሬዳ። 41 ጳጳርሲ አዴዳዎ አኬዳዋንቱ ፃማቁቲዲኖ፤ ሄ ጋላሲ ሄዙ ሻዓ ጌዲያ አሳይ አማኔዲኖ። 42 ኡንቱንቱ ዩሱሲ ኪቴዳዋንቱ ቲሚርቲያን፡ ኢቲፔቲላን ኡኪላ ሜንሳ ሚያዋኒኔ ያሳ ዎሳን ጌንጪኖ።

አማኒያ አሳይ ኢሻቲላኒኔ ኢቲፔቲላን ዴዲያ ዴዑዎ

43 ዩሱሲ ኪቴዳዋንቱ ኩሺያን ዳር ኦራላባይኔ ማላታቱ አሴቲና፡ አሳ ኡባ ያሻይ ኦይቁዳ። 44 አማኔዳ ኡባቱ ኢቲፔ ዴዲኖ፤ ቃሲ ባሬንቶ ዴዲያባ ኡባካ ኢቲፔ ሻኪ አኬዲኖ። 45 ኡንቱንቱ ባሬንቱ ጋዲያኔ ባሬንቶ ዴዲያባ ዛለዲ ዛለዲዳ፡ ኦናኔ ኮሼዳ ኬና ሚሻ ኡባው ሻኬዲኖ። 46 ቃሲ ኡባ ጋላሲ፡ ኢቲ ዎዛና ጌዲዳ፡ ጌሻ ጎሊያን ፓጩናን ጋኬቲዳ፡ ባሬንቱ ጎሌ ጎሌ ዪሴቲዳ ናሽቻኒኔ ፓሺካ ዎዛናን ቁማ ሚኖ። 47 ያሳ ጋላቲዳ፡ አሳ ኡባን ሳቤቲዲኖ። ቃሲ ጎዳይ አማኒ ኢቲያዋንታ ጋላሲ ጋላሲካ ኡንቱንቱ ቦላ ጉጂ።

3

ኢቲ ዎባ ቢታኒ ፓዪዳ

1 ኢቲ ጋላሲ፡ ጳጳርሲኔ ዮሃኒሲ ያሳ ዎሳናው ኡዱፕ ሳቲያን ጌሻ ጎሊያ ቤዲኖ። 2 ዩሌቶዴፔ ዶሚዳ፡ ጉንዳ ጌዲዳ ዴዲያ ኢቲ ቢታኒ ጌሻ ጎሊያ ጌሊያ አሳፔ ሚሻ ዎሳናው፡ ኡባ ጋላሲ ዳሬ ሎዓ ጌያ ጌሻ ጎሊያ ፔንጊያን አሳይ አፊዴ ዎሊያዌ ዴዴ።

3 ሄ ዎባ ቢታኒ፡ ጳጳርሲኔ ዮሃኒሲ ጌሻ ጎሊያ ጌላና ሃኒሺን ቤዲዳ፡ ሚሻ ኡንቱንታ ዎሴዳ።

4 ጳጳርሲ ዮሃኒሳና አ ጫዲ ያሊዳ፡ «ኑኮ ሃ ያላ» ያጌዲኖ። 5 ዎባ ቢታኒ ኡንቱንቱፔ ኢቲባ አካናው ኮዪዳ፡ ኡንቱንቱኮ ያሊዳ። 6 ሺን ጳጳርሲ አ፡ «ታው ሚሻይ ባዎ፤ ሺን ታው

ዳዲያ ታኒ ኔው ኢማና፤ ናዚሬቲያ ዬሱሲ ኪሪሰቶሳ ሱንላን ዳንዳዴ ሃሜታ» ያጌዳ።

7 ያቲዳ፡ ዋባ ቢታኒያ ባሬ ኡሼቻ ኩሺያን ኦይቂዳ፡ ፑዴ ዳንሴዳ፤ ኤሌካ ኣ ጌዲኔ ሚሺ ማቂላይ ሚኒ ኣጌዳ። 8 ቢታኒ ፑዴ ጉፒዳ፡ ዳንዲ ኤቄዳ፤ ያኔ ሃኔ ሃሜታ ደሜዳ። ሄዋፔ ጉዩያን ሃሜቲዳ፡ ጉፒዲኔ ያሳ ጋላቲዳ፡ ኡንቱንቱና ኢቲፔ ጌሻ ጎሊያ ጌሌዳ።

9 ኢ ሃሜቲሺናኔ ያሳ ጋላቲሺን፡ ኣሳይ ኡባይ ኣ ቤዔዳ።

10 ያቲዳ፡ ሚሻ ዋሳናው ዳሪ ሎዓ ጊያ ጌሻ ጎሊያ ፔንጊያን ኡቴዳዌ ኣ ጊዴዳዋ ኣኬኬዲኖ፤ ኢ ሃኔዳዋ ቤዔዴ ማላሌቴዲኖ።

ጳዊርሲ ጌሻ ጎሊያን ሃሳዬዳ ሃሳያ

11 ቢታኒ ጳዊርሳኔ ዮሃኒሳ ኦይቂ ኡቴዳ ዋዴ፡ ኣሳይ ኡባይ ማላሌቲዳ፡ ሶሎሞኔ ባራንዳ * ጊያሳን ኢቲፔ ኡንቱንቱኮ ዋዴዲኖ። 12 ጳዊርሲ ኣሳ ቤዔዳ ዋዴ ኡንቱንቶ ያጌዳ፤ «ኢስራዔሊያ ኣሳቶ፡ ኣዩሲ ሃዋ ማላሌቲቲ? ዋይ ኣዩሲ ኦና ጫዲ ያሊቲ? ኮኒ ኦ ዋልቃን ዋይ ያሳ ማላቲያዋን ሃ ቢታኒያ ሃሜሴዳዋ ሂንቱንቶ ማላቲ? 13 ኣብራሃሞ ያሳይ፡ ዩሳቃ ያሳይ፡ ያዩቆባ ያሳይ፡ ኦ ኣዋቱዋ ያሳይ፡ ሂንቱንቱ ኣሉ ኢሚዳዋ ጲላዖሲ ቢላናው ቆፒ ኡቴዳ ዋዴ፡ ሂንቱንቱ ኣ ሲንላን፡ ሓኒ ኣ ኤርኮ» ጌዳ ባሬ ናዓ ዬሱሳ ቦንቼዳ። 14 ሺን ሂንቱንቱ ጌሻኔ ያሊቲ፡ ሓኒ ኣ ኤርኮ» ጊዴ፡ ሸምፑዋ ዋዴዳዋ ኣ ዲራ ሂንቱንቶ ቢላናው ጲላዖሳ ዋሲዲታ። 15 ዳዑዋ ኢሚያዋ ሂንቱንቱ ዋዴዲታ፤ ሺን ያሳይ ሃይቁዋፔ ኣ ዳንሴዳዋሲ ኮኒ ማርካ። 16 ሃ ዋባ ቢታኒያ ዬሱሳ ሱንላ ዋልቃይ ሚኒሴዳ፤ ሂንቱንቱ ቤዔያዌኔ ኤሪያዌካ ኢ ኣ ሱንላን ኣማኒያዋን ኦሴቴዳ፤ ሃ ሂንቱንቱ ኡባ ሲንላን ኣ ሃዋዳን ሎይሴዳዌ፡ ዬሱሳ ኢ ኣማኒያዋ።

17 «ሃዒካ ታናዳን ኣማኒያዋንቶ፡ ሂንቱንቱካ ሂንቱንታ ካሊያዋንቱዳን፡ ኤሪናን ኦሴዳዋ ታኒ ኤራይ። 18 ሺን ያሳይ ቤኒ፡ ናባቱዋ ኡባቱዋ ደናን፡ ስሪሰቶሲ ዋዩታና ቤሴ» ያጌዴ ኦዴዳ፤ ባሬ ኦዴዳዋካ ሄዋዳን ፖሌዳ። 19-20 ሲሚ ያሳይ ሂንቱንቱ ናጋራ ማራናዳን፡ ጎዳ ማታፔ ኣያና ሚኖቴላ ዋዲ ሂንቱንቶ ያናዲኒኔ ያሳይ ዬሱሲ ኪሪሰቶሳ ካሴ ሂንቱንቶ ኦዴቶዋዳን ዬዳናዳን፡ ሂንቱንቱ ናጋራ ፓዲዳ ያሳኮ ሲሚቲ። 21 ያሳይ ጌሻ ጊዴዳ ባሬ ናባቱዋ ደናን ቤኒፔ ደሚዴ ሃሳዬዳዋዳን፡ ኡባባይ ኦራዲያ ዋዲ

* 3:11 ሶሎሞኔ ባራንዳ፡ ጌሻ ጎሊያ ኣዋይ ደሊያ ሲንላ ባጋና ጮራ ኣሳይ ሸቂያ ኣዲሳኔ ኣኮ ሳዓ።

ጋካናው፡ ዬሱሲ ሳሉዋን ጋሚዳናው ቤሴ። 22 ሙሴ፡ ሳዳይ ያሳይ፡ ሂንቴንቱ ዛሪያ ጊደፔ ሂንቴንቶ ታናዳን ናቢያ ዴንላና፤ ሂንቴንቱ ኢ ጊያዋ ኡባ ሲሲቱ። 23 ሄ ናቢ ኦዲያዋ ሲሴና አሳይ ኦኒኔ አሳ ጊደፔ ሻኬቲ ቆዮ» ያጌዳ።

24 «ቃሲ ሳሚላፔ ደሚዳ፡ አፔ ካላ ዴንዴዳ ናባቱ ኡባቱ፡ ሃ ዎዲያባ ኦዴዲኖ። 25 ሂንቴንቱ ናባቱዋ ናና፤ ቃሲ ያሳይ ኦብራሃሞሲ፡ ሳሳን ዴዲያ አሳ ኡባ ታኒ ኔ ዜሬላ ባጋና አንጅና) ያጌዳ ኦ አዋቱዋና ጫቄዳ ጫቄዋ ላቲያ ናና። 26 ያሳይ ሂንቴንታ ኡባቱዋ ሂንቴንቱ ኢታ ኦሱዋፔ ዛሪዴ አንጅና ማላ፡ ባሬ ቆማ † ዴንሲዳ፡ ሂንቴንቶ ኮይሮ ዬዴዳ» ያጌዳ።

4

ጳዳርሲኔ ዮሃኒሲ አዪሁዳቱዋ ሻንጋቱዋ ሲንላ ሺቄዲኖ

1 ጳዳርሲኔ ዮሃኒሲ አሳሲ ኦዲሺን፡ ቄሳቱዋ ካፓቱ፡ ጌሻ ጎሊያ ዎታዳራቱዋ አዛዚያዌኔ ሳዲቃዋናቱ። 2 ኡንቱንቱ አሳ ታማሪሲያ ዲራውኔ ሃራ አሳቱ ሃይቁዋፔ ዴንዳናዎ ማርካ ጊዳና ማላ፡ ዬሱሲ ሃይቁዋፔ ዴንዳዳዎ ኦዴዳ ዲራው፡ ደሪ ዪሎቲዳ፡ ኡንቱንቱኮ ዬዲኖ። 3 ኡንቱንታ ኦይቄዳ፡ ሳዳይ ኦማርሲዲጎ ዲራው ዎንታናሲ ቃሾ ጎሌ ጌሊሴዲኖ። 4 ሺን ቃላ ሲሴዳዋንቱፔ ጮራቱ አማኔዲኖ፤ አቱማ አሳ ፓይዲ ኢቼሹ ሻዓ ከና ጊዴዳ።

5-6 ዎንቱላ ጋላሲ፡ ኡንቱንታ ሞዲያዋንቱ፡ አዪሁዳ አሳ ጨማቱ፡ ሙሴ ሂጊያ ታማርሲያዋንቱ፡ ቄሳቱዋ ኡባቱዋ ካፓቱ ሃኒ፡ ቃያፊ፡ ዮሃኒሲ ኢስከንዲሪኔ ቄሳቱዋ ኡባቱዋ ካፓቱዋ ዳባቱ ኡባይ ዬሩሳላሚን ሺቄዲኖ። 7 ዬሱሲ ኪቴዳዋንታ ባሬንቱ ጊዴዋን ኤሲዳ፡ «አያ ዎልቃን ዎይ ኦ ሱንላን ሃዋ ሂንቴንቱ ኦሌዲቱ?» ያጌዳ ኦቼዲኖ።

8 ሄ ዎዴ ጳዳርሲ ባሬናን ጌሻ አያናይ ኩሚና፡ ኡንቱንታ ሃዋዳን ያጌዳ፤ «አሳ ካሌሌያዋንቶ፡ አዪሁዳ አሳ ጨማቶ፡ 9 ሃቼ ሃ ሃርጋንቻ ቢታኒያሲ ኦሴቲዳ ሎዎ ኦሱዋባኔ ኢ ዋኒ ፓዲዴንቶ፡ ሂንቴንቱ ኦና ኦቻፔ፡ 10 ማሰቃሊያ ቦላ ሚሲማሪያን ሂንቴንቱ ጲሺዴ ካቄና፡ ያሳይ ሃይቁዋፔ ዴንሌዳ ናዚሬቲያ ዬሱሲ ኪሪሰቶሳ ሱንላን ሃ ቢታኒ ፓዲዳ፡ ሂንቴንቱ ሲንላን ኤቄዳዌ ሂንቴንቱ ኡባሲኔ ኢሰራዔሊያ አሳ ኡባው ኤሬቶ። 11 ጎሊያ

3:22 ዛር 18:15፣ 18 3:23 ዛር 18:19 3:25 ደም 22:18 † 3:26 ቆማ፡ ያሳ አዉዋን ደሬቲዳ ናዓ።

ከዲያዋንቱ ሂንቲንቱ ካጲዳ ኢጲዳ ቱሳይ ጎሊያ ኡባ ቶኪያ ኮሺያ ቱሳ ጊዳዳ። 12 አሳይ አቶቴላ ዬሱሳ ባገና ዳማናፕ አቲን፣ ሃራ ኦ ባገናኔ ዳሜና፤ ኮኒ ኦ ሱንላን ኦላናው ቤሴ፤ አዪሲ ጎፕ፣ ያሳይ ሳሉዋፕ ጋርሳን አሳሲ ኢሜዳ ሃራ ሱንላይ ባዋ» ያጌዳ።

13 ሺቁዋ አሳይ ጳዲሮሲኔ ዮሃንሲ ፃሌዳ ፃላ ቤዔዳ ዎዳ፣ ኡንቱንቱ ታማሪቤና ጮ አሳ ጊዳዳዋ አኬኪዳ ማላሌቴዲና፤ ኡንቱንቱ ዬሱሳና ዳዲያዋካ ኤሬዲና። 14 ቃሲ ፓዌዳ ቢታኒ ጳዲሮሳናኔ ዮሃንሳና ኤቁዳዋ አሳይ ቤዒዳ፣ ጊያዋ ቆዩዲና።

15 ሺን ጳዲሮሲኔ ዮሃንሲ ሺቁዋፕ ካሬ ኬሳና ማላ አሳይ አዛዚዳ፣ ባሬ ጊዳን ዘሬቲዳ። 16 «ሃ አሳቱዋ አያ ኡዳኔ? አዪሲ ጎፕ፣ ኡንቱንቱ ኩሺያን ኦሴቴዳ ዎልቃማ ማላታቱ ዬሩሳላሜን ዳዲያ ኡባው ቤቴዳ። ኮኒ ሄዋ ኤርኮ ገናው ዳንዳዮኮ። 17 ሺን ዬዉ አሳው ላሌቴና ማላ፣ ሃዋፕ ሲንላው ሃ አሳቱ ዬሱሳ ሱንላ ኦሲኒ ኦዳናን፣ ማኒሲዳ ኡንቱንታ፣ «ሂንቴና ኤሪቴ» ጎይቱ» ያጌዲና።

18 ኡንቱንቱ ፃሲዳ፣ ዬሱሳ ሱንላ ሙሌካ ዳንጤናዲኒኔ አባ ታማሪቤናዳን አዛዜዲና። 19 ሺን ጳዲሮሲኔ ዮሃንሲ ዛሪዳ፣ «ያሳው ኤኖ ጊያዋ አጊዳ፣ ሂንቲንቶ ኤኖ ጊያዌ ያሳ ሲንላን ሎዔንቶኔ አኔ ሂንቱ ፐርዲቴ። 20 አዪሲ ጎፕ፣ ኮኒ ቤዔዳባኔ ሲሴዳባ ኦዳናን አገናው ዳንዳዮኮ» ያጊዳ ሺቁዳ አሳው ኦዳዲና።

21 ሺቁዳ አሳይ ኡንቱንታ ሙራናው ጋሶቲያባይ ቆዩና፣ ላዔሉዋ ዳሪሲ ፓሉሜቲዳ፣ ሃኔዳባው አሳይ ኡባይ ያሳ ጋላቲያ ዲራው፣ ኡንቱንታ ቢሊዳ ዬዳዲና። 22 ሄ ሃርጊያፕ ፓሊያ ማላታቱ አው ኦሴቴዳ ቢታኒ ዬሌቶዴፕ ላይላይ አው አይታሙዋፕ አጴዳ።

ዬሱሲ ኪቴዳዋንቱኔ ሃራ አማኒያ አሳቱ ቆማ ዎዳ ዎሴዳ ዎሳ

23 ጳዲሮሲኔ ዮሃንሲ ቢሌቴዳ፣ ባሬንቱ ዳባቱዋኮ ቢዳ፣ ቁሳቱዋ ካፓቱኔ አዪሁዳ ጪማቱ ባሬንታ ጌዳባ ኡባ ኡንቱንቶ ኦዳዲና። 24 ኡንቱንቱ ሄዋ ሲሴዳ ዎዳ፣ አቲ ዎዛና ጊዲዳ፣ ያሳ ሃዋዳን ያጊዳ ዎሴዲና፤ «ኡባ ሞዲያ ጎዳው፣ ሳሉዋ፣ ሳባ፣ አባኔ ኡንቱንቱ ጊዳን ዳዲያ ኡባባ ሜጴዳዎ፣ 25 ኮኒ ኔው ኦሊያ ኦ አወዋ ዳዊቱ ደናን ጌሻ አያናን ሃሳያዳ፣

«አዪሁዳ ጊዳና አሳይ አዪሲ ዪሎቴዳ?
ቃሲ አሳይ አዪሲ ዳንቤናባው ማቁቴዳ?»

26 ሳዓ ካታቱ ጊጌቴዲኖ፤
 ጋዲያ ሞዲያዋንቱ ጎዳ ቦላኒኔ
 ኢ እኩዳ ከሪስቶሳ ቦላ ኢቲፔ ዳንዴዲኖ)
 ያጋዴ ሃሳያዳ።

27 «እዩሲ ጎፔ፣ ሄሮዲሲኔ ጳንጭናዊያ ጲላጾሲ አዩሁዳ ጊዴና አሳናኔ ኢሰራዴሊያ አሳና፣ ኔኒ እኩዳ ከሪስቶሳ ኔ ጌሻ ናዓ ዩሱሳ ቦላ ዳንዳናው፣ ሃ ካታማን ሸቆዳዌ ቱማ። 28 ቃሲ ኔኒ ኔ ዋልቃኒኔ ኔ ሸኒያን ሃናና ጋዴ ቆፓ ኡቴዳባ ኡባ ኦላናው ሸቆዲኖ። 29 ሃራካ ጎዳው፣ ኡንቱንቱ ናሲያ ጃላ፤ ኮኒ ኔና ካሊያዋንቱ፣ ኔ ቃላ ኩሜንላ ቆንጨቴላን ኦዳናዳን፣ ኮና ዳንዳዪሳ። 30 ፓላናው ኔ ዋልቃ ቤሳ፤ ቃሲ ኔ ጌሻ ናዓ ዩሱሳ ሱንላን ኦራላባኔ ማላታ ኦሲሳ» ጊዴ ዋሴዲኖ።

31 ኡንቱንቱ ያሳ ዋሴዳዋፔ ጉዪያን፣ ሄ ኡንቱንቱ ሸቆዳሳይ ቃዳዳ። ኡንቱንቱ ኡባን ጌሻ አያናይ ኩሚና፣ ያሳ ቃላ ቆንጨቴላን ኦዴዲኖ።

ኮይሮ አማኔዳ አሳቱዋ ኢቲፔቴላ ዳዑዋ

32 አማኒያዋንቱ ኡባቱ ቆፋኒኔ ዋዛናን ኢቱዋ ጊዴዲኖ። ኡንቱንቱ ሜሂ ኡባይ ኢቲፔ ዳዒያዋፔ ኢቲን፣ ባሬው ዳዔዳባ ኦኒኔ ባሬንቱባ ጊቤና። 33 ዩሱሲ ኪቴዳዋንቱ ጎዳ ዩሱሲ ሃይቁዋፔ ዳንዴዳዋ ዋልቃን ዋልቃን ማርካቲኖ፤ ቃሲ ያሳይ ኡንቱንቶ ኡባው አጼ ከካቴላ ዳሪሲዴ አሜዳ። 34 አማኒያዋንቱ ጊዳን ሜቶታንቻይ ኢቱኔ ባዋ፤ አዩሲ ጎፔ፣ ቢታይ ዋይ ጎሊ ዳዒያዋንቱ ኡባቱ ዛሊዒዴ፣ አኩዳ ሚሻ አሂዴ። 35 ዩሱሲ ኪቴዳዋንቱሲ አሚኖ፤ ሄ ሚሻይ አሳው ኮሺያዋዳን ሻኬቲ፣ ሁጲያን ሁጲያን አሜቱ።

36 ቆጲሮሳ ጌቲቲያ ሳን ዩሌቴዳ ዮሴፋ ጊያ ለዊያ ዛሪ ኢቱ ዳዔ፤ አ ሱንላ ዩሱሲ ኪቴዳዋንቱ ባርናባሳ ጌዲኖ። ሄዋ ቢሌላይ «ሜንጼሊያ ናዓ» ጊያዋ። 37 ባርናባሲ ባሬው ዳዒያ ጋዲያ ዛሊዒዳ ሚሻ አሂዴ፣ ዩሱሲ ኪቴዳዋንቱሲ አሜዳ።

5

ሃናኒያኔ አ ማቻቲ ሳጲሮ

1 ኢቲ ሃናኒያ ጌቲቲያ ቢታኒ ባሬ ማቻቲ ሳጲሪና ጋዲያ ዛሊዒዳ። 2 ሄ ዛሊዒዳ ሚሻፔ ባሬ ማቻታ ኤሪሺን አሺዴ፣ አቶዋ ዩሱሲ ኪቴዳዋንቱሲ አሜዳ።

3 ሺን ጳጳሮሲ ሃናኒያ፡ «ኔኒ ጌሻ አያና ጨማዴ ኔ ጋዲያ ዘለዔዳ ሚሻፕ ሻካ አሻና ማላ፡ ፃላሂ ኔ ዋዘናን አዩሲ ጌሌዴ? 4 ኔኒ ዘለዓናፕ ካሴ ጋዲ ኔዋ ጌዴኔ? ቃሲ ኔኒ ዘለዓ ሲሚናካ ሚሻይ ኔሳ ጌዴኔ? ያቲና፡ ሃዋ ማላባ ኦላናው አዩሲ ኔ ዋዘናን ቆፓዲ? ኔኒ ያሳው ዋርደቶዋፕ አቲን፡ አሳው ዋርደታቤይካ» ያጌዳ።

5 ሃናኒ ሄ ቃላ ሲሴዳ ማንዒያንካ ኩንዲዴ ሃይቂ አጌዳ፤ ሄዋ ሲሴዳ ኡባይ ዳሮ ያዩዳ። 6 ዋዳላ አሳቱ ሶይ ጌሊዴ፡ አ አጋ ያፂዴ፡ ካሬው ኬሲ አ ሞጌዲኖ።

7 ሄዙ ሳቱ ጌደዋፕ ጉዩያን፡ ሃናኒያ ማቻታ ሄዋ ኤሬናን ዴዳዴ ጌላዳ። 8 ጳጳሮሲ ኢዘ፡ «ሂንቱንቱ ጋዲያ ሃኒ ኬና ሚሻን ዘለዔዲቲ? አኔ ታው ኦዳ» ያጌዳ።

ኢዘ፡ «ኤ ሃኒ ኬና ሚሻን ዘለዔደ» ያጋዳ።

9 ጳጳሮሲ ሚሺራቶ፡ «ኔኒ ኔ አሲናይ ጎዳ አያና ፓጫናው አዩሲ ዘሬቲዲቲ? ቤዓ፤ ኔ አሲና ሞጌዳ አሳቱ ካሬን ዴዒና፤ ኔ አጋካ ኡንቱንቱ ካሬ ኬሳና» ያጌዳ።

10 ሚሺራታ ሄ ማንዒያንካ ጳጳሮሳ ጌዲያ ማታን ኩንዳዴ ሃይቃ አጋዲ፤ ዋዳላ አሳቱ ጌሊያ ዋዴ ሃይቂደወኖ ዴሚዴ፡ ካሬ ኬሴዳዋፕ ጉዩ፡ ኢዘ አሲና ዲፋዋ ማታን ሞጌዲኖ። 11 አማኒያ አሳ ኡባይ ኔ ሃዋ ሲሴዳ ሃራ አሳይ ኡባይ ዳሪ ያዩዳ።

ዩሱሲ ኪቴዳዋንቱ ኩሺያን ኦሴቴዳ ኦራላባቱዋኔ ማላሊሲያዋንታ

12 ዩሱሲ ኪቴዳዋንቱ ዳሮ ማላታኔ ኦራላባ አሳ ጌደን ኦሊኖ፤ አማኒያ ኡባቱ ሶሎሞኔ ባራንዳን ኢቲፕ ሺቂና። 13 ሃራ አሳፕ ኡንቱንቱና ጋኬታናው ሃራይ አቶ ኢቲኔ ፃሊቤና፤ ሺን አሳይ ኡንቱንታ ቦንቹ። 14 አማኒያ አቱማ አሳይ ኔ ማጫ አሳይ ካሴዋፕ ጮራይ ጎዳሲ ጉጃቲ። 15 ሄዋ ዲራው፡ አሳይ ሃርጋንቻቱዋ ሻንቻማኒኔ ሳሌናን ቄሪ ቶኪዴ፡ ጳጳሮሲ ሄዋና አጂያ ዋዴ ሃራይ አቶ፡ አው ኩዌንቶኔ ኡንቱንቱፕ ኢቲዋ ኢቲዋ ቦላና አጃና ማላ፡ ካታማ ኦጊያ ዶና ኬሲዴ ዋሴ። 16 ቃሲ ጮራ አሳይ ዩራሳላሚ ማታን ዴዒያ ካታማቱዋፕ ሃርጋንቻቱዋኔ ኢታ አያናን ኦይቄቴዳ አሳቱዋ አኪ ዩዲኖ፤ ኡባቱካ ፓፂዲኖ።

ዩሱሲ ኪቴዳዋንቱ ቦላ ዩዴሳይ ዴንዴዳ

17 ሄዋፕ ሲሚና ቄሳቱዋ ካፑኔ አናና ዴዒያ ሳዲቃዋናቱ ኡባቱ ዩሱሲ ኪቴዳዋንታ ዳሮ ቃናቲዴ፡ ኡንቱንቱ ቦላ ዴንዴዲኖ። 18 ቃሲ ዩሱሲ ኪቴዳዋንታ ኦይቄዴ፡ ኡባ አሳ ቃቺያ ጎሊያን

ዩጌዲኖ። 19 ሺን ጎዳ ኪታንቻይ ቃማ ቃሾ ጎሌ ፔንጊያ ደዪዳ።
ዩሱሲ ኪቴዳዋንታ ካሬ ኬሲዳ። 20 «ሂንቴንቱ ቢዳ። ጌሻ ጎሊያን ኤቂዳ። ሃ ኦራፋ ዴዑዋ ቃላ ኡባ አሳው ኦዲቱ» ያጌዳ።
21 ዩሱሲ ኪቴዳዋንቱ ሄዋ ሲሴዳ ዎዳ። ዎንቱማላን ጌሻ ጎሊያ ጌሊዳ። ታማርሳናው ደሜዲኖ።

ቃሲ ቄሳቱዋ ካፑኔ አናና ዴዒያዎንቱ ዪዳ። ሺቂዳ አሳና ኢሰራዔሊያ ጨማቱዋ ኡባቱዋ ኢቲፔ ዪሲዳ። ዩሱሲ ኪቴዳዋንታ ባሬንቱ ሲንላ አሃና ማላ። ዎታዳራቱዋ ቃሾ ጎሌ ኪቴዲኖ።

22-23 ሺን ዎታዳራቱ ቃሾ ጎሌ ቢዳ። ዩሱሲ ኪቴዳዋንታ ዴሚቤይኪኖ፤ ጉዬ ሲሚዳ ሺቂዳ አሳው። «ኑኒ ቢያ ዎዳ ቃሾ ጎሌ ካሪያ ዳር ሚኒሲ ቃቸና። ናጊያዎንቱካ ፔንጊያን ኤቂዳዎንታ ዴሜዳ፤ ሺን ኑኒ ቃሾ ጎሊያ ደዪያ ዎዳ። ጎሌ ጋርሳን ሃራይ አቶ ኢቲ አሳይኔ ባዎ» ያጌዲኖ። 24 ጌሻ ጎሊያ ዎታዳራቱዋ ከቲያዌኔ ቄሳቱዋ ካፓቱ ሄዋ ሲሴዳ ዎዳ። «ሃዌ ዋኑዋሻ? ቃሲ ጊዲኒ አዬ ሃናንዴሻ?» ያጊዳ ሂርጌዲኖ።

25 ሄዋፔ ጉዪያን፣ ኢቲ ቢታኒ ኡንቱንቱኮ ዪዳ። «ቤዒቲ፤ ቃሾ ጎሊያን ሂንቲ ቃቸዳ አሳቱ ጌሻ ጎሊያን ኤቂዳ። አሳ ታማሪሲኖ» ያጊዳ ኡንቱንቶ ኦዳዳ። 26 ጌሻ ጎሊያ ዎታዳራቱዋ አዛዚያዌ ዎታዳራቱዋና ቢዳ። ዩሱሲ ኪቴዳዋንታ አሄዳ፤ ሺን ኡንቱንቱ ባሬንታ አሳይ ሹቻን ጫዳናዎንታ ጊዳ ያዬዳ ዲራው። ኡንቱንታ ሎዳን አሄዲኖ።

27 ኡንቱንቱ ዩሱሲ ኪቴዳዋንታ አሄዳ። ሄዋ ሺቂዳ ሻንጉዋ ሲንላን ኤሲና። ቄሳቱዋ ካፑ ኡንቱንታ። 28 «ሂንቴንታ ኑኒ ሄ ቢታኒያ ሱንላን ታማሪሴና ማላ ሚኒሲዳ አዛዚቤይኮ? ቤዒቲ፤ ሂንቲ ቲሚርቲያ ዬሩሳላሜ ካታማ ኡባ ጋፊዲታ፤ ቃሲ ሄ ቢታኒያ ሹምፑዋን ኑና ኦይላናው ቆፒታ!» ያጊዳ ኦቸዳ።

29 ጳዒርሲኔ ዩሱሲ ኪቴዳ ሃራንቱ ዛሬዳ ያጌዲኖ፤ «ኑኒ አሳው አዛዜታናፔ ያሳው አዛዜታናው ቤሴ። 30 ማሰቃሊያ ቦላ ሚሰማሪያን ጳሺ ካቂዳ። ሂንቲ ዎጴዳ ዩሱሳ ኑ አዎቱዋ ያሳይ ሃይቁዋፔ ዳንፊዳ፤ 31 ኢሰራዔላቱዋሲ ናጋራፔ ሲማኔ ናጋራ አቶ ጉሳ ዩሱሲ ኢማና ማላ። ያሳይ ሞዲያዎኔ አሺያዎ አ ኦሊዳ። ባሬፔ ኡሹቻ ባጋን ጶቁ ጶቁ ኦሊዳ። 32 ሄዋሲ ኑኒ ማርካ፤ ቃሲ ያሳይ ባሬው አዛዜቲያዎንቱሲ ኢሜዳ ጌሻ አያናይካ ማርካ» ያጌዲኖ።

33 ሺቂዳ አሳይ ሄዋ ሲሴዳ ዎዳ። ዳር ዪሎቲዳ። ዩሱሲ ኪቴዳዋንታ ዎጳናው ቆፔዲኖ። 34 ሺን አሳ ኡባን ዳር ቦንቸቲዳ

ጋማሊያላ ጌቲቲያ፡ ሂጊያ ታማሪሲያ ኢቲ ፓሪሳዋ፡ ሸቁዋን ደንዲ ኤቁዳ፡ ዬሱሲ ኪቴዳዎንቱ ጉላ ዎዲያ ካሪ ኬሳና ማላ³⁵ እዛዚዳ ሄዋን ሸቁዳ አሳ ሃዎዳን ያጌዳ፤ «ኢሰራዔሊያ አሳቶ፡ ሂንቲ ሃ አሳቱዋ ኦላና ቆጊያዋን ሂንቲንታ ናጊቲ።³⁶ እዩሲ ጎፔ፡ ሃዋፔ ካሴ ዎዲያን ቲዎዳሳ ጌቲቲያዋ ባሪና ዎሊቃማ ጊዳ ዴንዳዳ፤ ዴንዲና ኦይዲ ያቲ ጊዲያ አሳቲ አናና ጋኬቲዲና፤ ሺን አ ዎዲና፡ አ ካሌዳ ኡባቱካ ላሌቲዳ፡ ማዳና አሳ ጊዲዳ አቲዲና።³⁷ ሄዋፔ ጉዩያን፡ አሳይ ፓይዴቲያ ዎዳ፡ ጋሊላ ዩሁዳይ ዴንዲዳ፡ ዳር አሳ ፓኑዋ ኡዲዳ ካሌሌዳ፤ ሺን አካ ዎዲና፡ አ ካሌዳ አሳይ ኡባይ ላሌቲዳ።

³⁸ «ሃዒካ ታኒ ሂንቲንቶ ኦዳይ፤ ሃ አሳቱዋፔ ሻኬቲቲ፤ ኡንቲንታ ቦቾፕቲ። አዩሲ ጎፔ፡ ሃ ቆፋይይ ሃ ኦሱ አሳይ ኦሌዳዎ ጊዶፔ ዳያና።³⁹ ሺን ሃ ቆፋይይ ሃ ኦሱ ያሳፔ ዬዳዎ ጊዶፔ፡ ሂንቲ ኡንቲንታ ዳዩሳናው ዳንዲይኪታ፤ ኦኒ ኤሪ ሃዋ ሃኒዳ ያሳና ሂንቲ ኢቲቲናዳን» ያጌዳ።

⁴⁰ ሄዋፔ ጉዩ ሸቁዳ አሳይ ጋማሊያላ ዘሪያ አኪዳ፡ ዬሱሲ ኪቴዳዎንታ ያሲዳ፡ ሊሱዋን ሸጩሴዲና፤ ሄዋፔ ጉዩያን ኡንቲንታ፡ «ዬሱሳ ሱንሳ ላዔሉዋ ኡባካ ዴንፎፕቲ» ጊ ቢሊዳ ዬዳዲና።⁴¹ ዬሱሳ ሱንሳ ዲራው፡ ኡንቲንቲ ኡፓቲዳ ዬላታናው ቤሲያባ ቆፔዳ ዲራው፡ ሻንጉዋ ሲንሳፔ ናሽቲዳ ኬሴዲና።⁴² ኡንቲንቲ ኡባ ጋላሲ ጌሻ ጎሊያኒኔ አሳ ሶዩን ዬሱሲ፡ ኪሪሰቶሳ ጊዳዳዎ ታማሪሲያዋኔ ኦዲያዎ ያ ጉጃዲና።

6

ዎሳ ጎሊያ ማዲያ ላፑ አሳቲ ዶሪቲዲና

¹ ሄ ዎዳ፡ ካሊያዎንቲ ፓይዲ ዳሪ ዳሪ ቢሺን፡ ጊሪኬ ቃላ ሃሳዩያ አዩሁዳቲኔ ዩሁዳን ዴዒያ አዩሁዳቲ ዎላቁቲዲና፤ አዩሲ ጎፔ፡ ጊሪኬ ቃላ ሃሳዩያ አዩሁዳቲ፡ «ኡባ ጋላሲ ጊሸቲያ ቁማን ኑ እሲናይ ሃይቆ ማጫዎንቲ ናቁቲና» ያጌዲና።² ዬሱሲ ኪቴዳ ታማኔ ላዒቲ ዎሳ ጎሊ አሳ ኡባ ያሲዳ፡ ሃዎዳን ያጌዲና፤ «ኦኒ ያሳ ቃላ ኦዲያዎ አጊዳ፡ ቁማ ጊሻናው ኦሲ ቤሴና።³ አሻቶ፡ ሎዒ ጌቲቲያዎንታ ጌሻ አያናይኔ አዲ ኤራቲሳይ ኩሜዳ ላፑ አሳቲዎ ሂንቲ ጊዶፔ ዶሪቲ፤ ኦኒ ቃሲ ኡንቲንታ ሃ ኦሱዋሲ ሱንሳና።⁴ ሺን ኦኒ ያሳ ዎሳኒኔ ቃላ ኦዲዎን ሚናና» ያጌዲና።

⁵ ዬሱሲ ኪቴዳዎንቲ ሃሳዬዳ ሃሳያይ አሳ ኡባ ናሽቲዳ፤ ሄዋፔ ጉዩ፡ አማኑኔ ጌሻ አያናይ ኩሜዳ ኢሰዓፋናሳ፡ ፒሊጶሳ፡ ጲርኮርሳ፡ ኒቃርና፡ ዒሞና፡ ጳሪሜናኔ አዩሁዳቲዎ አማኑዋን

ጌሌዳ አንጾኪያ ኒቆላዎሳ ደራዲኖ። 6 ያቲዳ ዬሱሲ ኪቴዳዋንቱ ሲንጎን ኡንቱንታ ኤሲና፣ ዬሱሲ ኪቴዳዋንቱ ያሳ ዎሴዳዎፔ ጉዩያን፣ ባሪንቱ ኩሺያ ኡንቱንቱ ቦላ ዎሌዲኖ።

7 ያሳ ቃላይ አኪ አኪ ቤዳ፤ ካሊያዎንቱ ፓይዲዎን ዬሩሳላሜን ዳሪሲ ዳሪ ዳሪ ቤዳ፤ ቃሲ ጮራ ቁሳቱካ አማኔዲኖ።

ዎሳ ጎሊያ ካሌሴያ ኢስጻፋኖሲ ኦይቄቲዳ

8 አጼ ኬካቴላይኔ ዎልቃይ ኩሜዳ ኢስጻፋኖሲ፣ አሳ ጊደን ኡራላባኔ ዎልቃማ ማላታ ኦሌ። 9 አይሌቴላፔ ኬሴዳ አሳ ጊያ አዩሁዳ አማኒያዎንቱ፣ ቁሬናፔ፣ ኢስኪንዲሪያ አሳቱዎፔ፣ ኪልቄያፔኔ ኢሲያፔ ዬዳ ኢቲ ኢቲ አሳቱ ዴንዲዴ፣ ኢስጻፋኖሳና ፓሌሜቲዲኖ። 10 ሺን ኢስጻፋኖሲ አጼ ኤራቴላኒኔ አያናን ሃሳዩያዎ ዲጋናው ዳንዳይቤይኪኖ።

11 ሄ ዎዴ ኡንቱንቱ፣ «ሙሴ ቦላኔ ያሳ ቦላ ኢ ቦሪያ ቃላ ሃሳዩሺን ሲሴደ» ጊያ ዎርዶ አሳቱዎ ሻሜዲኖ። 12 አሳ ኡባ፣ ጨማቱዎኔ ሙሴ ሂጊያ ታማሪሲያዎንታ ሃንቄሌዲኖ፤ ኢስጻፋኖሳኮ ዩዴ አ ኦይቄዴ፣ ሺቄዳ አሳኮ አሂና፣ 13 አ ቦላ ያሴዳ ዎርዶ ማርካቱ፣ «ሃ ቢታኒ ሃ ጌሻ ጎሊያኔ ሙሴ ሂጊያ ቦሪያዎ አዉዴኔ አጌና። 14 አዩሲ ጎፔ ኢ፣ «ሃዌ ናዚሬቲያ ዬሱሲ ሃ ጌሻ ጎሊያ ኮላና፤ ሙሴ ኑሲ አሜዳ ሂጊያካ ላማና» ያገሺን፣ ኑኒ ሲሴደ» ያጌዲኖ።

15 ሺቄዎን ኡቴዳ አሳይ ኡባይ ኢስጻፋኖሳ አኬኪዴ ያሊያ ዎዴ፣ አ ሶምሒ ኪታንቻ ሶምሒያ ማላቱ።

7

ኢስጻፋኖሳ ሃሳያ

1 ቄሳቱዎ ኡባቱዎ ካፑ ኢስጻፋኖሳ፣ «ሃዌ ቱሜ?» ያገዴ ኦቼዳ።

2 ኢስጻፋኖሲ «ታናዳን አማኒያዎንቶ፣ ታ አዎቶ፣ ሲሲቲ! ኑ አዉዎ አብራሃዎ ቢር ካራኔ ባናፔ ካሴ ማሲጶያሚያን ዴዲሺን፣ ቦንቾ ያሳይ አው ቤቲዴ፣ 3 ኔ ቢታፔኔ ኔ ዳባቱዎፔ ሻኬታዴ፣ ታኒ ኔና ቤሲያ ጋዲያ ባ» ያጌዳ። 4 ሄ ዎዴ አብራሃዎ ካላዳዎቱ ጋዲያፔ ኬሲዴ፣ ካራኔን ዴባናው ቤዳ። አ አቡ ሃይቄዳዎፔ ጉዩያን፣ ያሳይ አ ሃ ጋዴ ሂንቱ ሃሒ ዴዲያሳ አሂዳ። 5 ኢ ሃ ጋዲያፔ ሃራይ አቶ፣ ጌዲያን ዬዲያ ሳባካ አብራሃዎሲ አሚቤና፤ ሺን አው ናባይ ቆዮፔካ፣ ያሳይ አ፣ «ታኒ ኔዉኔ ኔፔ ጉዩያን፣

7:2 ደሞ 12:1 7:4 ደሞ 11:31፤ 12:4

ኔ ዜሪላው ሃ ጋዲያ ላታ ኦላዴ አማናን ያጌዳ። 6 ያሳይ ኣብራሃሞሲ፣ ሩኔ ዛራቱ ሃራ ጋዲያን ዴዓና፤ ያኒ ኦይዲ ያቲ ላይላው ኡንቱንቱ ኣይሌታናኔ ናቂታና። 7 ሺን ታኒ ኔ ዜሪላ ሞዲያ እሳ ቦላ ፒርዳና፤ ሄዋፔ ጉዲያን፣ ኡንቱንቱ ሄ ጋዲያፔ ኬሲዴ፣ ሃዋን ታው ጎዲናና) ያጌዳ። 8 ያሳይ ኣብራሃሜ ዜሪላይ ቃፃሬታና ማላ ኣናና ጫቂና፣ ዪሳቃ ኢ ዬሊዴ፣ ሆሰፑንላ ጋላሲ ቃፃሬዳ፤ ዪሳቂ ያዪቆባ ቃፃሬና፣ ቃሲ ያዪቆቢ ታማኔ ላዑ ኣዋቱዋ ካፓቱዋ ቃፃሬዳ።

9 «ኣዋቱዋ ካፓቱ ዮሴፋ ቃናቲዴ፣ ጊብዳ ጋዲያሲ ኣይሌታናዳን፣ ኣ ዛሊዔዲና፤ ሺን ያሳይ ኣናና ኣቲፔ ዴዔ። 10 ያሳይ ዋዪያ ኡባፔካ ኣ ኬሴዳ፤ ቃሲ ጊብዳ ካቲያ ሲንላንካ ናሹዋኔ ኣጶ ኤራቱላ ኣው ኣሜዳ፤ ጊብዳ ካቲ ዮሴፎሲ ጊብዳ ጋዲያኔ ባሬ ጎሊያ ኡባ ሞዳናዳን፣ ሱንላቱላ ኣሜዳ።

11 «ጊብዳ ጋዲያኔ ካናኔ ጋዲያን ኡባን ኮሻይ ጌሊዴ፣ ጮራ ኣሳ ሜቶሌዳ፤ ሄ ጋሱዋን ኑ ኣዋቱ ቁሚ ዴሚቤይኪና።

12 ያዪቆቢ ጊብዳ ጋዲያን ካላይ ዴዒያዋ ሲሲዴ፣ ኑ ኣዋቱዋ ኮይሮ ያ ዬዴዳ። 13 ላዔሉዋ ቡሳን ዮሴፎ ባሬ ኣሻቱዋሲ ኤራቱዳ፤ ቃሲ ጊብዳ ካቲካ ዮሴፎ ዛሪያ ኤሪዳ። 14 ዮሴፎ ባሬ ኣዉዋ ያዪቆቢኔ ባሬ ዳቡ ኡባይ ሙሊካ ላፑን ታማኔ ኣቲቶ ኣሳይ ባሬኮ ያና ማላ፣ ኪቲዴ ያጊሴዳ። 15 ያዪቆቢ ጊብዳ ጋዲያ ዋጂዴ ሃይቁዳ፤ ኑ ኣዋቱካ ያኒ ሃይቁዲና። 16 ኡንቱንቱ ኣጎይ ሄዋፔ ሴኬማ ጌቲቲያ ጋዲያ ቶኬቲዴ፣ ያኒ ኣብራሃሞ ሃዋራ ናናፔ ዳሮ ቢራን ሻሚዳ ዲፋዋን ሞጌቲዳ።

17-18 «ሺን ያሳይ ኣብራሃሞሲ ኣማና ጌዳዌ ፖሌቲያ ዋዲ ጋካና ማቲና፣ ዮሴፋ ኤሪና ሃራ ካቲ ጊብዳ ጋዲያን ዴንዳና ጋካናሲ፣ ኣሳይ ዳሪ ዳሪ ቤዳ። 19 ሄ ካቲ ኑ ዛሪያ ጨሚዴ፣ ፑላ ናናይ ሃይቃና ማላ፣ ካሬ ኡንቱንታ ኬሲ ኦላናዳን፣ ኑ ኣዋቱዋ ኡንዔሌዳ።

20 «ሙሴ ዬሌቲዳዌ ሄ ዋዴ፤ ያሳ ሲንላን ኢ ዳሮ ሎዖ ናዓ ጊዴዳ፤ ባሬ ኣዉዋ ጎሊያን ሄዙ ኣጌና ጋካናሲ ዲጨዳ።

21 ሙሴ ዋራ ኦሌቲዳ ዋዴ፣ ጊብዳ ካቲያ ናታ ዴማዴ ባሬ ናዓዳን

7:5 ዶም 12:7፤ 13:15፤ 15:18፤ 17:8	7:6 ዶም 15:13-14	7:7 ኬስ 3:12
7:8 ዶም 17:10-14፤ 21:2-4፤ 25:26፤ 29:31-35:18	7:9 ዶም 37:11፤ 28፤ 39:2፤ 21	7:10 ዶም 41:39-41
7:11 ዶም 42:1-2	7:13 ዶም 45:1፤ 16	7:14 ዶም 45:9-10፤ 17-18፤ 46:27
7:15 ዶም 46:1-7፤ 49:33	7:16 ዶም 23:3-16፤ 33:19፤ 50:7-13፤ ኢያ 24:32	7:17-18 ኬስ 1:7-8
7:19 ኬስ 1:10-11፤ 22	7:20 ኬስ 2:2	

አ ዲቻዲ። 22 ሙሴ ገብፃቱዋ አጾ ኤራቴላ ኡባ ታማሪዳ፤ ቃላኒኔ ኦሱዋን ዋልቃማ አሳ ገደዳ።

23 «ሺን ሙሴው ዩሌቶዳ፤ ላይላይ ኦይታሙዋ ኩሜዳ ዋዳ፤ ባሬ አሻቱዋ፤ ኢሰራዔሊያ አሳቱዋ ቤዓናው ባሬ ዋዛናን ቆፔዳ።

24 ኢሰራዔሊያ ማዳዳ፤ ሄ ናቄዳ ገብፃ ቢታኒያ ዋዲዳ፤ አ ሃሉዋ ኬሴዳ። 25 ሙሴ ባሬ አሻቱዋ ባሬ ባጋና ያሳይ አሻና ሃኒያዋ ኡንቱንቱ አኬኬዲና ገዳ ቆፔዳ፤ ሺን ኡንቱንቱ አኬኪቤይኪኖ።

26 «ዋንቱላ ጋላሲ ላዑ ኢሰራዔሊያ አሳቱ ኢቱ ኢቱዋና ዋዲቲያዋንታ ዳሚዳ፤ ኡንቱንታ ሲገላናው ኮዪዳ፤ ላሳቶ፤ አሻቱ ሂንቱንቱ አዪሲ ኢቱ ኢቱዋ ናቂቱ?» ያገደዳ።

27 «ሺን ሄ ባሬ ሾሩዋ ናቂያዌ ሙሳ፤ ሳና ኑ ቦላ ሞዲያዋኔ ዳና ኡዲዳ፤ ሱንሌዳዌ ኦኔ?» 28 ኔኒ ዚኖ ገብፃ ቢታኒያ ዋዲዳዋዳን፤ ታናካ ዋዳናው ኮያይ?» ያገደዳ፤ ሙሳ ካሬው ሱገ ዩጌዳ። 29 ሙሴ ሄዋ ሲሴዳ ዋዳ ገብፃ፤ ኬሲዳ፤ ሚዲያማ ጋዲያን ቤቱ ገዲ ዳዒዳ፤ ላዑ አቱማ ናና ያኒ ዩሌዳ።

30 «ሳዳ ኪታንቻይ ኦይታሙ ላይላ፤ ጉዪያን፤ ሲና ዳሪያ ማታን ዳዒያ ባዙዋ ቡራን ኤዲያ ታማ ላጩዋ ገደን ሙሴው ቤቱዳ። 31-32 ሙሴ ባሬ ቤዔዳዋ ማላላቲዳ፤ አኬኪ ያላናው ቡራ ማታን ኢ ሸቂዳዒሺን፤ ጎዳ ቃላይ፤ ታኒ ኔ አዋቱዋ ያሳ፤ አብራሃሜ ያሳ፤ ዪሳቃ ያሳ፤ ያዪቆባ ያሳ» ያገደዳ ሙሴኮ ዩዳ። ሙሴ ያሻ ኮኮሪዳ፤ ያላናው ያሊቤና።

33 «ሳዳይ ሙሳ፤ ሳኔ ኤቄዳ ቢታይ ጌሻ ገዲያ ዲራው፤ ኔ ገዲያን ዳዒያ ጫማካ ኬሳ። 34 ታኒ ገብፃን ዳዒያ ታ አሳ ዋዪያ ጌሻ ቤዓዳ፤ ቃሲ ኡንቱንቱ ኦሊያካ ሲሳዳ፤ ኡንቱንታ አሻናው ዋዳዲ። ሃዒ ሃ ያ። ታኒ ኔና ገብፃ ኪታና» ያገደዳ።

35 «ሄ ሙሳ ኢሰራዔላቱ፤ ሳና ኑና ሞዲያዋኔ ዳና ኡዲዳ ሱንሌዳዌ ኦኔ?» ያገደዳ ኢዳዲኖ፤ ቡራ ገደን አው ቤቱዳ ኪታንቻን ሞዲያዋኔ አሺያዋ ገደና ማላ፤ ያሳይ አ ኪቴዳ።

36 ሄ ሙሴ ኢሰራዔላቱዋ ገብፃ ጋዲያን ዘዖ አባኒኔ ሜላ ቢታን፤ ኦይታሙ ላይላው ኦራላባኔ ማላታ ኦሊዳ፤ ገብፃ፤ ካሌሌዳ።

37 «ኢሰራዔሊያ አሳሲ፤ ሳሳይ ታና ዳንሌዳዋዳን፤ ሂንቱ ዛሪያ ገደፔ ታ ማላ ናቢያ ሂንቱንቶ ዳንላናዋ» ያገደዳዌ ሄ ሙሳ።

38 ኢ ኢሰራዔሊያ አሳ ማባራና ኢቲፔ ሜላ ቢታን ዳዔዳዋ፤ ኢ

7:21 ኬስ 2:3-10 7:23 ኬስ 2:11-15 7:29 ኬስ 18:3-4 7:30 ኬስ 3:1-10 7:35 ኬስ 2:14 7:36 ኬስ 7:5፤ 14:21፤ ፓይ 14:33
7:37 ዛር 18:15፤ 18

ኑ አዋቱዋናኔ ሲና ደሪያ ቦላን ባሬው ሃሳዬዳ ኪታንቻና ኢቲፔ ደዔዳ። ያቲዳ ያሳፔ ደዐው ቃላ ኑሲ ኢማናው አኩዳ።

39 «ሙሴው ኑ አዋቱ አዛዜታናው ደሲቤይኪኖ፤ ሺን ጌዴ አ ሱጊ ኦሊዳ፣ ጉዬ ጊብፄ ሲማናው አሞቱዲኖ። 40 ቃሲ አርና፣ ሳና ካሌሊያ ያሳቱዋ ኑሲ ሜቆ፤ አዲሲ ጎፔ፣ ሃ ኑና ጊብፄፔ አሄዳ ሙሴ ዋኔዳንቶ ኑኒ ኤርኮ) ያጌዲኖ። 41 ሚዛ ማራ ማላቲሲዳ፣ ሄ ዋዴ ኤቃ ኦሌዲኖ፤ ሄ ኤቃሲ ያርሹዋ ያርሺዳ፣ ባሬንቱ ኩሺ ኦሌዳ ኦሱዋን ናሹቱዲኖ። 42 ሺን ያሳይ አንቱንቶ ዘኪያ ዛሬዳ፤ ኡንቱንቱ ሳሉዋ ያለንቲያሲ ጎዩናናዲን፣ ኡንቱንታ አጌዳ፤ ናባቱዋ ማፃፋን።

ኢሲራዔሊያ አሳቶ፣ ኦይታሙ ላይላ
አሳይ ባይና ሳን ሹኩዳ ሜሂያኔ ያርሹዋ

ታው ያርሹዲቱ?

43 ሂንቲንቱ ሂንቲንቶ ጎዩናናው
ኦሌዳ ኤቃቱዋ፣ ሞሎካ ዲንካኒያኔ
ሬፋና ጊያ ሂንቲ ያሳ ያለንቲያ ቶኩዲታ።

ታኒ ሂንቲንታ ባቢሎኔፔ
ሂኒ ባጋ ዬዲና)

ጌቲቲዴ ፃፊቲዳ።

44 «ሙሴ ባሬ ቤዔዳዋ ማላቲሲዳ፣ ጎዲይ አው ኦዴዋዳን ሜቆዳ ማርካ ዲንካኒ ኑ አዋቱዋሲ ሚላ ቢታን ደዔ። 45 ቃሲ ኑ አዋቱ ዲንካኒያ ባሬንቱ አዋቱዋፔ ካላን አኪዳ፣ ያሳይ ካሴ ዬዴርሴዳ አዩሁዳ ጊዴና አሳ ቢታ ኦይቄዳ ዋዴ፣ ኢያሱና ጌሊሴዲኖ፤ ሄ ዲንካኒ ዳዊቲ ደዒያ ዋዲ ጋካናወካ ሄዋን ደዔዳ። 46 ዳዊቲ ያሳን ሳቤቲዳ፤ ቃሲ ያዩቆባ፣ ጎዲይ ደዒና ጎሊያ ከፃናው ያሳ ዋሴዳ። 47 ሺን አው ጎሊያ ከፃዳዋ ሶሎሞና።

48-50 «ሺን ናቢ፣
ሳዲይ፣ «ሳሉ ታ ካወቲላ ኦይዲያ፤
ሳዳይካ ታ ጌዲ ዬቋያሳ።
ያቲና፣ ታው ኢያ ማላ ጎሊያ ከፃኒቲ?
ዋይ ታኒ ሹምፓናሳይ ሃቃኔ?
ሃ ኡባባ ታ ኩሺያን ሜቆቤይኪታ?» ያጌ።
ጌዳዋዳን፣ ኡባፔ ቦላ ያሳይ አሳይ ከፃዳ ጎሊያን ደዔና።

7:38 ኬስ 19:1-20:17፤ ዛር 5:1-33 7:40 ኬስ 32:1 7:41 ኬስ 32:2-6 7:43 አዋ 5:25-27 7:44 ኬስ 25:9፣ 40 7:45 ኢያ 3:14-17 7:46 2ሳዋ 7:1-16፤ 1ኦድ 17:1-14 7:47 1ካት 6:1-38፤ 2ኦድ 3:1-17 7:48-50 አሳ 66:1-2

51 «ሂንቴንቱ አይቤ ሞርጊ ሚኖ አሴ? ሂንቴንቱ ዋዛናይ ያሳ ቃላ አካናው አይቤ ዳሜዳዌ? ሂንቴንቱ ሃይሳይካ ዋኒ ቱሌዳ? ኡባ ዋዳ ጌሻ አያናሲ አዛዜቴናን ኢዲታ። 52-53 ናባቱዋን ሂንቴንቱ አዋቱ ዩዳርሲቤናዌ ኦኔ? ያሳ ናዓይ ዓሉ ያናዋ ካሴቲዳ ኦዳዳዋንታካ ዋዴዲኖ። ሃዒ ሂንቴንቱካ ኪታንቻቱዋ ኩሺያፔ ያሳ ሂጊያ አኪዳ አዛዜቲቤናዋንቱ፣ ዓሉዋ አሊ ኢሚዳ ዋዴዲታ» ያጌዳ።

ኢስዒፋኖሳ ሹቻን ዳቸዳ ዋዴዲኖ

54 ኡንቱንቱ ሄዋ ሲሴዳ ዋዳ፣ ባሬንቱ ዋዛናን ኢስዒፋኖሳሲ ዳር ዩሎቲዳ፣ ባሬንቱ ሚንቴርሻ ሳዒዳ ናሴዲኖ። 55 ሺን ኢስዒፋኖሲ ባሬናን ጌሻ አያናይ ኩሚና፣ ሳሉዋ ፑዳ ጫዲ ያሊዳ፣ ያሳ ቦንቹዋኔ ዩሱሲ ያሳፔ ኡሺቻ ባጋን ኤቁዳዋ ቤዔዳ። 56 ያቲዳ፣ «ያሊቱ፣ ታኒ ሳሉ ዶዩቲና፣ አሳ ናዓይ ያሳፔ ኡሺቻ ባጋን ኤቁዳዋ ቤዓይ» ያጌዳ።

57 ኮሻ ቶቁ አሊ ዋሲዳ፣ ባሬንቱ ሃይሳ ቱጪዳ፣ ኢቲፔ ጊዲ አኮ ዋዳዲኖ። 58 ካታማፔ ጋዓ አ ከሲዳ፣ ሹቻን ጫዳዲኖ። ማርካቲካ ባሬንቱ ማዩዋ ከሲዳ፣ ኢቲ ሳዖላ ጌቴቲያ ዋዳላ ማታን ዋሌዲኖ።

59 ኢስዒፋኖሲ፣ «ታ ጎዳ ዩሱሳ፣ ታ ሺምፑዋ አካ» ያጊዳ ያጊሺን፣ ኡንቱንቱ ሹቻን አ ዳቸኖ። 60 ሄ ዋዳ ኢ ጉልባቲዳ፣ ባሬ ኮሻ ቶቁ አሊዳ፣ «ታ ጎዳው፣ ሃ ናጋራ ኡንቱንቶ አቶ ጋ» ያጌዳ። ሄዋ ጊኔ ሃይቂ አጌዳ።

8

ሳዖሊ አማኒያ አሳ ዩዳርሴዳ

1 ሳዖሊ ኢስዒፋኖሴ ሃይቁ ሎዓ ጊ አኬዳ። ሄ ጋላሲ ዩሩሳላሚን ዳዒያ አማኒያዋንቱ ቦላ ዋልቃማ ዩዳርሱ ዳንዳዳ፤ ዩሱሲ ኪቴዳዋንቱ፣ አትን፣ አማኒያዋንቱ ኡባቱ ዩሁዳ ጋዲያኒኔ ሳማሪያ ጋዲያን ላሌቲዲኖ። 2 ያሳ አሳቱ ኢስዒፋኖሳ ሞጌዲኖ፤ ቃሲ አው ዳር ዩኬዲኖ። 3 ሺን ሳዖሊ አማኒያ አሳ ቋዩሳናው ባዳቲ፣ ኡባ ጎሊያ ጌሊ ጌሊዳ፣ አቱማ አሳኔ ማጫ አሳ ጎቺ ጎቺዳ፣ ቃሾ ጎሌ ዩዳ።

ዋንጋላ ሚሺራቹ ሳማሪያን ኦዳቲዳ

4 ላሌቲዳ አማኒያዋንቱ ቃላ ኦዲዳ፣ ኡባሳ ቤዲኖ። 5 ፒሊጶሲ ሳማሪያ ካታማ ዋዴዳ፣ ኪሪሰቶሳባ አሳሲ ኦዳዳ።

6 ጮራ አሳይ ፒሊጶሲ ጌዳዋ ዳሪሲ አኩኪዳ ሲሴዳ፤ ኢ ኦሌያ ማላታካ ቤዔዳ። 7 አዩሲ ጎፔ፣ ኢታ አያናቱ ኮሻ ቆቄ ኦሌ ሃሳዩዳ። ጮራ አሳፔ ኬሴዲኖ፤ ቃሲ ጮራ ሲሌዳዋንቱኔ ዋባቱ ፓዲዲኖ። 8 ሄ ካታማን አሳይ ዳር ናሹቱዳ።

9 ሺን ሲሞና ጌቴቲያ ኢቲ ቢታኒ ካሴ፣ ባሬና ዋልቃማ ጊ ካዩዲ፣ ሳማሪያ አሳ፣ «ላ ሃዌ አይቤ ኦራላቤ» ጊሲዳ ሄ ካታማን ዴዔዳ። 10 ጉላቴላፔ ዶሚዳ፣ ዋጋቴላ ጋካናው፣ አሳይ ኡባይ፣ «ዶሳ ዋልቃይ ዳር ዋልቃማይ ሃዋ» ጊዳ አባ ሲሴ። 11 ዳር ዋዲያፔ ዶሚዳ፣ ካዩዋን ሳማሪያ አሳ «ላ ሃዌ አይባ ኦራላቤ» ጊሴዳ ዲራው፣ አሳይ አባ ሲሴ።

12 ሺን ፒሊጶሲ ዶሳ ካዉቴላባኔ ዩሱሲ ኪሪሰቶሳ ሱንላባ አቱማዋንቱሲኔ ማጫዋንቱሲ ሚሺራቹዋ ኦዲዳ፣ ኡንቱንቱ አባ አማኒዳ ፃማቄቲዲኖ። 13 ቃሲ ሲሞኒካ ባሬ ሁጵው አማኒዳ ፃማቄቲዳዋፔ ጉዩያን፣ ፒሊጶሳና ኢቲፔ ዴዒዳ፣ ኦሴቲያ ማላታኔ ዶሳይ ኦሌዳ ዋልቃማ ማላታ ቤዒዳ ማላሌቱዳ።

14 ዩሱሲ ኪቴዳ ዩሩሳላሜን ዴዒያዋንቱ፣ ሳማሪያ አሳይ ዶሳ ቃላ አኩዳዋ ሲሴዳ ዋዳ፣ ጳዲሮሳኔ ዮሃንሳ ኡንቱንቱኮ ዩዳዲኖ። 15 ጳዲሮሳኔ ዮሃንሲ ዋዲዳ፣ አማኒያዋንቱ ጌሻ አያና አካና ማላ፣ ኡንቱንቱ ዶሳ ዋሴዲኖ፤ 16 አዩሲ ጎፔ፣ ሳማሪያ አሳቱ ጎዳ ዩሱሳ ሱንላን ዲንቃታ ያላላ ፃማቄቲዳዋፔ አቲን፣ ኡንቱንቱፔ ኢቱዋ ቦላኒኔ ጌሻ አያናይ ዋዲቤና። 17 ሄ ዋዳ ጳዲሮሳኔ ዮሃንሲ ባሬንቱ ኩሺያ ኡንቱንቱ ቦላ ዋላዋፔ ጉዩያን ኡንቱንቱ ጌሻ አያና አኩዲኖ።

18 ዩሱሲ ኪቴዳዋንቱ ባሬንቱ ኩሺያ ኡንቱንቱ ቦላ ዋላና፣ ኡንቱንቱ ጌሻ አያናይ ኢሜቲዳዋ ሲሞኒ ቤዔዳ ዋዳ፣ ጳዲሮሳሲኔ ዮሃንሳሲ ሚሻ አሂዳ፣ 19 «ታኒካ ታ ኩሺያ ዋሌያ ኡባይ ጌሻ አያና አካና ማላ፣ ሃ ማታ ታዉካ ኢሜሪኪቱ» ያጌዳ።

20 ሺን ጳዲሮሲ አው ሃዋዳን ያጌዳ፤ «ኔኒ ዶሳ ኢሞታ ሚሻን ሻማናው ቆፔዳ ዲራው፣ ኔ ሚሻይ ኔናና ጮ ጳዮ። 21 ኔ ዋዛናይ ዶሳ ሲንላን ሱሬ ጊዳና ዲራው፣ ኔው ሃዋን ጊሹ ባዋ። 22 ያቶዋፔ ጉዩያን ሃ ኔ ዋዛና ኢታ ቆፋ ዲራው፣ ናጋራፔ ሲማ፤ ኦኒ ኤሪ ኔ ዋዛናን ዴዒያ ኢታ ቆፋ ዶሳይ አቶ ጋኔንቶኔ ዶሳ ዋሳ። 23 አዩሲ ጎፔ፣ ኔኒ ዳር ቃናቲያ አይቃዳ ናጋራ ቃሹዋን ዴዒያዋ ታኒ ቤዓይ» ያጌዳ።

24 ሄዋፔ ጉዩ ሲሞኒ ጳዲሮሳሲኔ ዮሃንሳሲ ዛሬዳ፣ «ሂንቱንቱ ጌዳዋፔ ኢቲባይኔ ታና ጋኬና ማላ፣ ሂንቱ ታው ዶሳ ዋሲቱ» ያጌዳ።

25 ጳጳሮችና የሃኒሲ ማርካቴዳዋጤ ጎዳ ቃላ ኦዳዳዋጤ ጉዳያን፣ ጉዬ ዩሩሳላሜ ሲሚዲኖ፤ ያተዳ ሳማሪያን ዳዒያ ዳር ቄሪ ካታማቱዋን ሚሺራቸዋ ቃላ ኦዳዲኖ።

ፒሊጶሲ ቶጲያ አሳ ጊዳዳ ሹፋ ፃማቄዳ

26 ጎዳ ኪታንቻይ ፒሊጶሳ፡ «ዳንዳዳ ዩሩሳላሜጤ ጋዛ አፊያ አሲ ባይና ሜላ ሳዓ ኦጊያኮ ባ፤ ሄ ኦጊ አዋይ ኬሲያሳ ጴሊያ ዋይ ኡሽቻ ዱጌሃ ባጋና ዳዔ» ያጌዳ። 27 ፒሊጶሲ ዳንዲዳ ቤዳ። ሂንዳኮ ጌቲቲያ ቶጲያ ካታቲሲ ቢታ ሞዲያ ኢ ሚሻ ኡባካ ናጊያ ቶጲያ አሳ ጊዳዳ ኢቲ ሹፋይ ዳዒያዊ ጎዩናናው ዩሩሳላሜ ቤዳ። 28 ፓራይ ጎቼያ ጋሪያን ኡቲዳ፣ ዩሩሳላሜጤ ጉዬ ሲሚዳ፣ ናቢያ ኢሲያሳ ማፃፋ ናባቤ።

29 ጌሻ አያናይ ፒሊጶሳ፡ «ሄ ጋሪያኮ ሺቃይ ኢቲጤ ጊዳ» ያጌዳ።

30 ፒሊጶሲ ዋዲ ዩዳ፣ ናቢያ ኢሲያሳ ማፃፋ ሹፋይ ናባቢሺን ሲሲዳ አ፣ «ኔኒ ናባቢያዋ አክካይ?» ያጌዳ።

31 ሹፋይ፡ «ታው ኦዲዳ አክኪሲያ አሳይ ባይናን ዋኒዳ አክክቲ?» ያጌዳ፤ ቃሲ ባሪናና ጋሪያን ኬሲዳ ኡታና ማላ፣ ፒሊጶሳ ዋሴዳ። 32 ሹፋይ ናባቢያ ማፃፋይ

«ዳርሳዳን ኢ ሹከታናው ላጌቲ።

ዳርሳ ማራይ ባሪ ኢሲኪያ

ቃንዲያዋ ሲንሳን ጮው ጊያዋዳን፣

ኢካ ባሪ ዳና ፖኪቤና።

33 ኢ ካወሽዳዋዳን አው ጸሎ ፒርዳይ ጳዩዳ።

ዩሱሳ ዳው ሃ ሳዓጤ ጉዳ አክቲዲጌዳ ዲራው፣

አ ዛሪያባ ኦኔ ኦዳናዊ?»

ያጌዳ።

34 ሹፋይ ዛሪዳ ፒሊጶሳው፡ «ናቢ ሃዋ ኦዋ ኦዲ? ባሪባ ኦዲዬ ዋይ ሃራ አሳባ ኦዲ? ታው ኦዳሪኪ» ያጌዳ። 35 ፒሊጶሲ ዛሪዳ፣ ያሳ ማፃፋ ኢ ናባቢያሳጤ ደሚዳ፣ ዩሱሳባ ሚሺራቸዋ ቃላ አው ኦዳዳ።

36 ኡንቱንቱ ኦጊያ ኦይቂ ቢዳ፣ ሃላይ ዳዒያሳ ጋኬዲኖ፤ ሹፋይ፡ «ሃላ ሃዋ ቤዓ፤ ፃማቄቲያዋ ታና ዲጊያዊ አዬ?» ያጌዳ።

37 ፒሊጶሲ አ፣ «ኔኒ ኔ ኩሚንሳ ዋዛናጤ አማኖ፤ ዳንዳያ» ያጌዳ።

ኢ ዛሪዳ፡ «ዩሱሲ ኪሪሰቶሲ ያሳ ናዓ ጊዲያዋ ታኒ አማናይ» ያጌዳ።

38 ጋሪ ኤቃና ማላ ሹፋይ አዛዚና፣ ኢኔ ፕሊጶሲ ላዓቱ ዲጌ ዋጲዳ፣ ሃላን ጌሊና ፕሊጶሲ አ ፃማቂዳ። 39 ኡንቱንቱ ሃላፕ ጋፃ ኬሴዳ ዋዳ፣ ጎዳ አያናይ ፕሊጶሳ ሊጲ ኡዲዳ፣ አፊ አጌዳ፤ ላዔፉዋ ሹፋይ ፕሊጶሳ በዒቤና፤ ሺን ባሬ ኦጊያ ናሼቲዳ ቤዳ። 40 ፕሊጶሲ ባሬ ሁጰው አዞፃሳን ዳዒያዋ ኤሬዳ፤ ቃሲ ቂሳሪያ ያና ጋካናዉካ፣ ካታማ ኡባን ዩዩዳ ሚሺራቹዋ ቃላ ኦዳ።

9

ሳዖሊ ኪሪሰቶሳን አማኔዳ (ኪት 22:6-16፤ 26:12-18)

1 ሺን ሳዖሊ ጎዳ ካሊያዋንታ ዋቆናው ማንዲዳ፣ ቄሳቱዋ ኡባቱዋ ካፑዋኮ ቤዳ። 2 ያቲዳ ጎዳ ኦጊያ ካሊያ አሳቱዋ ማጫዋንታኔ አቱማዋንታ ዳሞፕ፣ ቃቹዳ ዩሩሳላሜ አሃናው፣ ዳማስቆን ዳዒያ አዩሁዳ ዋሳ ጎሌቶ ዳቢዳቢያ ፃፋናው አ ዋሴዳ።

3 ኢ ቢዳ፣ ዳማስቆ ካታማ ጋካና ማቶዳ፣ ቆፕናን ሳሉዋፕ ዋልቃማ ፖዑ አ ዩሹዋ ኡባኒ ፖዔዳ። 4 ሳዖሊ ሳዓን ኩንዲ ኡቲና፣ «ሳዖላ ሳዖላ፣ አዩሲ ታና ዋዩሳይ?» ጊያ ቃላ ሲሴዳ።

5 ሳዖሊ፣ «ታ ጎዳው፣ ኔኒ ኦኔ?» ያጊዳ ኦቹዳ።

ዩሱሲካ፣ «ታኒ ኔኒ ዩዳርሳዳ ዳዒያ ዩሱሳ።» ያጊዳ።

6 ሺን ሳዖሊ ኮኮሪዲኔ ማላሌቲዳ፣ «ታ ጎዳው፣ ታኒ አያ ኦላናዳን ኮያይ?» ያጊዳ።

ጎዳይ አ፣ «ዳንዳዳ ካታማ ጌላ፤ ኔኒ ኦላናው በሲያባይ ኔው ያኒ ኦዴታናዋ» ያጊዳ።

7 ሳዖላና ኦጊያን ቢያ አሳቱ አይኔ ሃሳዩናን ኤቂ አጊዳ፣ ኮሻ ሲሲኖ፤ ሺን ኦናኔ በዒቤይኪና። 8 ሳዖሊ ሳዓፕ ዳንዲና፣ አ አይፊ ዶዩቲዳ ዋዳ፣ አይኔ ፃላናው ዳንዳዩቤና፤ ሄዋ ዲራው፣ ኡንቱንቱ አ ኩሺያ ኦይቂ ጎቹዳ፣ ዳማስቆ ጌሊሴዲኖ። 9 ሄዙ ጋላሳ ጋካናዉካ ኢ ፃሊቤና፤ አይኔ ሚቤና፤ አያኔካ ኡሺቤና።

10 ዳማስቆን አቲ ሃናኒያ ጊያ ካሊያዋ ዳዔ፤ ጎዳይ ሳፃን አ፣ «ሃናኔው» ያጊዳ።

ሃናኒ፣ «ታ ጎዳው፣ ሃዋን ዳዓይ» ያጊዳ።

11 ጎዳይ አ፣ «ዳንዳዳ ሱሬ ጌቲቲያ ኦጊያ ባዳ፣ ዩሁዳ ሶዩን አቲ ሳዖላ ጊያ ፃርሴሴፕ ዩዳ ቢታኒያ ኮያ፤ አዩሲ ጎፕ፣ ኢ ዋሴ።

12 ቃሲ ሃናኒያ ጊያ ቢታኒ ጌሊዳ፣ ሳዖሊ ላዔንፉዋ ፃላናዳን፣ ባሬ ኩሺያ አ ቦላ ዋሊያዋ ሳፃን ቤዔዳ» ያጊዳ።

13 ሃናኒ ዛሪዳ፡ «ታ ጎዳው፡ ዬሩሳላሜን ኔ ጌሻ አሳ ቦላ ሄ ቢታኒ ኣይ ከና ኢታባ ኣሌዳንቶ፡ ታኒ ደር አሳፔ ሲሳዲ።
14 ቃሲ ዳማስቆን ኔ ሱንሳ ያሲያዋንታ ኡባ ቃቻናው፡ ቄሳቱዋ ካፓቱ ኣው ማታ ኢሜዲኖ» ያጌዳ።

15 ሺን ጎዳይ ኣ፡ «ሳዖሊ ኣዩሁዳ ጊዴና ኣሳ ሲንሳን፡ ካታቱዋ ሲንሳኒ ኢሰራዔሊያ አሳ ሲንሳን፡ ታ ሱንሳ ኤሪሳናውኔ ታው ኦላናዳን ዶሬቲዳ ሚሻ ጊዲያ ዲራው፡ ኔኒ ባ። 16 ኣዩሲ ጎፔ፡ ታ ሱንሳ ዲራው፡ ኢ ኣዩከና ዋዩታናው ቤሲንቶ፡ ታኒ ኣ ቤሳና» ያጌዳ።

17 ሃናኒ ቢዳ፡ ሶይ ጌሊዳ፡ ባሬ ኩሺያ ሳዖላ ቦላ ዋሌዳ፡ «ታ ኢሻው ሳዖላ፡ ኔኒ ዩያ ኦጊያን ኔው ቤቲዳ ዩሱሲ፡ ኔኒ ያላና ማላኔ ጌሻ ኣያናይ ኔናን ኩማና ማላ፡ ታና ኪቴዳ» ያጌዳ።

18 ኤሌካ፡ ኣዩንቶ ፖቁዋ ማላይ ሳዖላ ኣይፊያፔ ዋዲና፡ ሳዖሊ ላዔንሱዋ ያሌዳ፤ ቃሲ ዳንዲዳ ፃማቄቲዳ። 19 ቁማ ሚዳ ማኔቲ፡ ዳማስቆን ዳዒያ ካሊያዋንቱና ኣማሬዳ ጋላሳ ጋማዔዳ።

ሳዖሊ ዳማስቆን ታማሪሴዳ

20 ኤሌካ፡ «ዩሱሲ ኪሪሰቶሲ ዖሳ ናባ» ያጌዳ፡ ኣዩሁዳ ዋሳ ጎሌቱዋን ቃላ ኦዳዳ።

21 ሄዋ ሲሴዳ ኡባይ ማላሌቲዳ፡ «ሃዌ ዬሩሳላሜን ዩሱሳ ሱንሳ ያሲያዋንታ ዳዩሲያዋ ጊዳኔ? ቃሲ ኡንቲንታ ቃቺዳ፡ ቄሳቱዋ ካፓቱዋ ሲንሳ ኣፋናው ዩቤኔዩ?» ያጌዲኖ።

22 ሺን ሳዖሊ ቃላ ኦዲያ ኦዲ ሚኒ ሚኒ ቤዳ፤ ዩሱሲ ቃሲ ኪሪሰቶሳ ጊዲያዋካ ኢ ኣኮኪሲዳ ኦዳዳ ዲራው፡ ዳማስቆን ዳዒያ ኣዩሁዳቱ ኣው ዛሪያዋ ዳዩዲኖ።

23 ጮራ ጋላሳፔ ጉዩያን፡ ኣዩሁዳቱ ሸቄዳ፡ ሳዖላ ዋዳናው ዛሬቲዲኖ። 24 ሺን ኣዩሁዳቱ ባሬና ዋዳናው ቆፖዋ ሳዖሊ ሲሴዳ፤ ኡንቲንቲ ኣ ዋዳናው ቃማኔ ጋላሲ ካታማ ፔንጊያ ናጊኖ።

25 ሺን ካሊያዋንታ ኣ ቃማ ኣፊዳ፡ ዲርሳ ሁጲያና ታዩያን ዳጌ ዋሌዲኖ።

ሳዖሊ ዬሩሳላሜን ታማሪሴዳ

26 ሳዖሊ ዬሩሳላሜ ጋኬዳ ዋዳ፡ ካሊያዋንቱና ኢቲፔ ጋኬታናው ሸቄ ቤዔዳ፤ ሺን ካሊያዋ ኢ ጊዳዳዋ ኡባይ ኣማኔናን ኢዒዳ፡ ኣው ያዩዲኖ። 27 ሺን ባርናባሲ ሳዖላ ዩሱሲ ኪቴዳዋንቱን ኣፊዳ፤ ኦጊያን ጎዳ ኢ ዋኒዳ ቤዔዳንቶ፡ ኣው ጎዳይ ዋቲ ሃሳዩዳንቶኔ ቃሲ ሳዖሊ ዳማስቆን ዩሱሳ ሱንሳን ያዩናን ዋቲ ቃላ ኦዳዳንቶ፡ ኡንቲንቶ ጌሺዳ ኦዳዳ። 28 ሳዖሊ ዬሩሳላሜን ዩዩዳኔ ጎዳ ዩሱሳ ሱንሳን ያዩናን ቃላ ኦዳዳ፡

ዮሴፊ ኪቴዳዋንቱና ኢት፤ ዴዴዳ። 29 ቃሲ ሳዖሊ ጊሪኬ ቃላ ሃሳዪያ ኣዪሁዳቲዋና ሃሳዬኔ ፓሉማቲ፤ ሺን ኡንቲንቱ ኣ ዋጳናው ኮዬዲኖ። 30 ኢሻቱ ሄዋ ሲሲዳ፣ ሳዖላ ዲጌ ቁሳሪያ ኣፊዳ፣ ዪርሴሴ ዬዴዲኖ።

31 ዪሁዳን፣ ጋሊላኔ ሳማሪያን ኡባን ዴዴያ ኣማኒያ ኣሳቱ ሳርቲላን ዴዴዲኖ፤ ቃሲ ሚኔዲኖ፤ ጎዳሲ ያዪያዋኒኔ ጌሻ ኣያና ማዲዋን ጌማቲዳ፣ ፓይዲዋንካ ዳሪ ዳሪ ቤዲኖ።

ጳዊርሲ ሊዲያኒኔ ዮጳን ታማሪሴዳ

32 ጳዊርሲ ኡባሳን ዩዩዳ፣ ሊዳን ዴዴያ ጌሻ ኣሳቲዋኮ ቃሲ ዋዴዳ። 33 ያቲዳ ሄዋን ሆሰፑን ላይሳ ሲሊዳ፣ ኣርሳን ጊሲዳ ዴዴያ ኢቲ ኤኒያ ጊያ ቢታኒያ ዴማዳ። 34 ጳዊርሲ ኤኒያ፣ «ኤናው፣ ዮሴፊ ኪሪሰቶሲ ኔና ፓሌ፤ ዴንዳዴ ኔ ሂፃ ዬጋ» * ያጌዳ። ሄዋ፤ ጉዬ ኤሌካ ዴንዲ ኤቄዳ። 35 ሊዳኒኔ ሳርናን ዴዴያ ኣሳይ ኡባይ ኤኒያ ቤዲዳ፣ ጎዳኮ ሲማዲኖ።

36 ዮጳ ካታማን ኢቲ ፃቢቶ ጌቲቲያ ኣማኔወና ዴዳው፤ ፃቢቶ ጉሳይ ጊሪኬ ቃላን ዶርቆ ጊያዋ። ኢዛ ባሪ ዴዴዳ ዋዲያ ኡባን ሎዖባ ኦሳዴኔ ሂዬሳ ማዲዳ ዴዳው። 37 ሄ ዋዴ ኢዛ ሃርጋዴ ሃይቁና፣ ኣሳይ ኢዚ ኣጎ ማጨዳ፣ ፖቁያ ፑዴ ኬሲዳ ጊሲሴዳ። 38 ሊዳይ ዮጳሲ ማታ፤ ካሊያዋንቱ ጳዊርሲ ሊዲያን ዴዴያዋ ዮጳን ሲሲዳ፣ «ሃያና ኡኮ ኤሌካ ያሪኪ» ያጌያ ከታ ላዑ ኣሳቲዋ ቦላ ኣኮ ከቲዲኖ።

39 ሄዋ፤ ጉዬ ጳዊርሲ ዴንዲዳ፣ ኡንቲንቲና ቢ ጋኪና፣ ፖቁያ ፑዴ ኣ ኬሲዳ፣ ኪፊሊያ ጌሊሴዲኖ። ኣሲኒ ባይና ኣምዔ ማጨዋንቱ ኡባይ ዬኪዳኔ ዶርቃ ኡንቲንቲና ዴዴያ ዋዴ ኦሌዳ ቃሚሻቲዋኔ ማያቲዋ ኡባ ጳዊርሳ ቤሲዳ፣ ኣ ዩሹዋን ዩዩ ኣጲዳ ኤቄዲኖ። 40 ጳዊርሲ ኡንቲንታ ኡባ ካሪ ኬሲዳ፣ ጉልባቲ ያሳ ዋሴዳ፤ ቃሲ ኣጎኮ ሲማዳ፣ «ፃቢቲ፣ ዴንዳ» ያጌዳ፤ ፃቢታካ ባሪ ኣይፊያ ዶያ ጳዊርሳ ቤዳዳ፣ ዶቃ ኡታዲ። 41 ጳዊርሲ ኢዛ ባሪ ኩሺያን ማዲዳ፣ ዴንሳ ኤሴዳ፤ ሄዋ፤ ጉዬያን፣ ኣማኒያዋንታኔ ኣሲኒ ባይና ኣምዔ ማጨዋንታ ያሲዳ፣ ፓዳዳዉኖ ኡንቲንቶ ኢማዳ።

42 ሃ ዬዉ ዮጳ ካታማ ኡባን ላሌቲና ጮራ ኣሳይ ጎዳ ኣማኔዲኖ። 43 ጳዊርሲ ዮጳን ኢቲ ሲሞና ጊያ ጋልባ ቃጨያዋና ዳር ዋዲያ ጋሚዳዳ።

* 9:34 ሂፃ ዬጋ፡ ሃዋ ጉሳይ ሜቲቲያባ ገሊሳ ጉሳ።

10

ጳጳሮሳን ቆርኔሊዮሳ

1 ቀሳሪያን «ፀላቱዋ አላ አሳቱዋ» ጌቴቲያ አላንቻቶ እቲ ጭታቱዋ ካፑ ቆርኔሊዮሳ ጊያዌ ዳዔ። 2 ቆርኔሊዮሲ ያሳ ሎይሲዳ እማኒያ አሳነ። ባሬ ሰይ አሳ ኡባና እቲፕ ያሳሲ ጎዪኒያ አሳ፤ አዪሁዳ ሂዬሳካ ኢ ዳር ማዳ፤ ቃሲ ያሳ ኡባ ዎዳ ዎሴ። 3 እቲ ጋላሲ ኡዲፑ ሳቲያ ሄራን። «ቆርኔሊዮሳ» ጊዳ ጃሲያ ያሳ ኪታንቻይ ባሬኮ ጌሊሺን። ቆርኔሊዮሲ ሳፃን ጌሺዳ ቤዔዳ።

4 ቆርኔሊዮሲ ያዪዳ። ኪታንቻ ጫዲ ጃሊዳ። «ታ ጎዳው፣ ኢ አዬ?» ያጌዳ።

ኪታንቻይ ዛሬዳ። ሃዋዳን ያጌዳ፤ «ኔ ዎሳይኔ ኔኒ ሂዬሳ ማዲያዌ ያሳ ሲንሳን ሃሳዬታናው ሳሉዋ ቤዳ። 5 ሃዒ ዮጴ አሳ ኪታዳ። ጳጳሮሳ ጌቴቲያ ሲሞና ኣሂሳ። 6 ጳጳሮሲ አባ ዶናን ዳሲያ ጋልባ ቃጪያ ሲሞና ጎሌን ኢማላቴሳኒ ኡቴዳ፤ ኔኒ ኦላናው ቤሲያዋ ኢ ኔው ኦዳናዋ» ያጌዳ።

7 ቆርኔሊዮሲ ባሬው ኦዳዳ ኪታንቻይ ቢና። ባሬ ቆማቱዋፕ ለዓቱዋኔ ያሳሲ ጎዪኒያ ባሬፕ ሻኬቴና ዎታዳራቱዋፕ ኢቱዋ ጃሲዳ። 8 ኡንቱንቶ ኡባባ ኦዲዳ። ኡንቱንታ ዮጴ ኪቴዳ።

9 ዎንቴላ ጋላሲ ኡንቱንቱ ቢዳ። ዮጴ ካታማኮ ማቲሺን። ጳጳሮሲ ኡሱፑን ሳቲያ ሄራን ጎሊያ ቦላን ዳምባዪዳ ኦሌዳሳ ያሳ ዎሳናው ኬሴዳ። 10 ቃሲ ኮሻቲዳ። ቁማ ማናው ኮዬዳ፤ ሺን ቁማይ ካዲሺን። ሳፃ ቤዔዳ። 11 ሳሉ ዶዬቲና። ዎልቃማ ማዩዋ ማላቲያባይ ኦይዲ ባጋና ኦይቄቲዳ። ሳፃን ዎጲሺን። ጳጳሮሲ ቤዔዳ። 12 ሄዋን ኦይዲ ጌዲያና ዳዒያ ሜሂ። ዶዳይ። ሾሻይ። ዛሬኔ ካፋ ኡባይ ዳዔ። 13 «ጳጳሮሳ፣ ዳንዳ ኤቃዳ ሹካ ማ» ጊያ ቃላይ አኮ ዬዳ።

14 ሺን ጳጳሮሲ። «ታ ጎዳው፣ ሃኔና! ታኒ ቱናባኔ ሸኔዪያባ ኡባካ ማ ኤሪኬ» ያጌዳ።

15 ቃሲ ለዓንሱዋ። «ዎሳይ ጌሺዳዋ ኔኒ ቱኒሶፓ» ጊያ ቃላይ አኮ ዬዳ። 16 ሄዙ ጌዳ ሄዋዳን ጌዳ፤ ሄዋፕ ጉዪያን። ኤሌካ ሄ ዎልቃማ ማዩዋ ማላቲያዌ ፑዳ ሳሉዋ አኬፕ አጌዳ።

17 ጳጳሮሲ ባሬ ቤዔዳ ሳፃ ቢሌላይ ኣያ ጊዳንዳሻ? ያጌዳ። ባሬ ዎዛና ጊዳን። «ላ ሃዌ አዬ?» ጊሺን። ቆርኔሊዮሲ ኪቴዳ አሳቱ ሲሞና ጎሊ ዳዒያሳ ኮዪዳ። አ ፔንጊያን ኤቁዲኖ። 18 ባሬንቱ ኮሻ ጶቁ ኦሌዳ። «ጳጳሮሳ ጌቴቲያ ሲሞና ጊያ ኢማላይ ሄዋን ዳዒ?» ያጌዳ ኦቼዲኖ።

19 ጳጳሮሲ ሳፃን ቤዔዳባ ኣኩካናው ቆፋን ሸኪዳዒሺን፣ ገሻ ኣያናይ ኣ፣ «ቤዓ፣ ሄዙ * ኣሳቱ ኔና ኮዩኖ፤ 20 ዳንዳዳ ዋጳ፤ ታኒ ኡንቱንታ ኪቴዳ ዲራው፣ ሲጴናን ኡንቱንቱና ባ» ያጌዳ።

21 ጳጳሮሲ ኣሳቱዋኮ ዋጳዳ፣ «ሂንቱንቱ ኮዩያዌ ታና። ኣያ ኣካና ዩዲቲ?» ያጌዳ።

22 ኡንቱንቱ፣ «ዖሳሲ ያዩያ ሂሉ ኣዩሁዳ ኣሳ ኡባን ዳር ቦንቹቲዳ ፃታቱዋ ካቸዋ ቆርኔሊዮሲ፣ ኔና ባሬ ሶይ ኣፊሲዳ፣ ቃላ ኔፔ ሲሳና ማላ፣ ዖሳ ገሻ ኪታንቻይ ኣው ኦዳዳ» ያጌዲኖ።

23 ጳጳሮሲ ኣሳቱዋ ኢማላ ኡዲ ሸባናው ሶይ ሞኬዳ።

ዋንቱላ ገላሲ፣ ዳንዲዳ ኡንቱንቱና ቤዳ፤ ዮጴ ካታማን ዳዒያ ኣሻቱዋፔ ኢቱ ኢቱ ኣናና ኢቲፔ ቤዲኖ። 24 ዋንቱላ ገላሲ፣ ቁሳሪያ ገኬዲኖ፤ ቆርኔሊዮሲ ባሬ ዳባቱዋኔ ባሬ ላጌላቱዋ ኢቲፔ ፃሲ ሸሺዳ፣ ጳጳሮሳ ናጌ። 25 ጳጳሮሲ ጌላና ሃኒሸን፣ ቆርኔሊዮሲ ኣናና ገኬቲዳ፣ ኣ ሲንላን ኩንዲዳ፣ ኣው ጎዩኔዳ። 26 ሸን ጳጳሮሲ፣ «ዳንዳ! ታኒካ ታ ሁጴው ኣሳ» ያጌዳ ኣ ዳንጼዳ።

27 ጳጳሮሲ ቆርኔሊዮሳና ሃሳዩዳ፣ ሶይ ጌሌዳ፤ ኢ ጌሊያ ዋዴ ጮራ ኣሳይ ሸቁዳዋ ዳሚዳ፣ 28 ኣሳ፣ «ኣዩሁዳ ኣሳይ ሃራ ዛሪያና ኢቲፔቱላን ዳዓናው፣ ዋይ ገኬታናው ዋጋ ጌዳናዋ ሂንቱ ሁጴው ኡሪታ፤ ሸን ታኒ ኣናኔ ቱና ዋይ ሸኔዩያባ ጌና ማላ፣ ዖሳይ ታና ቤሴዳ። 29 ሄዋ ዲራው፣ ሂንቱ ታው ኪቲና፣ ፓሉማይ ባይናን ያዲ። ሃዒ፣ ታና ኣዩሲ ኣሂሴዲቲ?» ያጋዴ ሂንቱንታ ኣቻይ» ያጌዳ።

30 ቆርኔሊዮሲ ሃዋዳን ያጌዳ፤ «ታኒ ሃቹ ኣይዱ ገላሳፔ ካሴ ሃ ሳቲያን ኡዲፔ ሳቲያ ዋሳ ታ ሶዩን ዖሳ ዋሲሸን፣ ጸልቂያ ማዩዋ ማዩዳ ኣሳይ ታ ሲንላን ኤቂዳ፣ 31 ታና፣ «ቆርኔሊዮሳ፣ ዖሳይ ኔ ዋሳ ሲሴዳ፤ ኔኒ ሂዬሳ ማዲያዋካ ሃሳዩዳ። 32 ሲሚ ኣሳ ዮጴ ኪታዳ፣ ሲሞኒ ጳጳሮሳ ጊያዋ ፃሲሳ፤ ሲሞኒ ጳጳሮሲ ሲሞና ጊያ ገልባ ቃጪያዋ ጎሌን ኣባ ዶናን ኢማላቱላ ኡቲዳ» ያጌዳ። 33 ሄዋ ዲራው፣ ታኒ ኔኮ ኤሌካ ኪታዲ፤ ኔኒኔ ያዴ ሎይላዳ፤ ሲሚ ኔኒ ኑሲ ኦዳናው ዖሳይ ኔና ኣዛዜዳዋ ኡባ ሲሳናው ሃዒ ኑኒ ኡባይ ሃዋን ዖሳ ሲንላን ዳዔቶ» ያጌዳ።

ጳጳሮሳ ሃሳያ

34-35 ጳጳሮሲ ሃሳያ ሃዋዳን ያጌ ዶሜዳ፤ «ዖሳይ ኣሳ ስሞዒያ ፃሌና፤ ሸን ጋዴ ኡባን ባሬው ያዩያዋኔ ሂሎ ኦሱዋ ኦሊያዋ

* 10:19 ሄዙ፡ ኢቲ ኢቲ ማፃፋቱ ጮራ ጊኖ፤ ኢቲ ማፃፋይ ላዑ ያጌ።

ጋላቲያዎ ታኒ ቱሙ አከካዲ። 36 ያሳይ አሳ ኡባ ጎዳ፣
ዬሱሲ ኪሪሰቶሳ ባጋና፣ ሳሮቴላ ኦዲዳ፣ ሃ ዋንጋላ ሚሺራቸዋ
ኢስራዔሊያ አሳሲ ኪቴዳዋ ሂንቱንቱ ኤሪታ። 37 ዮሃንሲ ቃላ
ኦዲዳ ዊንቃታፕ ጉዩያን፣ ጋሊላፕ ደሚዳ፣ ዪሁዳ ጋዲያ ኡባን
ሃኔዳዋ ሂንቱ ኤሪታ። 38 ያሳይ ናዚራቲያ ዬሱሳ ጌሻ አያናኒኔ
ዋልቃን ኩንሌዳ፤ ያሳይ አናና ዳዒያ ዲራው፣ ሎዖባ ኢ ኦሲዲኔ
ፃላሂያ ካፕዋሲ ዋዴቲዳ ኡባ ፓሊዳ ዩዩዳ።

39 «አዪሁዳ ጋዲያኒኔ ዬሩሳላሜን ኢ ኦሌዳ ኡባባሲ ኑኒ
ማርካ። ኡንቱንቱ ማስቃሊያ ቦላ ሚሲማሪያን ጂሺ ካቂዳ፣ አ
ዋጅዲኖ። 40 ሺን ያሳይ ሄዜንሊያ ጋላሳን ሃይቁዋፕ አ ዴንሊዳ
ቤሴዳ። 41 ያሳይ ኮይሮ ደሬዳ ማርካቱዋ ኑና፣ አ ቤሴዳፕ
አቲን፣ አሳ ኡባ ጊዳና፤ ሃይቁዋፕ ኢ ዴንዳዳዋፕ ጉዩያን፣ ኑኒ
አናና ሜዶኔ ኡሸድ። 42 ያሳይ ዋንጋላ ሚሺራቸዋ አሳሲ ኑኒ
ኦዲናወኔ፣ ፓፃ ዳዒያዋንቱ ቦላኒኔ ሃይቁዳዋንቱ ቦላን ፒርዳናው
ኢ ሱንሌዳዋ ዬሱሳ ጊዳዳዋ ኑኒ ማርካታናው ኑና አዛዜዳ።
43 ያሳይ አኒ አማኒያ ኡባ ናጋራ አ ሱንላን አቶ ጋናዋ ናባቱ
ኡባቱ ማርካቲኖ» ያጌዳ።

አዪሁዳ ጊዳና አሳቱ አማኒዳ ጌሻ አያና አከዲኖ

44 ጳዊርሲ ቢሮ ሄ ዬወዋ ኦዲሺን፣ ቃላ ሲሲያ ኡባ ቦላ ጌሻ
አያናይ ዋጅ አጌዳ። 45 ጳዊርሳና ዮጳፔ ዬዳ፣ አማኒያ ቃፃሬቲዳ
አዪሁዳ ኡባቱ አዪሁዳ ጊዳናዋንቱ ቦላንካ ጌሻ አያና አዋታይ
ጉኩዳ ዲራው ማላሌቲዲኖ። 46 አዪሲ ጎፔ፣ ኡንቱንቱ ዲማ
ዲማ ቃላን ሃሳዪሺኒኔ ያሳ ዳሮቴላ ሳቢሺን ሲሴዲኖ።

ሄ ዋዴ ጳዊርሲ ዛሪዳ፣ 47 «ሃዋንቱ ቃሲ ኑናዳን ጌሻ አያና
አከዳዋንቱ ፃማቄቲናዳን፣ ሃላ ኡንቱንታ ዲጋናው ዳንዳዪያዋ
ኦኔ?» ያጌዳ። 48 ኡንቱንቱ ዬሱሲ ኪሪሰቶሳ ሱንላን ፃማቄታና
ማላ፣ ኡንቱንታ አዛዜዳ፤ ሄዋፕ ጉዩያን፣ ኡንቱንቱ ባሬንቱና
አማራዳ ጋላሳ ኡታና ማላ፣ አ ዋሴዲኖ።

11

ጳዊርሲ አዪሁዳ ጊዳና አሳፕ አማኔዳዋንቱ ሶይ አያው
ጌሌዴንቶ አዳዳ

1 ዬሱሲ ኪቴዳዋንቱኔ ዪሁዳ ኡባን ዳዒያ አሻቱ፣ አዪሁዳ
ጊዳናዋንቱካ ያሳ ቃላ አከዳዋ ሲሴዲኖ። 2 ጳዊርሲ ዬሩሳላሜ
ቤዳ ዋዴ፣ ቃፃሬቲዳ አሳቱ አናና ፓሉሜቲዳ፣ 3 አ፣ «ኔኒ
ቃፃሬቲቤናዋንቱኮ ጌላዳ፣ ኡንቱንቱና ቁማ ማዳ» ያጌዲኖ።

10:34-35 ዛር 10:17

4 ሺን ጳጳርሲ ሃኔዳዋ ኮይሩዋ፤ ደሚዳ፣ ማራን ማራን ሃዋዳን ያገደ ኦዳዳ፤ 5 «ታኒ ዮጴ ካታማን ያሳ ዋሲሺን፣ ታኒ አያናኒ ገዳዳ ሳፃ ቤዳዳ፤ ዋልቃማ ማዩዋ ማላቲያዌ ኦይዲ ባገና ኦይቁቲዳ፣ ሳሉዋ፤ ዋዲዳ፣ ታኮ ዬዳ። 6 ሄዋ ገዳዋ ታኒ ጫዳ ጻሊያ ዋዳ፣ ኦይዲ ገዲ ዳዒያ ማሄያ፣ ዲዳ፣ ሸሻ፣ ዛሪያኔ ካፋዋ ቤዳዳ። 7 ቃሲ፣ ሳጳርሳ፣ ዳንዳ፤ ሹካ ማ) ገያ ቃላ ታኒ ሲሳዲ።

8 «ሺን ታኒ፣ ታ ጎዳው፣ ሃኔና! ቱናባይ ዋይ ሸኔዪያባይ ኡባካ ታ ደናኮ ሸቂ ኤሪና) ጋዲ።

9 «ቃላይ ሳሉዋ፤ ላዔሉዋካ፣ ሳሳይ ገሼዳዋ ኔኒ ቱና ጎጋ) ያገደ ታው ዛሪዳ።

10 «ሄዌ ሄዙ ገዳ ሃኒና፣ ዉርሴላን ኡባባይ ሳሉዋ ፑዳ ጎሽቲዳ። 11 ሄ ማንዒያንካ ሄዙ አሳቱ ቁሳሪያ፤ ታኮ ኪቴቲዳ፣ ታኒ ዳዒያ ጎሊያ ጋኪ አገዲና። 12 ታኒካ ሲዴናኒ ኡንቲንቲና ባና ማላ፣ ገሻ አያናይ ታው ኦዳዳ። ቃሲ ሃ ኡሱፑን አሻቱ ዮጴ፤ ታናና ቁሳሪያ ቢና፣ ኑኒ ቆርኔሊዮሳ ሶይ ገሌዳ። 13-14 ኪታንቻይ ባሪ ሶዪን ኤቁዳ ባሪና፣ ሳጳርሳ ገቲቲያ ሲሞና ጻሳናው አሳ ዮጴ ኪታ፤ ኔኔ ኔ ጎሊ አሳይ ኡባይ አቲያ ቃላ ኢ ኔው ኦዳናዋ) ገዳዋ ቆርኔሊዮሲ ዋቲ ሲሴዳንቶ፣ ኑሲ ኦዳዳ።

15 «ታኒ ሃሳያናው ደሚያዋን ገሻ አያናይ ኮይሮ ኑ ቦላ ዋዲዳዋዳን፣ ኡንቲንቲ ቦላካ ዋዲ አገዲ። 16 ጎዳይ፣ ሳሃኒሲ ሃላን ፃማቁዳ፤ ሺን ሃንቲንቲ ገሻ አያናን ፃማቁታኒታ) ያገደ ቃላ ታኒ ሃሳያዳ። 17 ያሳይ ኑሲ ጎዳ ዬሱሲ ኪሪሰቶሳ አማኔዳዋንቲሲ አሜዳ አሞታ ማላ አዪሁዳ ገዳናዋንቶካ ቃሲ አሞ፤ ሲሚ ያሳ ዲጋናው ታኒ ኦኔ?» ያገደ።

አማኒያዋንቱ ኪሪሰታኔ ገቲቲዲና

18 ኡንቲንቲ ሃዋ ሲሴዳ ዋዳ ባሪንቲ ፓሉማ አገደ፣ «ያቲና፣ ያሳይ አዪሁዳ ገዳናዋንቲካ ቃሲ ናጋራ፤ ሲሚዳ ዳናናዳን፣ ኡንቲንታ ቃዳዳ» ያገደ ያሳ ጋላቲዲና።

19 ኢሰጻፋኖሳ ቦላ ጋኬዳ ዋዲያ ገዳዋን ላሉቲዳ አማኒያዋንቲ ቃላ አዪሁዳቲዋ ፃላላ፤ አቲን፣ ሃራሲ አቲዋሲኔ ኦዳና፣ ፐንቁ፣ ቆጲርሳኔ አንፃኪያ ጋካናው ዩዬዲና። 20 ሺን ቆጲርሳ፤ ቁሪና፤ ዬዳ አቲ አቲ አማኒያ አሳቱ አንፃኪያ ቢዳ፣ ጎዳ ዬሱሳ ዋንጋላ ሚሺራቸዋ ኦዲዳ፣ ገሪኬ አሳሲካ *

* 11:20 ግሪኬ አሳ፣ ሃዋ ጉሳይ ግሪኬ ቃላ ሃሳዪያ አዪሁዳ ዋይ ሃራ አሳ።

ኦዲዲኖ። 21 ጎዳ ዋልቃይ ኡንቱንቱና ዴዔ፤ ቃሲ ጮራ ኣሳይ ኣማኒዴ። ጎዳኮ ሲሜዲኖ።

22 ሃ ዬወ ዬሩሳላሜን ዴዒያ ኣማኒያ ኣሳሲ ሲሴቲና፣ ኣማኒያ ኣሳይ ባርናባሳ ኣንጾኪያ ኪቴዳ። 23 ባርናባሲ ኣንጾኪያ ቤዳ ዋዴ፣ ያሳ ኣጼ ኬካቴላ ኦሱዋ ቤዒዴ ናሼቴዳ፤ ኡንቱንቱ ኡባይ ጎዳን ባሬንቱ ኩሜንላ ዋዛናፕ ሚኒ ዴዒናዳን፣ ኡንቱንታ ዘሬዳ።

24 ኣዩሲ ጎፔ፣ ባርናባሲ ጌሻ ኣያናይኔ ኣማኑ ኩሜዳ ሎጾ ኣሳ፤ ሄ ጋሱዋን ጮራ ኣሳይ ጎዳኮ ዬዲኖ።

25 ሄዋፕ ጉዩያን፣ ባርናባሲ ሳጾላ ከያናው ጂርሴሴ ቤዳ።

26 ያቲዴ ሳጾላ ዴሜዳ ዋዴ፣ ኣንጾኪያ ኣሄዳ። ባርናባሲን ሳጾላ ኣማኒያ ኣሳና ኢቲ ላይላ ኩሜንላ ኡቲዴ፣ ጮራ ኣሳ ታማሪሴዲኖ፤ ካሊያዋንቱ ኣንጾኪያን ኣማኒያ ኣሳ ጌቲቲዴ፣ ኮይሮ ጄሴቴዲኖ።

27 ናባቲ ዬሩሳላሜፕ ኣንጾኪያ ሄ ዋዴ ዋጄዲኖ። 28 ኡንቱንቱ ጊዶፕ ኣጋቦሳ ጊያዋ ዴንዲዴ፣ ሳዓ ኡባን ዋልቃማ ኮሻይ ዴንዳናዋ ኣያና ዋልቃን ቲምቢቲያ ኦዴዳ፤ ሄዋ ሃኔዳዌ ቃላወዴዮሳ ካወቴላ ዋዲያና።

29 ካሊያዋንቱ ሁጲያን ሁጲያን ባሬንቱ ዋልቃ ኬና ሚሻ ኬሲዴ፣ ዩሁዳን ዴዒያ ባሬንቱ ኢሻቲዋሲ ማዲዋ ዬዳናው ቆፋ ቃቼዲኖ። 30 ኡንቱንቱ ሄዋዳን ኦሊዴ፣ ሚሻ ባርናባሳ ቦላኒኔ ሳጾላ ቦላ ዋሳ ጎሌ ጨማቶ ዬዴዲኖ።

12

ዋሳ ጎሌን ዋልቃማ ኢታ ዬዴሳይ ደሜዳ

1 ካቲያ ሄርዲሴ * ሄ ዋዴ ዋሳ ጎሌ ኣሳፕ ኣማራዳዋንታ ዋዩሱዋ ደሜዳ። 2 ዮሃኒሳ ኢሻ ያዩቆባ ማሻን ዋጂሴዳ። 3 ሄዋ ኣዩሁዳቲዋ ናሼቹዳዋ ቤዒዴ፣ ጉጂ ጳዒርሳካ ኦይቄዳ፤ ሄዋ ማጋጌ ኡኪላ ባላ ቦንቹያ ጋላሳቲዋና። 4 ጳዒርሳ ኦይቄዴ ቃቼዳ። ፓሲጋ ባላ ቦንቹያ ጋላሳቲዋፕ ጉዩያን፣ ጋዴ ኣሳ ሲንላ ኣላናው ቆፕዴ፣ ኦይዴ ኦይዴ ዋታዳራቲ ኣ ናጋናዳን፣ ታማኔ ኡሱፑን ዋታዳራቲዋሲ ኣሊዴ ኢሜዳ። 5 ሄዋ ዲራው፣ ጳዒርሲ ቃሾ ጎሊያን ናጌቲ፤ ሺን ዋሳ ጎሌ ኣሳይ ኣው ሚኒሲዴ ያሳ ዋሴ።

ኪታንቻይ ጳዒርሳ ቃሾ ጎሌፕ ኬሴዳ

* 12:1 ሄርዲሳ፣ ሃዋ ጉሳይ ሄርዲሴ ኣግሪጳ ኮይሩዋ ጊዴዴ፣ ፓሌስቲኔ ጊያ ጋዲያ ኡባ ዋዲያዋ። ሄዋኔካ ዋጋ ሄርዲሴ ሄዩላ ዬሌታ። 12:4 ኬስ 12:1-27

6 ሄሮዲሴ ጳጳሮሳ አሳ ሲንላ አፋናው ቆገናፔ ካሴ ቃማ፡ ጳጳሮሲ ላዑ ሳንላላታን ቃሹቲዳ፡ ላዑ ዎታዳራቱዋፔ ጊዲዋን ጌሚሲሹዳ፤ ናጊያዋንቱካ ቃሾ ጎሌ ፔንጊያን ኤቂዳ ናጊኖ።
 7 አኩኩናን ዳዒሺን፡ ጎዳ ከታንቻይ ሄዋን ኤቂ አጌዳ፤ ቃሾ ጎሌንካ ፖዑ ፖዒ አጌዳ። ከታንቻይ ጳጳሮሳ ሚዲያ ዳቺ ቤጎሊዳ አ፡ «ኤሌ ዳንዳ» ያጌዳ፤ ሄ ማንዒያንካ ሳንላላታይ አ ኩሺያፔ ዎቂ አጌዳ። 8 ከታንቻይ አ፡ «ኔ ሱሪያ ዳንጫ፤ ኔ ጫማካ ዎላ» ያጊና፡ ጳጳሮሲ ሄዋዳን ኦሌዳ፤ ከታንቻይ፡ «ኔ ማዩዋ ማያዳ ታና ካላ» ያጌዳ።

9 ጳጳሮሲ ቃሾ ጎሊያፔ ከሲዳ፡ ከታንቻ ካሌዳ፤ አው ሳዎ ቤዒያዎ ማላቲዳፔ አቲን፡ ከታንቻይ ኦሊያባይ ቱማ ጊዳዳዎ ኤሪቤና። 10 ከታንቻይን ጳጳሮሲ ኮይሮ ዎታዳራፔ ነ ላዒንሶ ዎታዳራፔ አቂዳ፡ ካታማ አፊያ ቢራታ ፔንጊያኮ ጋኬዲኖ፤ ፔንጊካ ኡንቱንቶ ባሬካ ዶዬቲ አጌዳ፤ ኡንቱንቱ ከሲዳ አቲ ኦጊያና ቢሺን፡ ከታንቻይ ኤሌካ ጳጳሮሳፔ ሻከቲ አጌዳ።

11 ጳጳሮሲ ባሬና ጋኬዳባ አኩኪዳ፡ «ታና ጎዳይ ባሬ ከታንቻ ከቲዳ፡ ሄሮዲሳ ኩሺያፔ ኦሊያው አሳይ ናጊ ኡቴዳ ኡባባፔ አሺዳዎ ሃዒ ቱሙ ኤራዲ» ያጌዳ።

12 ኢ ሄዋ አኩኪዳ ዎዳ፡ ጮራ አሳይ አቲፔ ሸቂዳ ያሳ ዎሲያሳ፡ ማርቆሳ ጊያ ዮሃንሳ ዳዩ ማይራሚ ሶይ 13 ቢዳ ፔንጊያን ያሲና፡ አቲ ሮዳ ጊያ አሸካራታ ዶያናው ያዲ። 14 ሮዳ ጳጳሮሳ ቃላ ጊዳዳዎ ኤሬዳ ዎዳ፡ ባሬና ናሹቲና፡ ፔንጊያ ዶዬናን ጉዬ ዎዳ፡ ጳጳሮሲ ካሬን ኤቂዳዎ አሳሲ ኦዳዲ።

15 አሳይ ኢዞ፡ «ሃኔ፡ ኔኒ ጎያ» ያጌዳ። ሮዳ ጳጳሮሳ ጊዳዳዎ ጌሻዳ ኦዳዲ። ኡንቱንቱ፡ «ሄዌ አ ከታንቻ» † ያጌዲኖ።

16 ሺን ጳጳሮሲ ካሬን ያሲዳ አጌናን አዳና፡ አሳይ ካሬያ ዶዩ፡ አ ቤዒዳ ማላሌቲዲኖ። 17 ሺን ኡንቱንቱ ጮዑ ጋና ማላ፡ ጳጳሮሲ ባሬ ኩሺያን ያርሲዳ፡ ጎዳይ ቃሾ ጎሊያፔ አ ዎቲ ከሴዳንቶ፡ ኡንቱንቶ ቆንጫሲ ኦዲዳ፡ «ሃዎ ያዩቆባሲ፤ ‡ አሻቱዋሲ § ኦዲቲ» ጊዳ፡ ከሲ ሃራሳ ቤዳ።

ሄሮዲሳ ሃይቁዎ

18 ሳዒይ ዎንቱዳ ዎዳ፡ ጳጳሮሲ ሃቃ ቢዲጌዳንቶ ጊና ዎታዳራቱዋ ጊዳን ዳሮ ዋላሳይ ከሴዳ። 19 ሄሮዲሴ ጳጳሮሳ

† 12:15 አ ከታንቻ፡ አ ናጊያ ከታንቻ ጊዳናን አጌና ጉሳ። ‡ 12:17 ያዩቆባ፡ ጎዳ አሻ። § 12:17 አሻቱዋሲ፡ አማኒያ ሃራቱዋሲ።

ኮዩሺን፣ ኢ ዳዬዳ ዎዴ፣ ናጊያዋንታ ቆሪዴ፣ ኡንቱንታ ዎዳና ማላ ኣዛዜዳ፤ ሄዋፔ ጉዩያን፣ ዩሁዳፔ ቁሳሪያ ዎዲዴ፣ ሄዋን ኣማራዳ ዎዲያ ኡቲዳ።

20 ሄሮዲሴ ዲሮሳ ኣሳሲኔ ሲዶና ኣሳሲ ሎይሊ ሃንቄቲዳ፤ ኡንቱንቱ ጋዴ ኣሳይ ካላ ሄሮዲሳ ጋዴ ኣሳፔ ዴሚያ ዲራው፣ ኡንቱንቱ ኢቲፔ ጊዲዴ፣ ኣ ጎሊያ ካፑዋ ቢላሰፆሳ ባሬንቱ ባጋ ኦሊዴ፣ ሲጌታና ማላ ዎሳናው ሄሮዲሳኮ ቤዲኖ።

21 ሄሮዲሴ ሱንጹቲዳ ጋላሲ፣ ባሬ ካውቲላ ማዩዋ ማዩዴ፣ ካውቲላ ኦይዲያን ኡቲዴ፣ ኣሳሲ ሃሳዬዳ። 22 ኣሳይ፡ «ሃዌ ያሳ ቃላ፤ ኣሳ ቃላ ጊዴና» ያጊዴ ኮሻ ቶቂሲዴ ሃሳዬዳ። 23 ሄሮዲሴ ያሳ ቦንቹቤና ዲራው፣ ሄ ማንዒያንካ ጎዳ ኪታንቻይ ኣ ዴቹና፣ ጉፀኒያን ማቴቲዴ፣ ሃይቂ ኣጌዳ።

24 ሺን ያሳ ቃላይ ዲጩኔ ዳር ዳር ቤ።

25 ባርናባሲኔ ሳዖሊ ባሬንቱ ኦሱዋ ፖሊዴ፣ ማርቆሳ ጊያ ዮሃኒሳ ባሬንቱና ኣኪዴ፣ ዬሩሳላሜፔ ሲሜዲኖ።

13

ባርናባሲኔ ሳዖሊ ጌሻ ኣያናይ ደሪና፣ ታማሪሳናው ኪቴቲዲኖ

1 ኣንጾኪያን ዴዒያ ኣማኒያ ኣሳ ጊዶን ናባቲኔ ታማርሲያዋንቱ ዴዒኖ፤ ኡንቱንቱካ ባርናባሳ፣ ካሬላ ጊያ ሲሞና፣ ቄሬናፔ ዬዳ ሉቂዮሳ፣ ጋዲያ ሞዲያ ሄሮዲሳና * ዲጩዳ ሚናሃኔ ሳዖላ። 2 ኡንቱንቱ ጎዳሲ ጎዩኒሺናኔ ጾሚሺን፣ ጌሻ ኣያናይ፡ «ታኒ ዌሴዳ ኦሱዋሲ ባርናባሳኔ ሳዖላ ታው ዲማዩቲ» ያጌዳ።

3 ኡንቱንቱ ጾሚዳዋፔኔ ዎሴዳዋፔ ጉዩያን፣ ባሬንቱ ኩሺያ ባርናባሳ ቦላኒኔ ሳዖላ ቦላን ዎሊዴ፣ ኡንቱንታ ዬዴዲኖ።

ባርናባሲኔ ሳዖሊ ቆጶሮሳ ቤዲኖ

4 ሄዋ ዲራው፣ ጌሻ ኣያናይ ኡንቱንታ ኪቲና፣ ሴሉቂያ ዎዲዲኖ፤ ሄዋፔ ዎንጊሪያን ጌሊዴ፣ ቆጶሮሳ ሃላኒ ዶዴቲዳሳ ቤዲኖ። 5 ኡንቱንቱ ሲልማና ጋኪዴ፣ ኣዩሁዳ ዎሳ ጎሌቱዋን ያሳ ቃላ ኦዴዲኖ፤ ኡንቱንታ ማዳናው ዮሃኒሲ † ኡንቱንቱና ዴዒ።

6 ኡንቱንቱ ቆጶሮሳ ሃላን ዶዴቲዳ ሳዓ ኡባ ጳፉ ጋካናው ዩዩዴ፣ ናቢያ ኢቲ ዎርዳንቻ፣ ኣዩሁዳ ኣሳ ባር-ዬሱሳ ጊያ ሻሬቹዋ ዴሚዲኖ። 7 ሄ ሻሬቹ ጋዲያ ሞዲያ ሳርጊዮሳ ጳውሎሳ ጊያ

* 13:1 ሄሮዲሳ፡ ሄሮድ ኣንቲጳሳ ጌቲቲያ ዎጋ ሄሮዲሴ ናዓ። ሄዌኔካ ጋለላ ጊያ ጋዲያ ሞዲያዎ። ሉቅ 3:1 ዌለቲ። † 13:5 ዮሃኒሳ፡ ሃራ ሱንሳይ ማርቆሳ። 12:12፣25 ዌለቲ።

አክካንቻ ቢታኒያና ዴዔ። ሳርጊዮሳ ጳወሎሳ ባርናባላኔ ሳዖላ ባሪኮ ያሲዴ። ያሳ ቃላ ሲሳናው ኮዬዳ። 8 ሺን ሻሪቹዋ ኤሊማሲ (ጊሪኬ ቃላን ሄዌ ኣ ሱንሳ) ጋዲያ ሞዲያዋ አማኑዋ ዲጋናው ኮዬዴ። ኡንቱንቱ ሃሳያ ጳልቄዳ።

9 ሺን ጳወሎሳ ጊያ ሳዖሊ ባሪናን ጌሻ ኣያናይ ኩሚና። ሻሪቹዋ ጫዲ ያሊዴ። 10 ኣ። «ላ ሃ ፃላሂያ ካቸዋ ናዓው። ጌንቲላይ ኡባይኔ ኢታቲላይ ኡባይ ኩሜዳዎ። ያሎቲላ ኡባ ሞርኬው። ጎዳ ኦጊያ ሱሪያ ጌላዪያዋ ኣጊኪ? 11 ቤዓ፤ ሃዒ ጎዳ ኩሺ ኔ ቦላ ዴዔ፤ ኔኒ ቆቃ ጊዳና፤ አማራዳ ዎዲ ጋካናው። አዎ ፖዑዋ ቤዓካ» ያጌዳ።

ሄ ማንዒያንካ ሻኖቻይኔ ቋማይ ኣ ኣይፊያ ጎዚና። ባሪ ኩሺያ ኣይቂዴ። ካሌሊያ ኡራ ኮዬዴ ዩዩዳ። 12 ሄ ዎዴ ጋዲያ ሞዲያዎ ሄዎ ቤዔዳ ዎዴ። ጎዳይ ታማሪሲያዋን ማላሌቲዴ አማኔዳ።

ባርናባላኔ ጳወሎሲ ጲሲዲያን ዴዒያ አንጾኪያ ቤዲኖ

13 ጳወሎሲኔ ኣናና ዴዒያዎንቱ ጳፉፔ ዴንዲዴ። ጲኒፊሊያን ዴዒያ ጴርጌ ዎንጊሪያን ቤዲኖ፤ ዮሃኒሲ ኡንቱንቱ ሻኬቲ። ዩሩሳላሜ ሲሜዳ። 14 ሺን ኡንቱንቱ ጴርጌፔ ኣጲዴ። ጲሲዲያን ዴዒያ አንጾኪያ ጋኬዲኖ፤ ሳምባታ ጋላሳን ኣዪሁዳ ዎሳ ጎሌ ጌሊዴ ኡቲዲኖ። 15 ሙሴ ሂጊኔ ናባቲዎ ማፃፋይ ቶ ናባቤቲዳዎፔ ጉዩያን። ኣዪሁዳ ዎሳ ጎሌ ካፓቲ። «ኑ አሻቶ ኣሳ ሚኒሲያ ቃላይ ሂንቲንቶ ዴዎፔ። ኣሳው ሃሳዬሪኪቲ» ያጊዴ ኡንቱንቶ ከቲዲኖ።

16 ጳወሎሲ ዴንዲ ኤቂዴ። ባሪ ኩሺያን ያርሲዴ። ሃዎዳን ያጌዳ፤ «ኢሰራዔሊያ ኣሳቶ። ያሳሲ ያዩያዎንቶ ሲሲቲ። 17 ሃ ኢሰራዔሊያ ኣሳ ያሳይ ኑ አዎቲዎ ደሪዴ። ጊብዜ ጋዲያን ኢማላቲላን ኡንቱንቱ ዴዒሺን። ኡንቱንታ ጮሪሴዳ፤ ባሪ ዎልቃማ ዎልቃኒካ ጊብዜ ጋዲያፔ ኡንቱንታ ኬሴዳ። 18 ባዙዎን ኣይታሙ ላይላ ኬና ኑ አዎቲዎ ኢ ዳንዳዩዳ። 19 ካናኔ ጊያ ጋዲያን ኣዪሁዳ ጊዴና ላፑ ካዉቲላ ቋዩሲዴ። ኡንቱንቱ ጋዲያ ባሪ ኣሳ ላቲሴዳ። 20 ሃዎፔ ጉዩያን። ናቢያ ሳሜላ ዎዲያ ጋካናሲ። ኦይዲ ያታኔ አሻታሙ ላይላ ኬና ዳናቲዎ ኡንቱንቶ ኢሜዳ።

21 ሃዎፔ ጉዩያን። ኡንቱንቱ ባሪንቶ ካቲያ ኢማና ማላ ዎሲና። ያሳይ ቢኒያማ ዛሪያፔ ቂሳ ናዓ ሳዖላ ኣይታሙ ላይላው ካዉታና ማላ። ኡንቱንቶ ኢሜዳ። 22 ያሳይ ሳዖላ ሻሪዳዎፔ ጉዩያን።

‡ 13:15 ሙሴ ሂጊያኔ ናባቲዎ ማፃፋ። ኣዪሁዳቲዎ ማፃፋ። ኤጫ ጫቁዎ ማፃፋ።

13:17 ኬሰ 1:7፤ 12:51 13:18 ፓይ 14:34፤ ዛር 1:31 13:19 ዛር 7:1፤ ኢያ 14:1 13:20 ዳት 2:16፤ 1ሳም 3:20 13:21 1ሳም 8:5፤ 10:21

ኢንቲንቱ ቦላ ዳዊቱ ካወታና ማለ፡ አ ዳንጤዳ፤ ዳዊቱባ ማርካቲዳ፡ ታኒ ኮዪያ ኡባባ ታ ዋዛናዳን ኦሴያ ኢሴይ ናዓ ዳዊታ ዳማዲ) ያጌዳ።

23 «ዳሳይ፡ ታኒ ዳዊታ ዛሪያ፤ ኢሰራዔሊያ አሳ አሺያዋ አሃና) ቃላ ጌሌዳዋዳንካ፡ ዬሱሳ አሄዳ። 24 ዬሱሲ ያና፤ ካሴ ኢሰራዔሊያ አሳይ ኡባይ ባሪንቱ ናጋራ፤ ሲሚዳ ፃማቄታና ማለ፡ ዮሃንሲ ቃላ ኦዳዳ። 25 ቃሲ ዮሃንሲ ባሪ ኦሱዋ ወርሳና ሃኒዳ አሳ፡ ታና ኦና ጌዳ ቆፒቱ? ታኒ ሂንቱ ናጌያዋ ጌዲኬ፤ ሺን ቤዒቲ፡ አ ጌዲያ ጫማ ቃሹዋካ ጌዲያ፤ ቢላናው ታው ቤሴናዌ ታ፤ ጉዬና ዬ) ያጌዳ።

26 «ታናዳን አማኒያዋንቶ፡ አብራሃሜ ዜሬፋቶ፡ ቃሲ ሃዋን አዪሁዳ ጌዴናዋንቶ ያሳሲ ያዪያዋንቶ፡ ሃ አቶቲፋ ቃላይ ኑሲ ከቲቲዳ። 27 አዪሲ ጎ፤ ዬሩሳላሜን ዳዒያ አሳይኔ ኢንቲንቱ ካፓቱ ዬሱሳኔ ሳምባታ ጋላሳ ኡባን ናባቤቲያ ናባቲዋ ቃላ አኬኪቤና ዲራው፡ አ ቦላ ፒርዲዳ፡ ናባቲዋ ቃላ ፖሌዲኖ። 28 ዬሱሳ ዋዳሳናው ኢቲ ጋሱካ ኢንቲንቶ ቤቴናን ኢዲና፡ ጸላዳሲ አ ዋዳና ማለ ዋሴዲኖ።

29 «ኢንቲንቱ ዬሱሳባይ ያሳ ማፃፋን ፃፊቲዳዋ ኡባ ፖሌዳ ዋዳ፡ ማስቃሊያ፤ አ ዋሴዳ ሞጌዲኖ። 30 ሺን ያሳይ ሃይቁዋ፤ ዬሱሳ ዳንጤዳ። 31 ሄዋ፤ ጉዪያን ኢ ባሪናና ጋሊላ፤ ዬሩሳላሜ ዬዳ አሳቶ ጮራ ጋላሳ ቤቲዳ ኢንቲንቱ ሃዒ አባ አሳሲ ማርካቲኖ።

32 «ዳሳይ ኑ አዋቲዋሲ አማና ጌዳ ዋንጋላ ሚሺራቸዋ ኑኒ ሂንቲንቶ ኦዳቶ። 33 ዳዊቱ ማዚሙሪያ ማፃፋን ላዒሶ ሺምፑዋን፡ ሳኒ ታ ናዓ።

ሃቹ ታኒ ኔ አወዋ ጌዳዲ) ጌቲቲዳ ፃፊቲዳዋዳን፡ ያሳይ ዬሱሳ ዳንጤዳ፡ ኑ አዋቲዋሲ አማና ጌዳዋ ኑሲ ኢንቲንቱ ናናሲ ፖሌዳ። 34 ላዒንሉዋ ኢ ሃይቁና ማለ፡ ሃይቁዋ፤ አ ዳንጤዳዋሲ ያሳይ፡ ታኒ ዳዊቲው አማና ጌዳ አማኔቲዳ ጌሻ አንጅዋ ሂንቲንቶ አማና) ያጌዳ ሃሳዬዳ። 35 ሄዋ ዲራው፡ ማዚሙሪያ ማፃፋን ሃራሳን ቃሲ፡ ሳኒ ጌሻ ናዓ አጋካ ሙሲሳካ) ያጌዳ። 36 አዪሲ ጎ፤ ዳዊቱ ባሪ ዋዲያን ያሳ ቆፋ ኦሴዳዋ፤ ጉዪያን ሃይቁዳ፡ ባሪ አዋቲዋና ሃይቁ ሙሴዳ። 37 ሺን ያሳይ ሃይቁዋ፤ ዳንጤዳዋ ሙሲቤና።

13:22 14ኛ 13:14፤ 16:12፤ ማዘ 89:20 13:24 ማር 1:4፤ ለቅ 3:3
13:33 ማዘ 2:7 13:35 ማዘ 16:10

38-39 «ሄዋ ዲራው፥ ታናዳን እማኒያዋንቶ፥ ናጋራ አቶ ጌቴቴዳዌ ሂንቴንቶ ዬሱሳ ባጋና ኦዴቴዳዌይ፥ ሙሴ ሂጊያን ዒላናው ሂንቴንቶ ዳንዳዬቴና ኡባባፎ ኣኒ እማኒያ ኡባይ ዒላናዌ ሂንቴንቶ ኤሬቶ። 40 ሄዋ ዲራው፥ ናባቱ ጌዳዌ ሂንቴ ቦላ ጋኬና ማላ ናጌቴቴ፤

41 «የሳይ ጌዳባ ቁሊጨያዋንቶ፥
ቤዒቴ፤ ሃራይ አቶ ኢቲ ኡራይ ሂንቴንቶ ኦዲንተካ፥
ሂንቴ አማኔና እሱዋ ታኒ ሂንቴንቱ ዋዲያን
ኦሊያ ዲራው፥ ፖራ ጌቴ፤ ሃይቂቴ፥
ጌዲኖ» ያጌዳ።

42 ጳውሎሴኔ ባርናባሲ አዩሁዳ ዋሳ ጎሊያፔ ኬሲሺን፥ አሳይ ኡንቱንታ ላዕንሱዋ ሳምባታንካ ሄዋ ጉጂዴ ኦዳና ማላ ዋሴዲኖ።

43 ሺቁ ላሌቴዳዋፔ ጉዩያን፥ ጮራ አዩሁዳቱኔ አዩሁዳቱዋ አማኑዋን ጌሊዴ ያሳው ያዩያ ጮራቱ፥ ጳውሎሳኔ ባርናባሳ ካሌዲኖ፤ ዬሱሲ ኪቴዳዋንቱ ያሳ አቶ ኬካቴላን ሚኒ ዴዓና ማላ፥ ኡንቱንቶ ኦዲዴ ሚኒሴዲኖ።

44 ላዕንሱዋ ሳምባታን እማሬዳ አሳቱዋፔ አቲን፥ ካታማ አሳይ ኡባይ ያሳ ቃላ ሲሳናው ሺቁዳ። 45 ሺን አዩሁዳቱ ጮራ አሳ ቤዔዳ ዋዴ፥ ጳውሎሳ ቃናቴዲኖ፤ አ ሃሳያ ጳልቂዴ፥ አ ቦሬዲኖ።

46 ጳውሎሴኔ ባርናባሲ ፃሊዴ፥ «የሳ ቃላይ ካሴቲዴ ሂንቴንቶ ኦዴታናው ኮሽ፤ ሺን ቃላ ሂንቴ ኢፃዳ ዲራውኔ ሜጲና ዴዐዋ አካናው ሂንቴንቶ ቤሴና ጊዴ፥ ሂንቴ ሂንቴንቱ ሁጲያን ፒርዳዳ ዲራው፥ ቤዒቴ፥ ኮኒ አዩሁዳ ጊዴናዋንቱኮ ሲሜቶ። 47 አዩሲ ጎፔ፥ ጎዳይ ኦና፥

« ኣሳይ ኡባይ ሂንቴ ባጋና አታና ማላ፥
ሂንቴንታ ታኒ አዩሁዳ ጊዴናዋንቶ ፖዑዋ ኦላዲ»

ያገ እዛዜዳ»
ያጌዲኖ።

48 አዩሁዳ ጊዴናዋንቱ ሄዋ ሲሴዳ ዋዴ፥ ናሽቲዴ ያሳ ቃላ ቦንቹዲኖ፤ ቃሲ ሜጲና ዴዐዋሲ ዶሬቴዳ ኡባይ አማኔዲኖ።

49 ጎዳ ቃላይ ሄ ጋዲያ ኡባ ጋኬዳ። 50 ሺን አዩሁዳቱ ያሳው ጎዩኒያ ቦንቹቴዳ ማጫዋንታኔ ካታማን ዴዒያ ዋልቃማ አሳቱዋ ጳውሎሳ ቦላኒኔ ባርናባሳ ቦላ ዴንሌሊና፥ አሳቱ ኡንቱንታ ዬዴርሱዋ ደሚዴ፥ ባሬንቱ ጋዲያፔ ኬሴዲኖ። 51 ሺን ዬሱሲ ኪቴዳዋንቱ ኡንቱንታ ኢፂያዋንቱሲ ማላታ ጊዳና ማላ፥ ባሬንቱ

ጌዲያፕ ባና ሾጩዴ፣ § ኢቆኒዮኔ ካታማ ቤዲዮ። 52 ቃሲ ኣንዮኪያን ዴዲያ ካሊያዋንቱኒካ ጌሻ ኣያናይኔ ናሼቻይ ኩሜዳ።

14

ጳውሎሲኔ ባርናባሲ ኢቆኒዮኔ ቤዲዮ

1 ካሴዋዲንካ ጳውሎሲኔ ባርናባሲ ኢቆኒዮኔን ኣዪሁዳቱዋ ዋሳ ጎሌ ጌሊዴ፣ ቃላ ኦዴዲዮ፤ ሄዋፕ ጉዪያን ጮራ ኣዪሁዳቱኔ ኣዪሁዳ ጊዴናዋንቱ ኣማኔዲዮ። 2 ሺን ኣማኒቤና ኣዪሁዳቱ ኣዪሁዳ ጊዴናዋንቱ ዋዛና ላሚዴ፣ ኢሻቱዋ ቦላ ሃንቁሌዲዮ። 3 ዩሱሲ ኪቲዳዋንቱ ሄዋን ዳር ዋዲያ ጋሚዴዲዮ፤ ኢንቱንቱ ጎዳባ ያዩናን ኦዴዲዮ፤ ጎዳይ ማላታኔ ኦራላባ ኢንቱንቱ ኦላና ማላ፣ ኢንቱንቱ ዋልቃ ኢሜዳዋን ባሬ ኣቶ ኬካቲላ ቃላባይ ቱማ ጊዴዳዋ ማርካቲዳ። 4 ሺን ካታማ ኣሳይ ሻኬቲ፣ ባጋይ ኣዪሁዳቱዋኩ፣ ባጋይ ዩሱሲ ኪቲዳዋንቱኩ ሲሜዲዮ።

5 ኣዪሁዳ ጊዴናዋንቱኔ ኣዪሁዳቱ ባሬንቱ ካፓቱዋና ኢቲፕ ዩሱሲ ኪቲዳዋንታ ቆሃናዉኔ ሹቻን ጫዳናው ቆፕዳ ዋዴ። 6 ዩሱሲ ኪቲዳዋንቱ ሄዋ ኤሪዴ፣ ሊሰዲራኔ ዳርቤ ጌቲቲያ ሊቃዮኒያ ካታማቱዋኔ ኢንቱንቱ ሄራን ዴዲያ ጋዲያ ቤ ኣጌዲዮ፤ 7 ሄዋን ዋንጋላ ሚሺራቱዋ ኦዲዮ።

8 ባሬ ዳዪ ኡሉዋፕ ዩሌቶዴፕ ደሚዴ፣ ላዑ ጌዲ ሰሊና፣ ኡባካ ሃሜቲና ኢቲ ቤታኒ ሊሰዲራን ዴዴ። 9 ሄ ቤታኒ ጳውሎሲ ኦዲሺን ሲሴ፤ ጳውሎሲ ኣ ጫዲ ያሊያ ዋዴ፣ ፓዳናው ኣው ኣማኑ ዴዲያዋ ቤዲዮ። 10 ኮሻ ቶቂሲዴ ኣ፣ «ሲቲ ጋዴ ኔ ጌዲያን ኤቃ» ያጌዳ፤ ጉፒ ዴንዲዴ፣ ሃሜታ ደሚዴ።

11 ጳውሎሲ ኦሌዳዋ ኣሳይ ቤዲዮ፣ ባሬ ኮሻ ሊቃዮኒያ ቃላን ቶቆ ኦሊዴ፣ «ዖሳቱ ኣሳ ማላቲዴ ኦኮ ዋዴዲዮ» ያጌዳ። 12 ኣሳይ ባርናባሳ፣ «ዲያ» * ጊዴ፣ ጳውሎሲ ሃሳያሲ ዋናቲያ ዲራው፣ ኣ፣ «ሄርሜሳ» ጊዴ ሱንሌዳ። 13 ጌሻ ጎሊ ካታማ ማታን ዴዲያ ዲያ ቁሳይኔ ኣሳይ ኮራማቱዋኔ ዳሪ ሎዲያ ጩሻቱዋ ዩሱሲ ኪቲዳዋንቱሲ ያርሹዋ ያርሻናው ኮዪዴ፣ ፔንጊያ ኣሄዲዮ።

14 ሺን ዩሱሲ ኪቲዳ ባርናባሲኔ ጳውሎሲ ሄዋ ሲሴዴ ዋዴ ባሬንቱ ማዩዋ ፔቲዴ፣ ኣሳ ጊዴ ዋዲዴ። 15 ባሬንቱ ኮሻ ቶቆ ኦሊዴ፣ ሃዋዲን ያጌዲዮ፤ «ኣሳው፣ ሃዋ ኣዪሲ ኦሊቲ? ኮኒካ ሂንቱንቱዋዲን ሜዴቲዳ ኣሳ፤ ሃ ፓሌና ዩወዋፕ ሳሉዋኔ ሳዳ።

§ 13:51 ባሬንቱ ጌዲያፕ ባና ሾጩዴ፣ ሃዌ ኣሳይ ኣኬናን ኢዮዋ ቤሲያ ኦኒያ።

* 14:12 ዲያ፣ ጉሳይ ባሬካቱዋ ያሳቱዋ ኡባቱዋፕ ቦላ ጌቲቲ ፓይዴቲያ ኢንቱንቱ ኤቃ።

አባኔ ኡንቱንቱ ጊደን ዳዒያ ኡባባ ሜዶዳ ዳዑዋ ያሳኮ ሂንቱ ሲማና ማለ፡ ሂንቱንቶ ኑኒ ዋንጋላ ሚሺራቸዋ ኦዳቶ። 16 ኢ ቤኒ አሳ ዘሬላይ ኡባይ ባሬንቱ ኦጊያ ባና ማላ ዬዲ አጌዳ። 17 ሂንቱንቶ ኢራ ሳሉዋፔ ቡኪሴዳ፤ ካላካ ኢ ዋዲያን ኢሜዳ፤ ቃሲ ቁማ ኢሚዳ፡ ሂንቱንታ ሎይሊ ናሹቹ፤ ያቲዳ ሂንቱንቶ ሎዶባ ኦሊዳ፡ ኡባ ዋዳካ ባሬው ማርካ ቆዩቤና» ያጌዲና። 18 ዬሱሲ ኪቴዳዋንቱ ሄዋ ጊዳ፡ ባሬንቶ አሳይ ያርሼና ማለ፡ ሜቶቲዳ ዲጌዲና።

19 አንዳኪያፔኔ ኢቆኒዮኔፔ ዬዳ አዩሁዳቱ አሳ ባሬንቱ ባጋ ዘሪዳ፡ ሹቻን ጸዉሎሳ ጫዳዲና፤ ኡንቱንቶ ሃይቄዳዋ ማላቲና፡ ካታማፔ ካሬው አ ጎቹ ከሴዲና። 20 ሺን ካሊያዋንቱ አ ማታን ዩዩ አዲዳ ኤቁሺን፡ ኢ ዳንዲዳ፡ ካታማ ጌሌዳ። ዋንቱላ ጋላሲ ባሪናባሳና ኢቲፔ ዳርቤ ቤዳ።

ጳውሎሲኔ ባርናባሲ አንዳኪያ ሲሜዲና

21-22 ኡንቱንቱ ዳሪቤ ካታማን ዋንጋላ ሚሺራቸዋ ኦዲዳ፡ ጮራ አሳይ ዬሱሳ አማናና ማላ ኦሌዳዋፔ ጉዩያን፡ ሊሰደራ፡ ኢቆኒዮኔ ጳሊዲያን ዳዒያ አንዳኪያ ሲሜዲና፤ ያቲዳ ሄዋን ካሊያዋንታ ሚኒሲዳኔ ኡንቱንቱ አማኑዋን ሚኒ ዳዳና ማላ ዘሪዳ፡ «ኑኒ ያሳ ካዉቱላ ጌላናው ሎይሊ ዋዩታና ቤሴ» ያጌዲና። 23 ቃሲ አማኒያዋንቶ ዳዒያሳን ዳዒያሳን ጨማቱዋ ደሪዳ፡ ያሜዳዋፔኔ ዋሴዳዋፔ ጉዩያን፡ ኡንቱንቱ አማኔዳ ጎዳሲ ኡንቱንታ ሃዳራ ኢሜዲና።

24 ጳሊዲያ ጋዲያፔ አዲዳ፡ ጳኒሬሊያ ዬዲና፤ 25 ጳርጌን ቃላ ኦዳዳዋፔ ጉዩያን፡ አፃሊያ ቤዲና። 26 ሄዋፔ ኡንቱንቱ ባሬንቱ ፖሌዳ ኦሱዋ ዲራው፡ አሳይ ኡንቱንቱ ሃዳራ ያሳ አቆ ከካቱላው ኢሜዳ አንዳኪያ ማርካቢያን ሲሜዲና።

27 አንዳኪያ ጋኬዳ ዋዳ አማኒያ አሳ ሺሺዳ፡ ያሳይ ባሬንቱና ኢቲፔ ኦሌዳ ኡባባኔ፡ አዩሁዳ ጊዳና አሳይ አማናና ማለ፡ ኡንቱንቶ ፔንጊያ ደዩዳዋ፡ አሳው ኦዳዲና። 28 ያቲዳ ሄዋን ካሊያዋንቱና ዳር ዋዲያ ጋሚዔዲና።

15

ዬራሳላሜ ሺቁዋ

1 ኢቲ ኢቲ አሳቱ ዩሁዳፔ አንዳኪያ ዋዲዳ፡ «ሙሴ ዋጋዳን፡ ሂንቱ ቃፃሬቴናዋ ጊዳፔ፡ አታናው ዳንዳይኪታ» ያጊዳ ኢሻቱዋ

14:15 ኬሰ 20:11፤ ማዝ 146:6

ታማሪሱዋ ደሚዲና። 2 ጳውሎስኔ ባርናባሲ ኡንቱንቱና ዳሪሲ ዋላቁቲዳ ፓሎሜቲና፣ አንጾኪያን ዳዒያ ኢቲ ኢቲ ሃራ አሳቱ ሄ ፓሎማ ዲራው፣ ጳውሎሳናኔ ባርናባሳና ዬሩሳሌሜ ቢዳ፣ ዬሱሲ ኪቴዳዋንቱናኔ ጨማቱዋና ጋኬታናው ቆፋይ ቃሺቲዳ።

3 አማኒያ አሳቱ ኡንቱንታ ኪቲዳ ኦጊያን ማዲሺን፣ አዪሁዳ ጊዳናዋንቱ ጾሳኮ ሰሜዳዋ ኦዲዳ፣ ፒንቁያናኔ ሳማሪያና አዲዲና፤ ሄዌ አሻቱዋ ኡባ ሎይሊ ናሽቼዳ። 4 ኡንቱንቱ ዬሩሳሌሜ ጋኬዳ ዋዳ፣ አማኒያዋንቱ፣ ዬሱሲ ኪቴዳዋንቱኔ ጨማቱ ኡንቱንታ ሞኬዲና፤ ጾሳይ ባሬንቱን ኦሌዳዋ ኡባ ኦዲዳና። 5 ሺን ፓሪሳዋቱዋ ባጋፔ አማኔዳ ኢቲ ኢቲ አሳቱ ዴንዲ ኤቁዳ፣ «ሂንቱንቱ ኡንቱንታ ቃፃራናዉኔ ሙሴ ሂጊያ ናጋና ማላ አዛዛናው ቤሴ» ያጌዲና።

6 ዬሱሲ ኪቴዳዋንቱኔ ጨማቱ ሄዋ ዘሬታናው ሸቁዲና። 7 ሎይሊ ሃሳዬዳዋፔ ጉዪያን፣ ጳዊርሲ ዴንዲ ኤቁዳ፣ ኡንቱንታ ሃዋዲን ያጌዳ፤ «ታናዲን አማኒያዋንቱ፣ አዪሁዳ ጊዳናዋንቱ ዋንጋላ ሚሺራቹዋ ቃላ ታ ደናፔ ሲሲዳ አማናና ማላ፣ ታና ጾሳይ ሂንቱ ጊደፔ ቤኒ ደሬዳዋ ሂንቱንቱ ኤሪታ። 8 አሳ ዋዛና ኤሪያ ጾሳይ ጌሻ አያና ኩሲ አሜዳዋዳን፣ ኡንቱንቱካ አሚዳ ቱማዬዳ። 9 ኡንቱንቱ አማኔዳ ዲራው፣ ኢ ኡንቱንቱ ዋዛና ጌሺዳ፣ ኦ ጊዲዋኒኔ ኡንቱንቱ ጊዲዋን ዲማቲላ ዋሊቤና። 10 ሄዋ ዲራው፣ ኦ አዋቲኔ ኦኒ ቶካናው ዲንዳዪቤና ዋልቃማ ቶኩዋ ካሊያዋንቱ ሞርጊያን ዋሊዳ፣ ሃዒ ሂንቱ አዪሲ ጾሳ ፓጩቲ? 11 ሺን ጎዳ ዬሱሲ ኪሪሰቶሳ አዲ ኬካቲላን ኡንቱንቱ አቴዳዋዳን፣ ኦኒካ አቴዳዋ አማኔቶ» ያጌዳ።

12 አሳይ ኡባይ ጮዑ ጊዳ፣ ባርናባሲኔ ጳውሎሲ አዪሁዳ ጊዳና አሳ ጊደን ባሬንቱ ባጋና ጾሳይ ኦሌዳ ማላታኔ ኦራላባ ኡባ ኦዲሺን ሲሴ።

13 ኡንቱንቱ ሃሳያ ዉርሴዳዋፔ ጉዪያን፣ ያዪቆቢ ሃዋዲን ያጊዳ ዘሬዳ፤ «አሻቶ፣ ታኒ ጊያዋ ሲሲቲ። 14 ጾሳይ አዪሁዳ ጊዳናዋንቱ ጊደፔ ባሬው ሂጊያ አሳ አካናው አዪሁዳ ጊዳናዋንቱ ኮይር ዋቲ ቆፔዴንቶ ሲሞኒ ኦዲዳ። 15-18 ናቢያ ቃላይ ሃዋና ገቢ፤ ጎዳይ ዳር ዋዲያፔ ደሚዳ፣ አሳ ሃዋ ኤሪሲዳ፣ ጾሳ ማፃፋን ሃዋዲን ያጌዳ፤

ሳዋፔ ጉዪያን፣ ሳዒን ዳዒያ
ሃራ አሳይ ኡባይኔ ታዋ ጊዳናው
ታኒ ያሴዳ አዪሁዳ ጊዳና አሳይ ኡባይ

ጎዳ ኮያና ማላ፥ ታኒ ሲማና።
 ታኒ ኮሌቲዳ ኩንዳዳ ጎሊያዳን
 ሃኔዳ ዳዊቲ ካዉቲላ ዴንሳና።
 ኮሌቲዳዋካ ዛራዳ ኬፃና፤
 ታኒ ላዔሉዋ ኣ ኤሳና
 ያጌዳ።

19 «ሄዋ ዲራው፥ ታ ቆፋ ጊዶ፤ አዲሁዳ ጊዳናዋንቲ፤ ጆሳኮ ሲሚያዋንታ ኮኒ ሜቶላናው ኮሼና። 20 ሺን ኡንቲንቲ ኤቃኒ ቲኔዳዋ ሚና ማላ፥ ዋሹሚና ማላ፥ ባኩቲዳ ሚሂያ ኣሹዋ ሚና ማላኔ ሱላ ኡሺና ማላ፥ ኡንቲንቶ ኮኒ ዲቢዳቢያ ፃፋናው ኮሼ።

21 አዲሲ ጎ፤ ሙሴ ሂጊያ ካሴ ዬሌታ፤ ደሚዳ ሳምባታን ሳምባታን አዲሁዳ ዋሳ ጎሌቲዋን ናባቢዳ፥ አ ቃላ ካታማ ኡባን አዲያዋንቲ ዴዒና» ያጌዳ።

22 ሄዋ፤ ጉዲያን፥ ዬሱሲ ኪቴዳዋንቲ፤ ጨማቲ ዋሳ ጎሌ አሳ ኡባና ኢቲ፤ ባሬንቲ ጊዶ፤ አማሬዳ አሳቲዋ ዶሪዳ፥ ጳዉሎሳናኔ ባሪናባሳና ኣንጾኪያ ዬዳናው ቆፋ ቃቼዲና፤ ኡንቲንቲ ዳር ቦንቲቲዳ ላዑ አሳቲዋ ባርሳባ ጌቲቲያ ዩሁዳኔ ሲላሳ ዶሪዲና። 23 ያፊዳ ሃዋዳን ጊያ ዳቢዳቢያ ፃፊዳ፥ ኡንቲንቲ ቦላ ኪቲዲና፤ «ኮኒ ዬሱሲ ኪቴዳዋንቲ፤ ጨማቲ ሂንቲ ኢሻቲ፥ ኣንጾኪያን፥ ሶሪያኒኔ ኪልቂያን ዴዒያ አዲሁዳ ባጋ ጊዳና ኢሻቲዋሲ ኮ ሳርታ ኪቲቶ።

24 «ኮኒ ኣዛዚቤና አሳቲ ኮ ጊዶ፤ ቢዳ፥ «ሂንቲንቲ ቃፃሬታናዉኔ ሙሴ ሂጊያ ናጋናው ቤሴ» ጊዳ፥ ሂንቲንታ ሚቶሌዳዋኔ ዩሎዬዳዋ ሲሲዳ፥ 25-26 ኮ ጎዳ ዬሱሲ ኪሪሰቶሳ ሱንሳ ዲራው፥ ባሬንቲ ሼምፑዋ ኦሌዳ ኮኒ ሲቂያ ባርናባሳናኔ ጳዉሎሳና ዶሪቲዳ አሳቲዋ ሂንቲንቲኮ ኪታናው ኢቲ ዋዛናን ኮ ቆፋ ቃቼዶ። 27 ሄዋ ዲራው፥ ኮኒ ፃፊዳዋ ኡንቲንቲ ባሬንቲ ሁጺው ባሬንቲ ዶናን ሂንቲንቶ ኦዳና ማላ፥ ዩሁዳኔ ሲላሳ ኪቲዶ።

28-29 «አዲሲ ጎ፤ ኤቃው ያርሼዳዋ ሞፒቲ፤ ሱላ ኡሻፒቲ፤ ባኩቲዳ ሚሂያ ኣሹዋ ሞፒቲ፤ ዋሹሞፒቲ። ሃ ኮሺያዋንቲ፤ አቲን፥ ሃራ ዴጃያ ዬዉዋ ሂንቲንታ ቶሴና ማላ፥ ኮኒኔ ጌሻ አያናይ ዬዉዋ ኤኖ ጊዳ ኣኮዶ፤ ሃ ኡባባ፤ ሂንቲ ሁጺያ ናጎ፤ ሂንቲንቲ ሎዋባ ኦሊታ። ሲሚ ሳር ዴዒቲ» ያጌዲና።

30 ሄዋ ዲራው፥ ኪቲቲዳዋንቲ ሞዩዜቲ፥ ኣንጾኪያ ዋዲዳ፥ አማኒያ አሳ ሺሺዳ፥ ዳቢዳቢያ አሳሲ ኢሜዲና። 31 ኡንቲንቲ

ሄ ሚኒሲያ ደቢዳቢያ ናባቤዳ ዎደ፥ ናሹቴዲኖ። 32 ቃሲ ዪሁዳይኔ ሲላሴ ባሬንቱ ሁጳው ናባቱዋ ጊዲያ ዲራው፥ ኢሻቱዋ ሎይሉ ማቂዳ ሚኒሴዲኖ። 33 ኡንቱንቱ ኣንጾኪያን ኣማሬዳ ጋላሳ ኡቴዳዋፍ ጉዪያን፥ ኢሻቱ ሳርቴላን ሞዪዚና፥ ባሬንታ ኪቴዳዋንቱኮ ሲሜዲኖ። 34 ሺን ሲላሴ ያኒ ኣታናው ባሬ ቆፋ ቃቹዳ። *

35 ቃሲ ጳዉሎሲኔ ባርናባሲ ሃራ ጮራ ኣሳቱዋና ኢቲፍ ጎዳ ቃላ ታማሪሲዴኔ ዎንጋላ ሚሺራቹዋ ኦዲዴ፥ ኣንጾኪያን ኡቴዲኖ።

ጳዉሎሲኔ ባርናባሲ ሻኬቴዲኖ

36 ኣማሬዳ ጋላሳፍ ጉዪያን፥ ጳዉሎሲ ባርናባሳ፥ «ኮኒ ጎዳ ቃላ ኦዴዳ ካታማ ኡባን ኦ ኢሻቱ ዎቲ ዳዒኖንቶ፥ ጉዬ ሲሚዴ፥ ያምሲ ቤዖይቲ» ያጌዳ። 37 ሄዎፍ ጉዬ ባርናባሲ ማርቆሳ ጌቴቲያ ዮሃንሳ ባሬንቱና ኣፋናው ኮዬዳ። 38 ሺን ጳዉሎሲ ማርቆሳ ባሬንቱና ኣፋናው ኮዬቤና፤ ኣዪሲ ጎፍ፥ ኢ ኡንቱንቱፍ ጸኒፊሊያን ሻኬቴዳ፤ ቃሲ ኡንቱንቱና ኦሱዋሲ ቢቤና። 39 ኡንቱንቱ ጊዲዋን ሎዔና ዋላሳይ ኬሲና፥ ኢቱ ኢቱዋፍ ሻኬቴዳ፤ ባርናባሲ ማርቆሳ ኣኪዴ፥ ማርካቢያን ቆጶርሳ ቤዳ። 40 ሺን ጳዉሎሲ ሲላሳ ኣኪና፥ ኢሻቱ ኣ ሃዳራ ያሳ ኣጵ ኬካቴላው ኢሜዳዋፍ ጉዪያን ቤዳ። 41 ያቲዴ ኣማኒያ ኣሳቱዋ ሚኒሲዴ፥ ሶሪያናኔ ኪልቂያና ኣጵዴዳ።

16

ዲሞቶሴ ጳዉሎሳናኔ ሲላሴና ጋኬቴዳ

1 ጳዉሎሲ ቃሲ ዳርቤኔ ሊሰፂራ ቤዳ፤ ሄዎን ዲሞቶሳ ጌቴቲያ ካሊያዌ፥ ኢቲ ኣማኒያ ኣዪሁዳ ሚሺራቲ ናዓይ ዳዔ፤ ኣ ኣቡ ጊሪኬ ኣሳ። 2 ሊሰፂራኒኔ ኢቆኒዮኔን ዳዒያ ኢሻቱ ዲሞቶሳባ ሎይሉ ማርካቴዲኖ። 3 ጳዉሎሲ ዲሞቶሳ ባሬናና ኣፋናው ኮዬዳ፥ ኣ ኣቡ ጊሪኬ * ኣሳ ጊዴዳዋ ሄዎን ዳዒያ ኣዪሁዳ ኡባይ ኤሪያ ዲራው፥ ኣ ኦይቂዴ ቃፃሬዳ። 4 ኡንቱንቱ ካታማቱዋና ቢዴ፥ ዬሱሲ ኪቴዳ ዬሩሳሌሜን ዳዒያዎንቱኔ ጨማቱ ዎሌዳ ሂጊያ ኣማኒያዎንቱ ናጋና ማላ፥ ኡንቱንቶ ኦዲዴ ኣጵዴዲኖ። 5 ሄዎ

* 15:34 ሲላሴ ኣንጾኪያን ኣታናው ባሬ ቆፋ ቃቹዳ፥ ጊያዌ ጮራ ሃራ ቃላ ቢሉላን ባዎ። * 16:3 ኣ ኣቡ ጊሪኬ ... ኣ ኦይቂዴ ቃፃሬዳ፥ ጊሪኬ ኣሳይ ባሬንቱ ናና ቃፃሪኪኖ። ሺን ዲሞቶሴ ቃፃሬታና ጳዮፍ፥ ኣዪሁዴ ኣሳይ ኣ ኣኬና ዲራው፥ ጳዉሎሲ ኣ ኦይቂዴ ቃፃሬዳ።

ዲራው፡ አማኒያዎንቱ አማኑዋን ሚኒ፡ ፓይዲዋንካ ጋላሳፔ ጋላሳን ዳሪ ዳሪ ቤዲኖ።

ጳውሎሲ ማቂደኒያ ባናዳን ጭጭዳ

6 ኢሲያን ቃላ ኦዳና ማላ፡ ጌሻ አያናይ ኡንቱንታ ዲጌዳ ዲራው፡ ፐርጊያ ጋዲያናኔ ጋላቲያ ጋዲያና አጭዲኖ። 7 ኡንቱንቱ ሚሲያ ዛዋ ጋኬዳ ዋዴ፡ ቢቲኒያ ባናው ኮዬዲኖ፤ ሺን ዬሱሳ አያናይ ኡንቱንታ ዲጌዳ። 8 ሄዋ ዲራው፡ ኡንቱንቱ ሚሲያ ማታና አጲዴ፡ ሂሮዳዳ ዋዴዲኖ። 9 ጳውሎሲ ቃማ ሳዋን ኢቲ ማቂደኒያ ቢታኒ ባሪና፡ «ማቂደኒያ ፐናዴ ኑና ማዳሪከ» ያጌዴ ኤቂ ዋሲሺን ቤዔዳ። 10 ሳዋ ኢ ቤዔዳዋፔ ጉዩያን፡ ኑኒ ኤሌካ ማቂደኒያ ባናው ኮዬዳ፤ አዩሲ ሳፔ፡ ዋንጋላ ሚሺራቸዋ ያኒ ዴዒያ አሳሲ ኦዳናው፡ ያሳይ ኑና ጭዳዋ ኑሲ ማላቲዳ።

ሊዲያ ፐሊጲሲዮሳን ኪሪሰቶሳ አማናዳ

11 ሄዋ ዲራው፡ ሂሮዳዳፔ ዴንዲዴ፡ ሲቲ ጊዴ ማርካቢያን ሳሞቲራቄ ቤዶ፤ ዋንቲሳ ጋላሲ ናጹሌ ቤዶ። 12 ሄዋፔ ፐሊጲሲዮሳ ቤዶ፤ ፐሊጲሲዮሲ ማቂደኒያ ቢታው ሁጴ ካታማ፤ ቃሲ ሮሜ አሳይ ዴዒያ ካታማ፤ ኑኒ ሄ ካታማን አማራዳ ጋላሳ ኡቴዶ።

13 ሳሞታ ጋላሲ፡ ካታማፔ ጋዋን ሻፋ ዶናን አዩሁዳቱ ያሳ ዋሲያ ሳዓይ ዴዒያዋ አኬኪዴ ቤዶ፤ ሄዋን ኡቲዴ ሺቄዳ ማጫ አሳሲ ቃላ ኦዳዶ።

14 ኢቲ ሊዲያ ጌቴቴወና፡ ቲያዒሮና ካታማፔ ያዴ ያሳ አማኔወና፡ ዘዎ ማዩዋ ዛሊዒያ ሚሺራታ፡ ኑኒ ኦዲያዋ ሲሳዲ፤ ጳውሎሲ ኦዲያዋካ ኢዛ ሲሳና ማላ ያሳይ ኢ ዋዛና ዶዬዳ። 15 ሊዲያ ባሬ ሶይ አሳና ኢቲፔ ፃማቄቲዳዋፔ ጉዩያን ኑና፡ «ሂንቲንቱ ታና ሳዳ ቱማቲላን አማናው ጊዴ ቆፖፔ፡ ታ ሶዩን ዴዒሺቴ» ጋዴ ዋሳዲ፤ ሚኒሳዴ ሸባዲ።

ጳውሎሲኔ ሲላሴ ቃሽቴዲኖ

16 ኑኒ ያሳ ዋሲያሳ ቢሸን፡ ኢታ አያናይ ኢዚ ቦላ አቄና ካዩያ ኢቲ አሸካሬ ናታ ኑናና ጋኬታዲ፤ ሄ ናታ ካያዴ ዳሮ ሚሻ ባሬ ጎዶቱዋሲ ዴማዲ። 17 ጋኬታዴ ጳውሎሲኔ ኑና ካላዴ፡ «ሃዋንቱ ሂንቲንቶ አታና ኑጊያ ኦዲያዋንቱ፡ ኡባፔ ቦላ ያሳ አይሌቱዋ» ጋዴ ኮሻ ጶቄ ኦላዴ ሃሳያው።

18 ኡባ ጋላሲ ሄዋዲን ጋው፤ ሸን ጳውሎሲ ዩሎቲዴ ጉዬ ሲሚ፡ ሄ ኢታ አያና፡ «ኑኒ ኢፔ ኬሳና ማላ ዬሱሲ ኪሪሰቶሳ

ሱንላን ኔና አዛዛይ» ያጌዳ፤ ሄ ማንዲያንካ ኢታ ኣያናይ ኢፔ ኬሲ ኣጌዳ።

19 ሺን ኢዚ ጎዳቱ ባሪንቱ ሚሻ ዳማና ኦጊ ዳዬዳዋ ቤዒዳ፤ ጳውሎሳኔ ሲላሳ ኦይቋዳ፤ ጌያ ሳዓን ዳዒያ ዳናቱዋ ሲንላ ጎቹ ኬሴዲኖ። 20 ዳናቱዋ ሲንላ ኡንቱንታ ኣፊዳ፤ «ሃዋንቱ ኣዪሁዳ ኣሳ ጊዲዳ፤ ኑ ካታማ ኣሳ ሎይሊ ሜቶሊኖ። 21 ኑኒ ሮሜ ጋዲያ ኣሳ ጊዲዳ፤ ኣካናዉኔ ኣላናው ዋጋ ጊዳናባ ታማሪሲኖ» ያጌዲኖ።

22 ኣሳይ ኢቲ ባጋ ጊዲዳ፤ ጳውሎሳ ቦላኒኔ ሲላሳ ቦላ ዳንዳዳ፤ ዳናቱካ ኡንቱንቱ ማዪዋ ቃሪ ኣኪዳ፤ ፃምዓን ኡንቱንታ ሾጫና ማላ ኣዛዘዲኖ። 23 ኡንቱንቱ ዳሪሲ ዋዴዳዋፔ ጉዪያን፣ ቃሾ ጎሊያን ዩጌዲኖ። ቃሾ ጎሊያ ናጊያዌካ ኡንቱንታ ሚኒሲ ናጋናዳን ኣዛዘዲኖ። 24 ቃሾ ጎሊያ ናጊያዌ ሄ ኣዛዙዋ ኣኪዳ፤ ጳውሎሳኔ ሲላሳ ቃሾ ጎሊያ ቆልዖ ጌሊሴዳ፤ ኡንቱንቱ ጌዲያካ ሚላና ጋሊ ዳራዲዳ ቃቹዳ።

25 ሺን ቃማ ቢላሄ ጊዲያ ሄራን ጳውሎሳኔ ሲላሳ ያሳ ዋሲዳ፤ ማዚሙሪያ ዩዲዳ ያሳ ጋላቲኖ፤ ቃሹቶ ኣሳይ ኡንቱንቱ ጊያዋ ሲሴ። 26 ቃሾ ጎሊያ ፃጵ ቃፃና ጋካናው ዋዛና ኣሌናን ቢታይ ዳሪሲ ቃዴዳ፤ ሄ ማንዲያንካ ፔንጊካ ኡባይ ዳዬቲ ኣገና፤ ቃሹቲዳ ኣሳ ኡባ ሳንላላታይ ቢሌቲ ዋዴዳ። 27 ቃሾ ጎሊያ ናጊያዌ ጌሚዲሹዋፔ ቤጎቲያ ዋዴ፤ ቃሾ ጎሊያ ፔንጊካ ኡባይ ዳዬቲዳዋ ቤዒዳ፤ ቃሹቶ ኣሳይ ኬሲ ኣኪዳ ቢዲጌዳዋ ኣው ማላቲና፤ ባሪና ዋዳናው ቆፒዳ፤ ጩቢያ ኣኪዳ። 28 ሺን ጳውሎሲ ኮሻ ቶቁ ኦሊዳ፤ «ኔኒ ኔና ኣያኔ ኡደፓ፤ ኣዪሲ ጎፔ፤ ኑኒ ኡባይ ሃዋን ዳዬቶ» ያጌዳ።

29 ቃሾ ጎሊያ ናጊያዌ ያምፒያ ዋሲ ኣኪዳ፤ ኤሌካ ቆልዖ ዋዴዳ፤ ኮኮሪዳ ጳውሎሳ ሲንላኒኔ ሲላሳ ሲንላን ጉፋኔዳ፤ 30 ኡንቱንታ ካሪ ኬሲዳ፤ «ታ ጎዳቶ፣ ታኒ ኣታናው ኣያ ኦላና ቤሲ?» ያጌዳ።

31 ጳውሎሳኔ ሲላሳ ኣ፣ «ጎዳ ዩሱሲ ኪሪሰቶሳ ኣማና፤ ኔኒ ኣታና፤ ኔ ሶይ ኣሳይካ» ያጌዲኖ። 32 ኡንቱንቱ ኣዉኔ ኣ ሶዪን ዳዒያ ኡባው ጎዳ ቃላ ኦዴዲኖ። 33 ቃማ ሄ ሳቲያንካ ቃሾ ጎሊያ ናጊያዌ ኡንቱንታ ኣፊዳ ኡንቱንቱ ማይላ ሚጩዳ፤ ሄ ማንዲያንካ ባሪ ሶይ ኣሳ ኡባና ፃማቄቲ ኣጌዳ። 34 ጳውሎሳኔ ሲላሳ ፑዳ ባሪ ሶይ ኣፊዳ፤ ኡንቱንቶ ቁማ ኣሌዳ፤ ኢ ባሪ ሶይ ኣሳ ኡባና ያሳ ኣማኔዳ ዲራው፣ ናሹቲዳ።

35 ዋንቲና ዳናቱ፡ «ሄ አሳቱዋ ቢላ» ያገዳ፡ ፖሊሲያ ካፓቱዋ አኮ ኪቴዲኖ። 36 ሄዋፕ ጉዬ ቃሾ ጎሊያ ናገያዋ፡ «ሂንቴንቱ ቢሌታና ማላ፡ ዳናቱ ታው ኪቴዲኖ፤ ሲሚ ሃዒ ኬሲዳ ሳርቴላን ቢቴ» ያገዳ ሄ ኪታ ጳውሎሳው ኦዳዳ።

37 ሺን ጳውሎሲ ሄ ፖሊሲያ ካፓቱዋ፡ «ኮኒ ሮሜ ጋዴ አሳ † ገዲሺን፡ ኡንቴንቱ ኦና ፐርዳይ ባይናን አሳ ሲንላን ዋጲዳ፡ ቃሾ ጎሊያን ዬዲኖ። ሃዒ ኦና ጌማን ኬሲ ዬዲኖ? ሃኔና፤ ኡንቴንቱ ባሬንቱ ሁጳው ዪዳ፡ ኦና ኬሲኖ» ያገዳ።

38 ፖሊሲያ ካፓቱ ዳናቱዋሲ ሄዋ ኦዲና፡ ጳውሎሲኔ ሲላሴ ሮሜ ጋዴ አሳ ገዴዳዋ ሲሴዳ ዋዳ፡ ያዬዲኖ። 39 ሄዋ ዲራው፡ ዳናቱ ዪዳ ኡንቴንታ፡ «ኮኒ ሂንቴንታ ናቄዶ» ጌዲኖ። ቃሾ ጎሊያፕ ካሬ ኡንቴንታ ኬሲዳ፡ ካታማፕ ኬሲዳ ባና ማላ ዋሴዲኖ። 40 ጳውሎሲኔ ሲላሴ ቃሾ ጎሊያፕ ኬሲዳ፡ ሊዲያ ሶይ ቤዲኖ፤ ያኒ አሻቱዋና ጋኬቱዳ፡ ኡንቴንታ ሚኒሲዳ ሄዋፕ ቤዲኖ።

17

ቴሴሎንቄን ዴንዴዳ ዋላሳ

1 ጳውሎሲኔ ሲላሴ፡ አምፕጶሊሳና ኦጶሎኒያና አጲዳ፡ ቴሴሎንቄ ዬዲኖ፤ ቴሴሎንቄን አዪሁዳ ዋሳ ጎሊ ዴዔ። 2 ጳውሎሲ ባሬ ደያዳንካ ያ ጌሌዳ፤ ሄዋን ሄዙ ሳምባታ ጋላሳቱዋን ያሳ ማፃፋቱዋፕ አሳና ሃሳዬዳ፤ 3 ኪሪሰቶሲ ዋዪያ አካናወኔ ሃይቁዋፕ ዴንዳናው ቤሲያዋ ኡንቴንቶ ቢሊዳ ኦዲዲኔ ቱማ ገዴዳዋካ ኡንቴንታ ኤሪሲዳ፡ «ዬሱሲ ሃ ታኒ ሂንቴንቶ ኦዲያዌ ኪሪሰቶሳ» ያገ። 4 ኡንቴንቱፕ ኢቱ ኢቱ ዬወ ቱማ ገዴዳዋ አኬኪዳ፡ ጳውሎሳና ሲላሴና ጋኬቱዲኖ፤ ሃዋዳንካ፡ ያሳሲ ጎዪኒያ ጮራ ገሪኬ አሳይኔ ጮራ ቦንቸቱዳ ማጫዋንቱ፡ ጳውሎሳና ሲላሴና ጋኬቱዲኖ።

5 ሺን አዪሁዳቱ ቃናቲዳ፡ ኢቲ ኢቲ ኦሱ ባዪና ኢታ አሳቱዋ ቆጫፕ ሺሺዳ ካታማ አሳ ዋላሴዲኖ፤ ጳውሎሳኔ ሲላሳ አሳኮ ኬሳና ማላ ኮዪዳ፡ ያሶና ጎሊያ ደዴዲኖ። 6 ጳውሎሲኔ ሲላሴ ኡንቴንቶ ቤቴናን ኢጂና፡ ያሶና ኢቲ ኢቲ አሻቱዋ ካታማ ካፓቱዋኮ አፊዳ፡ «ሃዋንቱ ጋዲያ ኡባ ሜቶጴዳዋንቱ፡ ሃዋካ ዬዲኖ። 7 ያቲና ያሶኒ ኡንቴንታ ባሬ ሶዪን ዋጴዳ፤ ሃዋንቱ ኡባይ፡

† 16:37 ሮሜ ጋዴ አሳ፡ ሮሜ ካወቱላን ኤሪቲዳ ዴዒያ ጉላ አሳይ ሄ ጋዴ አሳቱዋ ጌቴቲኖ። ሄዋንቶካ ቃይ ሃራቱዋፕ ዲማቲያ ማታይኔ ካጫይ ዴዒ።

«ዬሱሳ ገያ ሃራ ካቲ ዳዔ» ገዳ ቄሳሬ አዛዙዋ ሚኒሲና» ያገዳ። ኮሻ ቶቂሲዳ ሃሴዬዲና።

8 ሺቄዳ አሳይኔ ካታማ ካፓቱ ሄዋ ሲሲዳ ሜቶቲዲና።
9 ካፓቱ ያሶናኔ ሃራቱዋ ዋሲያን ቢሌዲና።

ጳውሎሲኔ ሲላሴ ቤሪያ ቤዲና

10 አማኒያዋንቱ ጳውሎሳኔ ሲላሳ ሳዓይ ቃሚያዋኒ ኤሌካ ቤሪያ ዬዴዲና። ያ ጋኪዳ፣ አዪሁዳ ዋሳ ጎሌ ጌሌዲና።

11 ቤሪያ አሳቱ ቴሴሎንቄን ዳዒያ አሳቱዋፐካ አዲ ዶዬቶ ዋዛናይ ዳዒያ ዲራው፣ «ጳውሎሲ ጌዳዌ ቱሚንቶኔ» ያገዳ። ኡባ ጋላሲ ያሳ ማፃፋቱዋ ታማሪዳ፣ ቃላ ኩሜንሳ ላሞታን አኬዲና። 12 ሄዋ ዲራው፣ ኡንቱንቱፔ ጮራቱ፣ ገሪካቱዋፔ ቦንቱቲዳ ጮራ ማጫዋንቱኔ ጮራ አቱማ አሳቱ አማኔዲና።

13 ሺን ቴሴሎንቄን ዳዒያ አዪሁዳቱ ጳውሎሲ ያሳ ቃላ ቤሪያንካ ኦዳዳዋ ሲሴዳ ዋዳ፣ ቤሪያ ዪዳ፣ አሳ አናና ዋላሴዲና። 14 ሄዋፔ ጉዪያን፣ ኢሻቱ ኤሌካ ጳውሎሳ አባ ማታን ዬዲ አጌዲና፤ ሺን ሲላሴኔ ሂሞቶሴ ቤሪያን አቱዲና።

15 ጳውሎሳ ሞዩዜዳ አሳቱ አቲና ጋሌዲና፤ ሄ አሳቱ ሲላሴኔ ሂሞቶሴ ባሬንቶ ዳንዳዬቲዳዋዳን፣ ኤሌካ ባሬኮ ያና ማላ፣ ጳውሎሲ ኪቴዳ ኪታ አኪዳ፣ ቤሪያ ሲሜዲና።

ጳውሎሲ አቲና ቤዳ

16 ጳውሎሲ አቲናን ሲላሳኔ ሂሞቶሳ ናገዳ፣ ካታማን ኤቃይ ኩሜዳዋ ቤዒዳ ዪሎቲዳ። 17 ሄዋ ዲራው፣ አዪሁዳ ዋሳ ጎሊያን አዪሁዳቱዋናኔ ያሳሲ ጎዪኒያ አዪሁዳ ገዳና አሳቱዋና ፓሉሜቲ፤ ቃሲ ኡባ ጋላሲ ጌያን ባሬናና ጋኬቲያ አሳናካ ፓሉሜቲ። 18 ቃሲ ኤፐቆሮሳፔኔ * ኢሰዶሲኪያፔ † ዬዳ አቲ አቲ ኤራንቻቱ ጳውሎሳና ፓሉሜቲዲና፤ ኡንቱንቱፔ አቱ አቱ፣ «ሃ ቶፊናይ አያ ሃሳያናው ኮዪ?» ያገዲና።

ሃራቱ ጳውሎሳ ዬሱሳባባኔ ሃይቁዋፔ ኢ ዳንዳዳዋ ባሬንቶ ኦዲያ ዲራው፣ «ኦራሳ ያሳቱባ ኦዲያዋ ማላቲ» ያገዲና።

19-20 ጳውሎሳ ኦይቄዳ፣ «ሃ ኔኒ ታማሪሲያ ኦራሳ ዬዳ አዬንቶ ኑና ኤሪሳሪኪ? አዪሲ ጎፔ፣ ኔኒ ኑሲ ኦራሳባ ኦዳሳ፤ ሲሚ

* 17:18 ኤፐቆሮሳ፡ ሃዌ ጋዲያ ገዲዳ፣ ሃ ጋዲያን ዳዒያ አሳቱ ናሺቼያ አሳ ደዑዋሲ ኮይሮ ሳዓ አይቄዳ ያገ ታማሪሲያ ኤፐቆሮሳ ገያ ቢታኒያ ቲሚርቲያ ካሊያዋንታ።
† 17:18 ኢሰዶሲኪያ፡ ሃዌካ ጋዲያ ገዲዳ፣ ሃ ጋዲያን ዳዒያ አሳቱ፣ ባሬና ሞዳሳኔ ባሬ ቆፋን ካሌሴቲያዋ አሳይ ታማራና ቤሴ፣ ያገያ ቲሚርቲያ ታማሪሲያ ዜኖ ያጌቲያ ቢታኒያ ቲሚሪቲያ ካሊያዋንታ።

ሃዋ ኣዩንቶ ኩኒ ኤራናው ኮዬቶ» ያጊዳ ጳውሎሳ ኣሪዮሰፓጎሳ ጌቴቲያሳ ኣፌዲኖ። 21 ኣቴና ኣሳይ ኡባይኔ ሃዋን ዳዒያ ኢማፋቱ ኦራላባ ሃሳዪዲኔ ሲሲዳ ፔሺያዋፔ ኣቲን፣ ሃራባን ፔሺኪኖ።

22 ጳውሎሲ ኣሪዮሰፓጎሳን ዳዒያ ሺቁዋ ሲንፋን ኤቁዳ፣ ሃዋዳን ያጌዳ፤ «ኣቴና ኣሳቶ፣ ያሳቱዋሲ ኡባባኒ ሂንቴንቱ ዳሪ ያዪያዋ ታኒ ቤዓይ። 23 ኣዪሲ ጎፔ፣ ታኒ ሂንቴንቱ ጎዪኒያዋ ያላዳ ኣጲሺን፣ (ኤሬቴና ያሳሲ) ጌቴቲዳ ያፌቴዳ ያርሹዋ ሳዓ ቃሲ ዳማዲ፤ ሃዋ ዲራው፣ ሃ ሂንቴ ኤሬናን ጎዪኒያዋ ታኒ ሂንቴንቶ ኦዲይ።

24 «ኣላሚያኔ ኣላሚያን ዳዒያ ኡባባ ሜዲዳ ያሳይ ሳሉዋኔ ሳዓ ጎዳይ፣ ኣሳይ ከፃዳ ጌሻ ጎሊያን ዳዒና። 25 ኣዩንቶ ፓጩዳ ኣሳዳን፣ ኣሳ ኩሺያ ኢ ያለና፤ ኣዪሲ ጎፔ፣ ኢ ባሬ ሁጳው ዳዑዋ ሸምቸዋኔ ኡባባ ኣሳ ኡባው ኢሜዳ። 26 ያሳይ ኣሳ ዛሪያ ኡባ ኢቲ ኡራፔ ሜዲዳ፣ ጋዲያ ኡባን ዋሌዳ፤ ኢ ባሬ ሁጳው ኢንቴንቱ ዳዒና ዋዲያኔ ሳዓ ካሴ ዛዋዬዳ።

27 «ኢ ሃዋ ኦሌዳዌ ኡንቴንቱ ኦይቂ ኦይቂ ያሊዳ፣ ባሬና ኮዪዳ፣ ኦኒ ኤሪ ዳማናዋንቱሻ ገያዋና፤ ገዳፔኔ፣ ያሳይ ኑፔ ኦሲኔ ሃኮ ገዳና። 28 ኣዪሲ ጎፔ፣ ሂንቴንቱፔ ኢቲ ኢቲ ኤራንቻቱ፣ (ኩኒ ኣ ናና) ጌዳዋዳን፣ ኩኒ ኣኒ ፓፃ ዳዒቶኔ ቃፃቲቶ። 29 ሲሚ ኩኒ ያሳ ናና ገዳዳ ዲራው፣ ያሳይ ኣሳ ጨንጫቴፋኒኔ ቆፋን ዋርቃፔ ዋይ ቢራፔ ዋይ ሹቻፔ ኦሴቴዳዋ ማላቲ ያጊዳ፣ ቆፓናው ቤሴና። 30 ሃዋ ዲራው፣ ያሳይ ኣሳይ ኤሪቤና ዋዲያ ኣሌዳ፤ ሺን ሃዒ ኡባሳን ኣሳይ ኡባይ ናጋራፔ ሲማና ማላ ኣዛዘዳ። 31 ኣዪሲ ጎፔ፣ ያሳይ ዋዲያ ከሪ ዋሌዳ፤ ሄ ዋዲያን ባሬ ዶሬዳ ኡራን ሳዓን ዳዒያ ኣሳ ኡባ ቦላ ዪሎ ፐርዳ ኢ ፐርዳና፤ ኣሳ ኡባው ሃይቁዋፔ ዩሱሳ ዳንሌዳዋን ሃዋ ቱማዬዳ» ያጌዳ።

32 ኡንቴንቱፔ ኢቲ ኢቲ ኣሳቱ ሃይቁዋፔ ዳንዲዋባ ጳውሎሳፔ ሲሲዳ፣ ኣ ቦላ ቂሊጩዲኖ፤ ሺን ሃራ ኣሳቱ ኣ፣ «ኦኒ ሃዋ ኔፔ ጉጂዳ ሲሳና ኮዬቶ» ጌዲኖ። 33 ሃዋ ዲራው፣ ጳውሎሲ ኡንቴንቱ ገዳፔ ከሴዳ። 34 ሺን ኢቲ ኢቲ ኣቱማ ኣሳቱ ጳውሎሳና ጋከቲዳ ኣማኔዲኖ፤ ኡንቴንቱ ገዲዋን ኣሪዮሰፓጎሳን ዳዒያ ፐርዳ ጎሌ ዳናይ ዲዮናሲዮሲ፣ ዳማሪሶ ጌቴቲያ ኢቲ ሚሺራቲና ሃራ ኣሳቱ ዳዒኖ።

18

ጳውሎስ ቆሮንቶሳ ቤዳ

1 ሃዋጥ ጉዩያን፣ ጳውሎስ አቴናፕ ኬሲዴ፣ ቆሮንቶሳ ቤዳ።
 2 ሃዋን አቁላ ጊያ ኢቲ አዩሁዳ ቢታኒያ ዴሜዳ፤ አቁላይ ጳንጾሳን ዩሌቴዳ፤ አዩሁዳ አሳይ ኡባይ ሮሜፕ ኬሳና ማላ፣ ቃላወዴዮሲ አዛዜዳ ዲራው፣ አማራዳ ዋዲያፕ ካሴ፣ ኢ ባሪ ማቻቲ ጸሪሰቁላና ፃሊያፕ ዩዳ፤ ጳውሎስ ኡንቱንቱና ጋኬታናው ቤዳ። 3 አ ኦሱኔ ኡንቱንቱ ኦሱ ኢቲ ማላ ዲንካኒያ ሲካ ጊዲያ ዲራው፣ ኡንቱንቱና ኡቲዴ፣ ኢቲፕ ኦሌዳ። 4 ጳውሎስ ሳምባታ ኡባን አዩሁዳቱዋና ጊሪካቱዋ አማንፋናው አዩሁዳ ዋሳ ጎሊያን ፓሉሜቲ።

5 ሲላሴኔ ዓዋቶሴ ማቁድኒያፕ ዩዳ ዋዴ፣ ጳውሎስ አዩሁዳቱዋሲ ዩሱሲ ባሪ ሁጾው ኪሪሰቶሳ ጊዴዳዎ ቃላ ኦዲዋ ቶሌዳ። 6 ሺን ኡንቱንቱ ጳውሎሳ ሃሳያ ጳልቁናኔ አ ቦሪና፣ ጳውሎስ ባሪ ማዩዋፕ ባና ቆቆፊዴ፣ * «ሂንቱንቱ ኢታቱላይ ሂንቱንታ ኦይቆ፤ ታኒ ሃዋን ጌሊኬ፤ ሃዋፕ ሂኒ ባጋን ታኒ አዩሁዳ ጊዴና አሳኮ ባይ» ያጌዳ።

7 ሃዋፕ ኬሲዴ፣ ያሳሲ ጎዩኒያ ዮሰጾሳ ጊያ ቢታኒያ ሶይ ቤዳ፤ ዮሰጾሳ ጎሊ አዩሁዳ ዋሳ ጎሊያ ማታን ዴዴ። 8 አዩሁዳ ዋሳ ጎሊ ካፕ ቃሪሲጾሲ ባሪ ሶይ አሳ ኡባና ጎዳ አማኔዳ፤ ቆሮንቶሳ አሳቱዋፕካ ጮራቱ ያሳ ቃላ ሲሴዳ ዋዴ፣ አማኒዴ ፃማቄቲዲኖ።

9-10 ጎዳይ ኢቲ ቃማ ሳፃን ጳውሎሳ፣ «ያዮፓ፤ ኦዳ፤ ጮሀ ጎፓ። ታኒ ኔናና ዴዲያ ዲራው፣ ኔና ቆሃናው ኢታባን ዩጋና አሳይ ኦኒኔ ባዋ፤ አዩሲ ጎፕ፣ ታው ሃ ካታማን ጮራ አሳይ ዴዴ» ያጌዳ።

11 ጳውሎስ ያሳ ቃላ አሳ ታማሪሲዴ፣ ኢቲ ላይላኔ ኡሱፑን አጌና ኡንቱንቱና ኡቲዳ።

12 ጋሊዮሴ አካዩያ ጋዲያ ዋዲያ ዋዴ፣ አዩሁዳቱ ኢቲፕ ጳውሎሳ ቦላ ዴንዲዴ፣ ፒርዳ ጎሊ አ አፊዴ፣ 13 «ሃ ቢታኒ ሙሴ ሂጊያ ኢዲዴ፣ አሳይ ያሳሲ ጎዩናና ማላ ጩማ» ያጌዲኖ።

14 ጳውሎስ ሃሳናና ሃኒሺን፣ ጋሊዮሴ አዩሁዳቱዋ፣ «አዩሁዳቶ፣ ሃዌ ባላ ኦሱዋ ዋይ ኢታ ናቆ ጊዳፕ፣ ታኒ ሂንቱንቱባ ዲንዳያዴ ሲሳናው ቤሴ። 15 ሺን ቃላሲ ሱንፋሲኔ ሂንቱ ሁጾ ሂጊያሲ ሂንቱንቱ ፓሉሜቶፕ፣ ሂንቱ ሁጾው ኤሪቲ፤ ሃዋ ታኒ ፒርዲኬ» ያጌዳ። 16 ፒርዳ ጎሊያፕ ካሪው ኡንቱንታ ኬሴዳ። 17 ሃዋፕ ጉዩያን፣ ጊሪኬ አሳይ ኡባይ አዩሁዳ ዋሳ ጎሊ ካፕዋ

* 18:6 ማዩዋፕ ባና ቆቆፊ፣ ሃዋ ጉሳይ ጌዲያፕ ባና ቆቆፊያዋና ኢታ።

ሶስቲኒሳ ኦይቂዴ፣ ፒርዳ ጎሊያ ሲንፋን ሾጩዲኖ፤ ሺን ጋሊዮሳ ሄዋ ኣይኔ ማቲቤና።

ጳውሎሲ ኣንጾኪያ ቤዳ

18 ጳውሎሲ ዳር ዋዲያ ቆርንቶሳን ኡቴዳዋፕ ጉዩያን፣ ኢሻቱዋ ሳርቲዴ፣ ጲሪሰቂሊናኔ ኣቂላና ማርካቢያን ሶሪያ ቤዳ፤ ባሬው ሺቄዳ ጋሱ ዴዲያ ዲራው፣ ኪንኪሪያ ካታማን ባሬ ሁጲያ ማዴቴዳ። † 19 ኡንቱንቱ ኤፌሶኔ ጋኬዳ ዋዴ፣ ጳውሎሲ ጲሪሰቂሎኔ ኣቂላ ያኒ ዩጊ ዩዳ፤ ሺን ባሬው ኣዩሁዳ ዋሳ ጎሌ ጌሊዴ፣ ኣዩሁዳቱዋና ፓሉማቴዳ። 20 ኡንቱንቱ ባሬንቱና ዳር ዋዲያ ኡታና ማላ ጳውሎሳ ዋሲና ኢ ኢፃዳ። 21 ሺን ኡንቱንቱ ሻኬቲዴ፣ «ጾሳይ ጎፔ፣ ላዔሉዋ ሂንቱንቱኮ ሲማና» ያገዴ ኤፌሶናፕ ማርካቢያን ቤዳ። 22 ቂሳሪያ ጋኬዳ ዋዴ ዩሩሳላማ ቢዴ፣ ኣማኒያ ኣሳ ሳርቲዳዋፕ ጉዩያን፣ ኣንጾኪያ ዋጂዳ።

23 ያኒ ኣማሪዳ ዋዲያ ጋሚዲዴ ቤዳ፤ ካሊያዋንታ ኡባ ማኒሲዴ፣ ጋላቲያናኔ ፒርጊያና ኣጼዳ።

ኣጲሎሲ ኤፌሶናኔ ቆርንቶሳ ቤዳ

24 ኢሰከንዲሪያን ዩሌቴዳ ኣዩሁዳ ኣሳ ኢቲ ኣጲሎሳ ጊያ ሎዎ ሃሳዩያዊ ኤፌሶኔ ቤዳ፤ ጾሳ ማፃፋቱዋ ኢ ዳሪሲ ኤሪያ ኣሳ። 25 ጎዳ ኡጊያካ ታማራዳ ኣሳ፤ ዮሃኒሳ ጂንቃታ ፃላላ ኤሪዴ፣ ኣያናን ባሬ ጋርሳን ኤፃቲዴ፣ ዩሱሳባ ሱሪሲዴ ሃሳዩዳኔ ታማርሴዳ። 26 ያቲዴ ኣዩሁዳ ዋሳ ጎሊያን ያዩናን ሃሳያ ደማዳ። ጲሪሰቂላይኔ ኣቂላይ ኢ ኦዲያዋ ሲሴዳ ዋዴ፣ ባሬንቱና ሶይ ኣ ኣፊዴ፣ ጾሳ ኦጊያ ካሴፕ ሱሪሲዴ፣ ኣው ጌሺ ኦዴዲኖ።

27 ኣጲሎሲ ኣካዩያ ፒናና ኮዩና፣ ኢሻቱ ኣ ማኒሲዴ፣ ኣካዩያን ዴዲያ ካሊያዋንቱ ኣ ሞካና ማላ፣ ኡንቱንቶ ዳቢዳቢያ ፃፊዲና፤ ኢ ያ ጋኪዴ፣ ጾሳ ኣጼ ኬካቴፋን ኣማኒያዋንታ ዳር ማዴዳ። 28 ኣዩሲ ጎፔ፣ ዩሱሲ ባሬ ሁጲው ኪሪሰቶሳ ጊዴዳዋ ኣዩሁዳቱዋሲ ጾሳ ማፃፋቱዋፕ ቆንጨሲዴ፣ ኣሳ ሲንፋን ማኒሲዴ ኦዴዳ።

† 18:18 ሁጲያ ማዴቴዳ፣ ጳውሎሲ ጉላ ዋዲያሲ «ዳማታና» ገዴ ጫቄዳ። ሃዋ ጉሳይ፣ ባሬ ሁጲያካ ማዴቴና፤ ዋዲያካ ኤሺና ጉሳ። ሺን ኢ ጫቄዳ ዋዲ ዉርዴ፣ ባሬ ሁጲያ ማዴቴዳ ጾሳው ያርሹዋ ያርሻናው ቤሴ ጉሳ። 18:18 ፓይ 6:18

19

ጳውሎስ ኤፌሶን ቤዳ

1 አጲሎስ ቆሮንቶሳን ዴቢሽን፣ ጳውሎስ ቆሞ ባጋና አጲዳ፣ ኤፌሶን ቤዳ፤ አቲ አቲ ካሊያዋንታ ዴሜዳ። 2 ጳውሎስ ኡንቱንታ፣ «ሂንቱንቱ አማኔዳ ዋዴ ጌሻ አያና አኬዲቲ?» ያጌዴ ኦቹዳ።

ኡንቱንቱ፣ «ቱይቲ፣ አኪቤይኮ፤ ሃራይ አቶ፣ ጌሻ አያናይ ዴቢያዋካ ሲሲቤይኮ» ያጌዲኖ።

3 ጳውሎስ ኡንቱንታ፣ «ያቲና፣ አያን ፃማቄቲዲቲ?» * ያጌዳ።

ኡንቱንቱ፣ «ኮኒ ዮሃንሳ ዲንቃታኒ ፃማቄቲዳ» ያጌዴ ዛሬዲኖ።

4 ጳውሎስ፣ «ዮሃንሲ ባሬፔ ጉዪያን ዪያ ዬሱስ ኪሪስቶሳን አሳይ አማናና ማላ፣ አሳሲ ኦዲዳ፣ ናጋራፔ ሲሚያ ዲንቃታኒ ፃማቄዳ» ያጌዳ።

5 ኡንቱንቱ ሄዋ ሲሴዳ ዋዴ፣ ጎዳ ዬሱስ ኪሪስቶሳሲ ጊዳናው ፃማቄቲዲኖ። 6 ጳውሎስ ባሬ ኩሺያ ኡንቱንቱ ቦላ ዋጴዳ ዋዴ ጌሻ አያናይ ኡንቱንቱ ቦላን ዋጲና፣ ዲማ ዲማ ቃላን ሃሴዬዲኖ፤ ቃሲ ቲሞቢቲያካ ኦዴዲኖ። 7 ሄዋን ታማኔ ላዑ አሳቱዋ ጊዲያዋንቱ ዴቢኖ።

8 ጳውሎስ አዪሁዳ ዋሳ ጎሌ ጌሊዳ፣ ያሳ ካወቲላባ ፓሉሜቲዲኔ አኬኪሲዳ፣ አሳና ሄዙ አጌና ጊዲያዋ ከና ያዬናን ሃሳዬ። 9 ሺን ኡንቱንቱ አቱ አቱ ማካሊዳ፣ ጮራ አሳ ሲንላን ጎዳ ኦጊያ ቦሪዳ አማኔናን ኢዲና፣ ጳውሎስ ኡንቱንቱ ሻኬቲ፣ ባሬና ካሊያዋንታ ባሬናና አፊዳ፤ ዲራኖሳ ጊያ ቲሚርቲ ጎሊያን ኡባ ጋላሲ ፓሉሜቲ። 10 ጳውሎስ ላዑ ላይላ ጋካናው ቃላ ኦዴዳ፤ ሄዋ ዲራው፣ ኢሲያን ዴቢያ አሳይ ኡባይ፣ አዪሁዳቲካ አዪሁዳ ጊዴናዋንቱካ ጎዳ ቃላ ሲሴዲኖ።

ያሳይ ጳውሎሳ ኩሺያን አጴዳ ኦራላባ

11 ያሳይ ጳውሎሳ ባጋና ዲማ ማላታ አጴዳ። 12 ሄዋ ዲራው፣ አሳይ አ ቦላይ ቦቹዳ ማራቢያ ዋይ ማዩዋ ሃርጋንቻቱዋሲ አፊ፤ ሃርጋንቻቲካ ፓዲኖ፤ ኢታ አያናቲካ ኡንቱንቱ ከሲኖ።

13 ኢታ አያናቲዋ ኬሲዳ ዩዪያ አዪሁዳቲዋፔ አቱ አቱ፣ «ጳውሎስ ቃላ ኦዲያ ዬሱሳ ሱንላን ኮኒ ሂንቱንታ ከሲቲ ጊዴ አዛዜቶ» ያጌዳ፣ ኢታ አያናቲ ዴቢያ አሳቱዋ ቦላን ጎዳ ዬሱሳ

* 19:3 አያን ፃማቄቲዲቲ? ሃዋ ጉሳይ ኦ ሱንላን ፃማቄቲዲቲ፣ ጉሳ።

ሱንሳ ያሲ ቤዔዲኖ። 14 ቁሳቱዋ ካገዘዋ አስቆዋ ጊያ ኢቲ አዪሁዳ ቢታኒያሲ ሄዋ ኦሌዳ ላፑ ናናይ ዳዲኖ።

15 ኢታ አያናይ ኡንቱንቶ ዛሪዳ፣ «ታኒ ዬሱሳ ኤራይ፤ ጳውሎሳካ ኤራይ። ሺን ሂንቱንቱ ኦኔ?» ያጌዳ።

16 ኢታ አያናይ ዳዲያ ቢታኒ ኡንቱንቱ ቦላ ጉፒ ዋዲና፣ ኡንቱንቱ ማሱንዲዳ፣ ሄ ጎሊያፔ ካሎ ዋዋና ጋካናሲ፣ ዋልቃሚዳ ያኔዳ። 17 ኤፌሶን ዳዲያ አዪሁዳቱኔ አዪሁዳ ጊዳናዋንቱ ኡባይ ሄዋ ሲሲዳ ኡባይ ዳሮ ያዬዲኖ፤ ጎዳ ዬሱሳ ሱንሳይካ ዳሮ ቦንቸቱዳ። 18 አማኒያዋንቱፔ ጮራ አሳቱ ባሬንቱ ኦሌዳዋ ፓዲዲኔ ቆንጩያን ኦዲዳ ዪኖ። 19 ቢቲያዋንቱፔ ጮራቱ ባሬንቱ ማዋፋቱዋ ሺሺዳ፣ አሳ ኡባ ሲንሳን ጉዳዲኖ፤ ሄ ማዋፋቱዋ ጋቲያ ሄቲያ ዋዳ፣ አሻታሙ ሻዓ ቢራ ሳንቲሚያ ጊዳዳ። 20 ሄዋ ማላ ዋልቃማ ኦጊያን ያሳ ቃላይ ዲጩኔ አኩ።

ኤፌሶኔ ካታማን ዋላሳይ ዳንዳዳ

21 ሄዋ ፖሌቱዳዋፔ ጉዪያን ጳውሎሲ፣ «ታኒ ዬሩሳላሚ ባዳ ሮሜካ ቃሲ ቢዓናው ቤሴ» † ያጌዳ፣ ማቂዶኒያናኔ አካዪያና አዲዳ፣ ዬሩሳላሚ ባናው ቆፋ ቃቼዳ። 22 ቃሲ ባሬና ማዲያዋንቱፔ ላዓቱዋ ያሞቶሳኔ ኤራሰዎሳ ማቂዶኒያ ኪቲዳ፣ ባሬው ኢሲያን አማሬዳ ዋዲያ ጋሚዔዳ።

23 ጎዳ ኦጊያ ዲራው፣ ሄ ዋዳ ዳሮ ዋላሳይ ኬሴዳ። 24 አዪሲ ጎፔ፣ ዓጋራ ቢራ ሙሺሲዳ ቲጊ ሜዲያ ዳሜዲሮሳ ጊያ ኢቲ ቢታኒ አርጫሚሲ ጌሻ ጎሊያ ሚሲሊያ ቢራፔ ቲጊ ቲጊዳ፣ ኦሳንቻቱዋሲ ዳሮ ዋዲያ ዳሜ። 25 ሄዋንታኔ ኡንቱንቱዋ ማላ ኦሱዋ ኦሌያዋንታ ኢቲፔ ሺሺዳ፣ ሃዋዳን ያጌዳ፤ «አሳው፣ ኦ ዲሬቴላይ ሃ ኦሱዋና ጊዲያዋ ሂንቱ ኤሪታ። 26 ሄዋ ጳውሎሲ፣ ሳሳ ኩሺ ሜዲዳዋንቱ ያሳቱዋ ጊዲኪኖ» ያጌዳ፣ ኤፌሶኔ ዓላላን ጊዳናን አማሬዳ ጋዳቱዋፔ አቲን፣ ኢሲያን ኡባን ጮራ አሳሲ ኦዲ አማንሌዳዋ ሂንቱንቱ ቤዔዲታኔ ሲሴዲታ። 27 ሎዔናባይ፣ ኦ ኦሱ ካዴታናዋ ዓላላ ጊዳና፤ ሺን ኢሲያን ዳዲያ ኡባቱኔ ሳዓ ኡባን ዳዲያዋንቱ ጎዪኒያ ዋልቃማ ያሳቶ ጌቱቲያ አርጫሚሲ ጌሻ ጎሊ ቦንቸቱናን አታናዋኔ፣ ኢዚ ዳሮቴላይ ኩንዳናዋ» ያጌዳ።

28 አሳይ ሄዋ ሲሴዳ ዋዳ ሎይሌ ሃንቁቲዳ «ኤፌሶኔ አርጫሚሳ ዋልቃማ» ያጌዳ ጫቦቱዲኖ። 29 ካታማ ኡባን ዋላሳይ ዳንዳዳ፤ ጳውሎሳና ሃሜቲያ ማቂዶኒያ አሳቱዋ ጋዮሳኔ አሪሰሻርኮሳ ባሬንቱና ኦይቂ አኪዳ፣ ኢቲፔ ካሳ ሳዓ ዋዳዲኖ።

† 19:21 ጳውሎሲ ሃዋ አያና ጌሻን ካሌሴቲዳ ሃሳዬዳዋ።

30 ጳውሎስካ አሳይ ሸቆዳሳ ጌላናው ኮዬዳ። ሺን ካሊያዋንቱ ኣ ዲጌዲኖ። 31 ኢሲያ ጋዲያ ካፓቱዋፔ ጳውሎሳ ላጌላቱዋፔ ኢቱ ኢቱ ጳውሎሳው ኪቴዳ፣ ካሳ ሳዓን ቆንጨያ ኬሲዳ ኢ ቤቴና ማላ፣ ኣ ዋሴዲኖ።

32 ሸቆዋን ዋላሳይ ዴንዲና፣ ዳሪያ ባጋ አሳይ ሃሪይ ኣቶ ኣዩሲ ሸቆዳንቶ ኤሬና ዲራው፣ ኢቱ ኢቱባው ዋላቄቲያ ዎዴ፣ ዮኩ ቃይ ሃራባው ዋላቄቲ። 33 ኣዩሁዳቱ ኢስኪንዲራ ኣሊ ቤሲና፣ ኢቱ ኢቱ አሳይ ኢ ሃሳያና ማላ፣ ኣሳ ጊደፔ ሲንፋው ኣ ኣፌዳ፤ አሳይ ጮው ጋና ማላ፣ ኢ ባሬ ኩሺያን ጆርሲ ቤሲዴ፣ አሳሲ ሞቲታናው ኮዬዳ። 34 ሺን ኢስኪንዲሬ ኣዩሁዳ አሳ ጊዴዳዋ አሳይ ኤሬዳ ዎዴ፣ ላው ሳቲ ጊዲያዋ ኬና ኡባይ ኢቱ ቃላን፣ «ኤፌሶኔ ኣርፃሚሳ ዎልቃማ» ያጊዴ ጫቦቲዲኖ።

35 ካታማው ፃፌ ጊዴዳዋ አሳ ጮው ኦሊዳ፣ ሃዋዳን ያጌዳ፤ «ኤፌሶኔ አሳው፣ ኤፌሶኔ ካታማይ ዎልቃማ ኣርፃሚሲሲኔ ሳሉዋፔ ዎዴዳ ኤቃ ሹቻሲ ኤቃ ጎሊያ ናጊያዋ ጊዴዳዋ ኤሬና አሳይ ኦኔ? 36 ሃዋ ካዲያ አሳይ ባይና ዲራው፣ ሂንቲንቱ ዎፑ ጋናውኔ ዲርቤናን አጋናው ቤሴ። 37 ኣዩሲ ጎፔ፣ ሃዋንቱ ጌሻ ጎሊያ ሚሻ ወዲቤናዋንታ ኑ ጆሳቱዋካ ቦሪቤናዋንታ ኣሄዲታ። 38 ሃዋ ዲራው፣ ዲሚዳርሲኔ ኣናና ዴዲያ ኦሳንቻቱ አሳ ሞታናው ኮዮፔ፣ ፒርዳ ጎሊ ደያ ዴዴ፤ ቃሲ ጋዲያ ሞዲያዋንቱካ ዴዲና፤ ኡንቲንቱ ባሬንቱ ጊደን ሞቲቲኖ። 39 ሺን ሂንቲ ሃራ ዬወዋ ኮዮፔ፣ ሂጊያ ሸቆዋን ዬወዋ ቃቻና። 40 ኣዩሲ ጎፔ፣ ሃቹ ሃኔዳዋ ሻቢሬላ ጊዴ፣ ሮሜ ጋዲያ አሳቱ ኑና ሞታና፤ ሃ ሸቆካ ጋሱ ባዩና ዲራው፣ ኦኒ ጋሱዋ ኦዳናው ዳንዳዮኩ» 41 ያጊዴ ሸቆዋ ላሌዳ።

20

ጳውሎሲ ማቂደኒያኔ ጊሪኬ ቤዳ

1 ዋላሳይ ኢርፃዳዋፔ ጉዩያን፣ ጳውሎሲ ካሊያዋንታ ኣሂሲዴ ዘሬዳ፤ ኡንቲንታ፣ «ሳሩዋን ዴዲቲ» ጊዴ፣ ማቂደኒያ ባናው ኬሴዳ። 2 ሄ ጋዲያና ኣጲዴ፣ ቃላ ኦዲዴ፣ አሳ ሎይሊ ሚኒሴዳዋፔ ጉዩያን፣ ጊሪኬ ጋዴ ዬዳ። 3 ኢ ሄዋን ሄዙ ኣጌና ኡቲዴ፣ ማርካቢያን ሶሪያ ባናው ቆፒሺን፣ ኣዩሁዳቱ ባሬና ዎዳናው ኮዩያዋ ቤዲዴ፣ ማቂደኒያና ጉዬ ሲማናው ባሬ ቆፋ ቃቹዳ።

4 ጳውሎሳ ሞዩዜዳዋንቱ፣ ቤሪያፔ ጳሪሃሳ ናዓ ሶሲጳዊርሳ፣ ቴሴሎንቄፔ ኣሪሰዳርኩሳኔ ሲኮንዲሳ፣ ዴርቤፔ ጋዮሳኔ ኢሲያፔ

ቲኪቆሳኔ ደርፊሞሳ፣ ቃሲ ደሞቶሳ። 5 ሄዋንቱ ሲንገላው ቢዳ፣ ኑና ደርዳዳን ናገሮ። 6 ኑኒ ኡኪላ ባላ ጋላሳ ቦንቾዋፔ ጉዩያን፣ ፒሊጲሲዮሳ ጊያ ጋዲያፔ ማርካቢያን ዴንዲዳ፣ ኢቼሹ ጋላሳን ደርዳዳን ኡንቱንታ ጋኪዳ፣ ያኒ ላፑ ጋላሳ ኡቴድ።

ጳውሎሲ ደርዳዳ ቤዳ

7 ኑኒ ዋጋ ጋላሲ * ኡኪላ ሜንጻናው ሸቁዴቢሽን፣ ጳውሎሲ ዋንቲና ባናው ቆፔዳ ዲራው፣ ኡንቱንቶ ቃላ ኦዲዳ፣ ቃማ ቢላሂ ጋካናው ዬወዋ ኣዲሴዳ። 8 ኑኒ ሸቁ ኡቴዳ ፖቁያን ጮራ ፆሞፒ ዴዔ። 9 ኤወደኮሳ ጊያ ኢቲ ዋዳላይ ማሰኮቲያ ቦላ ኡቴዳ፣ ዳሪሲ ገሚቢሽዳ። ጳውሎሲ ሃሳያ ኣዲሴዳ ዋዳ፣ ኤወደኮሲ ገሚቢሽዋን ሃይሬዳዌ ሄዜንሱያ ፖቁያፔ ሳዓን ኩንዲዳ ሃይቁዳዋ ኣሳይ ዴንሱዳ። 10 ሺን ጳውሎሲ ዋዲዳ፣ ኣ ቦላ ጉፋኔዳ። ኣ ኢዲሚዳ፣ «ኣ ሺምፑ ኬሲቤና ዲራው ሂርጎፒቲ» ያጌዳ። 11 ያፒዳ ፑዴ ፖቁያ ኬሲዳ፣ ኡኪላ ሜንሱዳ ሚዳ፤ ሳዓይ ዋንታና ጋካናሲ፣ ዳር ዋዲያ ሃሳዬዳዋፔ ጉዩያን ቤዳ። 12 ዋዳላይ ፓዲና፣ ሶይ ኣፊዳ፣ ዳሪሲ ናሹቲዲኖ።

ጳውሎሲ ደርዳዳፔ ሚሊዳ ቤዳ

13 ሺን ጳውሎሲ ባሬና ያፔ ኑኒ ሞካና ማላ፣ ኑሲ ኦዴዳ ዲራው፣ ካሴቲዳ ማርካቢያኮ ቢዳ፣ ኣሶሳ ባናው ዴንዴዳ፤ ኣዪሲ ጎፔ፣ ጌዲያን ባናው ኢ ቆፔዳ ዲራው ኑና ሄዋዳን ኣዛዜዳ። 14 ኢ ኑናና ኣሶሳን ጋኬቲና፣ ማርካቢያን ኣ ኣኪዳ ሚዳሊኔ ዬድ። 15 ዋንቲላ ጋላሲ ያፔ ማርካቢያን ዴንዲዳ፣ ኪዮሳ ሄራ ጋኬዳ፤ ቃሲ ዋንቲላ ጋላሲ ሳሞሳ ፒኔዳ፤ ቲሮጊሊዮሜን ኣቁዳ፣ ዋንቲና ሚሊዳ ዬድ። 16 ኣዪሲ ጎፔ፣ ጳውሎሲ ኢሲያን ዳሪ ጋሚዔናን ኤፊሶኔ ላንቁያና ኣቆናው ባሬ ቆፋ ቃቼዳ፤ ባሬው ዳንዳዬቶፔ፣ ጴንዩቆሰቴ ጌቲቲያ ጋላሲ ዬሩሳላሜ ጋካናው ኤሌሌ።

ጳውሎሲ ኤፊሶኔ ጨማቶ ወርሴላ ሃሳያ ሃሳዬዳ

17 ጳውሎሲ ሚሊዳፔ ኤፊሶኔ ኪቲዳ፣ ኣማኒያ ኣሳ ካሌሱያዋንታ ያጊሴዳ። 18-19 ዋሳ ጎሌ ጨማቲ ጳውሎሳኮ ዪና፣ ኡንቱንታ ኢ ሃዋዳን ያጌዳ፤ «ታኒ ኢሲያ ጌሌዳ ኮይር ጋላሳፔ ደሚን፣ ካወሻቲላኒኔ ዳር ኣፎላኒ ጎዳሲ ኦላዳ፣ ኣዪሁዳቲዋ ሸቁዋፔ ታና ጋኬዳ ፓጩ ጊዴዳ ዋዲያ ኡሳን ሂንቲንቲና ሞናዳ ዴዓዲታንቶ ሂንቲንቲ ኤሪታ። 20-21 ናጋራፔ ያሳኮ ሲሚያዋኔ

* 20:7 ዋጋ ጋላሲ፡ ግሪኪያ ማፃፋን፣ ሳሞባታቲዋፔ ኢቲዋን ያጌ።

ኑ ጎዳ ዮሴፊ ኪሪሰቶሳ አማኒያዋ አዪሁዳቱዋሰኔ አዪሁዳ ጊዳናዋንቶ ማርካታዳ፥ ሺቁዋንካ ሂንቴንቱ ጎሌን ጎሌንካ ሂንቴንቶ ኦዳዳ ታማሪሴዳዋ፤ አቲን፥ ሂንቴንታ ጎዲያባ፤ አቲባኔ ፓጪሳ ቤይኩ።

22 «ቤዒቲ፤ ሃዒካ ታኒ ጌሻ አያናሲ አዛዜታዳ፥ ዩሩሳላሜ ባይ፤ ያኒ ታው አዬ ኬሳኔንቶኔ ኤሪኬ። 23 ጌሻ አያናይ ቃሹኔ ዋዪ ታና ናጊያዋ ካታማ ኡባን ታው ኦዳ። 24 ሺን ታ ዋሳ ፖላናዉኔ ጎዳ ዮሴፊ ኪሪሰቶሳ፤ ታኒ አኬዳ ኦሱዋ ያሳ አጵ ኬካቴላ ዋንጋላ ሚሺራቸዋ ማርካቲያዋ ፖላናው፥ ታ ሺምቸዋ ማዳናዋዳን ፓይዳይ።

25 «ቤዒቲ፤ ታኒ ሃዒካ ያሳ ካዉቴላባ ኦዳዳ፥ ሂንቴንቱ ኡባ ጊዳን ዩያዲ፤ ሲሚ ሃዋ፤ ሲንላው ሂንቴንቱ፤ ኦኒኔ ታና ቤዒናዋ ኤሪይ። 26 ሄዋ ዲራው፥ ሂንቴንቱ፤ አቲ ኡሪይ ባዮ፤ ታኒ ሄዋን ጌሊናዋ ሃቸ ሂንቴንቶ ጌሻዳ ኦዳይ። 27 አዪሲ ጎ፤ ያሳይ ኦላናው ቆፔዳዋ ኡባ ሂንቴንቶ አይኔ አሺናን ኦዳዲ።

28 «ዮሴፊ ባሬ ሱላን ዋዜዳ ያሳ አማኒያዋንታ ናጊ፤ ቃሲ ጌሻ አያናይ ሂንቴንታ ካፓቱዋ ኦሲዳ ሱንጤዳ ዉዲያ ኡባኔ ሂንቴንቱ ሁጲያ ናጊ። 29-30 ታኒ ቤዳዋ፤ ጉዪያን፥ ዉዲያሲ ቃሬቲና ኢታ ዋራካናቱ ሂንቴንቱ ጊዳ ጌላናዋንታ፥ ካሊያዋንታ ባሬንቱ ጌዳዋ ካሌላናው ዋርዲዋ ሃሳዪያ አሳቱ ሂንቴንቱ ጊዳ፤ ዳንዳናዋ ኤሪይ። 31 ሄዋ ዲራው፥ ታኒ ሄዙ ላይላ ቃማኔ ጋላሳ አፎላኒ ሂንቴንታ ሁጲያን ሁጲያን ሚኒሲያዋ አጋቤናዋ ቆፔዳ ጌንጪ።

32 «ሃዒካ ሂንቴንታ ሚኒሳናዉኔ ጌሻ አሳ ኡባ ጊዳን ላቲሳናው ዳንዳዪያ ያሳሲኔ አ አጵ ኬካቴላ ቃላሲ ሂንቴንታ ሃዳራ አማይ።

33 «ታኒ ኦፔኔ ቢራ ዋይ ዋርቃ ዋይ ማዩዋ አዋታቤይከ፤

34 ታኒ ሃ ታ ኩሺያን ታናኔ ታናና አቲ፤ ዳዒያዋንታ ኮሺዳዋ ኦሲዳዋ ሂንቴንቱ ሂንቴንቱ ሁጲው ኤሪታ። 35 ሂንቴንቱ ሃዋዳን ዳቡሪ ኦሲዳ፥ ዳቡራንቻቸዋ ማዳናሲኔ ጎዳ ዮሴፊ ባሬ ሁጲው፥ (አኪያዋ፤ አሚያዋ አንጃቲዳዋ) ጌዳዋዳን፥ አ ቃላ ሂንቴንቱ ዋዛና አላናው ቤሲያዋ ታኒ ጮራ ኦጊያን ሂንቴንታ ቤሳዲ» ያጌዳ።

36 ጳዉሎሲ ሄዋ ሃሳይ ዉርሲዳ፥ ኡንቱንቱ ኡባና አቲ፤ ጉልባቲዳ፥ ያሳ ዋሲዳ። 37 ኡንቱንቱ ኡባይ ጳዉሎሳ ኢዲሚዳ፥ ዩኪዳ ዩሬዲና። 38 ኡባ፤ «ታና ላዒሉዋ ኡባካ ቤዒኪታ» ያጌዳ ቃላይ ኡንቱንታ ዳር ቃሬሊና ማርካቢያ ጋካናው አ ዋዩዜዲና።

21

ጳውሎስ ዩሩሳሌም ሆይ

1 ኑኒ ኤፌሶን ጨማቱዋፕ ሻኬቲዳ፡ ቆሳ ጌቴቲያ ሃላን ዶዳቶ ሳዓ ዪ እጌዳ፤ ዋንቲሳ ጋላሲ ርዳ ጋኬዳ፤ ሄዋፕ ጳዲራ ሆይ።

2 ፐንቄ ፐጊያ ማርካቢያ ዳሚዳ፡ ኣኒ ጌሊዳ ባናው ዳንዳዳ።

3 ኑኒ ቆጲሮሳፕ ሆይናው ዳንዳዳያሳ ዪዳ፡ ኣዋይ ኬሲያሳ ዪሊያ ዋዳ ቆጲሮሳ ሃዲሮሳ ባጋ ዩጊዳ፡ ሶሪያ ሆይ፤ ሄዋፕ ጉዩያን

ደሮሳ ጋኬዳ፤ ኣዩሲ ሳፕ፡ ማርካቢ ባሬ ጫና ደሮሳን ዋጭ። 4 ያኒ ካሊያዋንታ ዳሚዳ፡ ኡንቱንቱና ላፑ ጋላሳ ኡቲዳ፤ ጳውሎስ

ዩሩሳሌም ሆይ ማላ፡ ኡንቱንቱ ኣው ኣያናን ኦዲዲና። 5 ኑኒ ኡንቱንቱና ኡቲያ ዋዲ ወሪና፡ ኬሲዳ ሆይ፤ ኡንቱንቱ ኡባቱ

ባሬንቱ ማጫዋንቱናን ባሬንቱ ናናና ኢቲፕ ካታማፕ ካሬው ኬሳና ጋካናሲ፡ ኮና ዋዩዜዲና፤ ኑኒ ኣባ ደናን ጉልባቲዳ፡ ያሳ ዋሴዳ።

6 ሄዋፕ ጉዩያን፡ ኢቱ ኢቱዋ ሳርቲዳ፡ ማርካቢያን ጌሌዳ፤ ኡንቱንቱ ባሬንቱ ሶይ ሲሚዲና።

7 ኑኒ ኣባ ኦጊያ ወርሲዳ፡ ደሮሳፕ ጳዲላማይሴ ጋኬዳ፤ ኢሻቱዋ ሳርቲዳ፡ ኡንቱንቱ ማታን ኢቲ ጋላሳ ፔሼዳ። 8 ዋንቲሳ

ጋላሲ ኬሲዳ፡ ቁሳሪያ ሆይ፤ ዋንጋላ ሚሺራቹዋ ኦዲያ ፐሊጳሳ ሶይ ጋኬዳ፡ ኣ ማታን ኡቲዳ፤ ዩሩሳሌምን ደሬቴዳ ላፑናቱዋፕ

ኢ ኢቱዋ። 9 ፐሊጳሳሲ ናባቱዋ ጊዳዳ ኦይዳ ዋደሮ ማጫ ናናቱ ዳዲና።

10 ኑኒ ኡንዳኔዳ ጋላሳ ኡቲዳ ዋዳ፡ ናቢያ ኣጋቦሳ ጊያ ቢታኒ ዩሁዳፕ ቁሳሪያ ዩዳ። 11 ኑኩ ዩዳ፡ ጳውሎስ ሳቂያ ኣኪዳ

ባሬ ኩሺያኔ ባሬ ጌዲያ ቃቹዳ፡ «ጌሻ ኣያናይ ጊያዋ ሃዋ፤ ሃ ሳቂያ ጎዳ ዩሩሳሌምን ኣዩሁዳቱ ሃዋዳን ቃቹዳ፡ ኣዩሁዳ ጊዳና

ኣሳቱዋሲ ኣሊዳ ኢማና» ያጌዳ።

12 ኑኒ ሄዋ ሲሴዳ ዋዳ፡ ኑኒኔ ያኒ ዳዲያ ኣሳቱ ጳውሎስ ዩሩሳሌም ሆይ ማላ ዋሴዳ። 13 ሺን ጳውሎስ ዛሬዳ፡ «ሂንቱንቱ

ዩኪዳኔ ታ ዋዛና ቃሬቲሲዳ ዋኒቱ? ታኒ ጎዳ ዩሱሳ ሱንሳ ዲራው ቃሺታናዋ ያላላ ጊዳናን፡ ሃራይ ኣቶ ዩሩሳሌምን ሃይቃናዉካ ጊጋ

ኡታዲ» ያጌዳ።

14 ዘሪያ ኢ ኣኬናን ኢደና፡ «ጎዳይ ጌዳዋ ሃና» ያጊዳ ጮው ጌዳ።

15 ያኒ ኣማሬዳ ዋዲያ ጋሚዳዋፕ ጉዩያን፡ ጊጌቲዳ ዩሩሳሌም ባናው ኬሴዳ። 16 ቁሳሪያን ዳዲያ ካሊያዋንቱፕ

ኣማሬዳዋንቱ ቃሲ ኑናና ሆይና፤ ኡንቱንቱ ኑኒ ኣቃናሳ ሚናሶና

ጊያ ቆጶሮሳ ቢታኒያ ሶይ ኑና አፌዲና፤ ሚናሶኒ ዳሮ ዋዲያፕ ደሚዳ ካሊያዎ።

ጳውሎሲ ዬሩሳሌሜን ያዩቆባ ኦቹዳ

17 ኑኒ ዬሩሳሌሜ ጋኬዳ ዋዳ፣ ኢሻቱ ኑና ናሼቻን ሞኬዲና።
18 ዋንቲሳ ጋላሲ፣ ጳውሎሲኔ ኑኒ ያዩቆባና ጋኬታናው ቤዶ። ዋሳ ጎሌ ጨማቱ ኡባቱካ ዳዲና። 19 ጳውሎሲ ኡንቱንታ ሳርቱዳዋፕ ፕዪያን፣ አዩሁዳ ጊዴና አሳ ጊዶን ባሬ ባጋና ያሳይ ኦፊዳዋ ኡንቱንቶ ወርሲዳ ኦዳዳ።

20 ኡንቱንቱ ሄዋ ሲሴዳ ዋዳ ያሳ ጋላቲዳ፣ ጳውሎሳ ሃዋዲን ያጌዲና፤ «ኑ ኢሻው፣ አዩሁዳቱዋ ጊዶን ያሳ አማኔዳዋንቱፕ አፑን ሻዓይ ዳዲናንቶ ቤዓሳ፤ ኡንቱንቱ ኡባይ ሂጊያ ሚኒሲ ናጊና። 21 ዬሩሳሌሜ አዩሁዳቱ፣ አዩሁዳ ጊዴናዋንቱ ጋዲያን ዳዲያ አዩሁዳ ኡባቱ ባሬንቱ ናና ቃፃሬና ማላ፣ ዋይ አዩሁዳቱ ኦፊያዋ ካሌና ማላ፣ ሙሴ ሂጊያካ ባዩዛና ማላ ኔኒ ታማርሲያዋ ሲሴዲና። 22 ያቲና፣ አዬ ሎዑ? ኔኒ ዬዳዋ ፎራቱ ሲሴያ ዲራው፣ ሽቄናን አጊኪና።

23 «ሄዋ ዲራው፣ ሃዋ ኑኒ ኔው ኦዲያዋ ኦላ፤ ኢቲፕ ሸቄ ዳዲያ ኦይዳ አሳቱ ኑ ማታን ዳዲና። 24 ኡንቱንታ አካዳ ኡንቱንቱና ጌያ፤ ቃሲ ኡንቱንቱ ባሬንቱ ሁጲያ ሜዳታና ማላ፣ ኡንቱንቶ ሚሻ አማ፤ ኡንቱንቱ ኡባይ ኔዋ ሲሴዳዋ ቱማ ጊዴናዋኔ ኔኒ ኔ ሁጲወካ ቃሲ ሙሴ ሂጊያ ናጋዳ ማራን ዳዲያዋ ኤራና።

25 «ሺን አማኔዳ አዩሁዳ ጊዴና አሳቱዋ ጊዶፕ፣ ኡንቱንቱ ኤቃው ያርሼዳዋ ሜና ማላኔ ሱላ ኡሼና ማላ፣ ባኩቴዳ ሜሂያ አሹዋ ሜና ማላኔ ዋሹሜና ማላ፣ ኑኒ ዬወዋ ቃቺዳ፣ ኡንቱንቶ ዳቢዳቢያ ፃሬዶ» ያጌዲና።

26 ሄዋፕ ፕዪያን፣ ጳውሎሲ ዋንቲሳ ጋላሲ አሳቱዋ አኪዳ፣ ኡንቱንቱና ጌዬዳ፤ ኢ ባሬንታ ጌሹሳ አዉዳ ፖሊንቶ ኤሪሳናወኔ ቃሲ ያርሹዋ ሁጲያን ሁጲያን አዉዳ አማኔንቶ ኤሪሳናው ጌሻ ጎሊያ ጌሌዳ።

ጳውሎሲ ጌሻ ጎሊያን ኦይቄቱዳ

27-28 ላፑ ጋላሳይ ወራና ሃናዳ፣ ኢሲያፕ ዬዳ አዩሁዳቱ ጌሻ ጎሊያን ጳውሎሳ ቤዒዳ፣ አሳ ኡባ ሃንቄሊዳ፣ «ኢሲራዔሊያ አሳው፣ ኑና ማዲቱ፤ ኢሲራዔሊያ አሳ፣ ሙሴ ሂጊያኔ ሃ ጌሻ ጎሊያ ኢዲዳ፣ ኡባሳን አሳ ኡባ ታማሪሲያዋ ሃ ቢታኒያ፤ ፕጂዳ ቃሲ ጊሪኬ አሳካ ጌሻ ጎሊያ ጌሊሲዳ፣ ሃ ጌሻ ሳዓ ቱኒሴዳ»

ያገ ሞሲዳ፡ ጳውሎሳ ኦይቄዲኖ። 29 ኡንቱንቱ ካሴ ኤፌሶንን ዴዲያ ያርፊሞሳ ጳውሎሳና ካታማን ቤዔዳ ዲራው፡ ጌሻ ጎሊያ ጳውሎሲ ኦ ጌሊሴዳዋ ኡንቱንቱ ማላቲዳ።

30 ካታማ ኡባይ ሻቢሬቲዳ፤ ኦሳይ ኡባይ ሸቄዴ ጳውሎሳ ኦይቄዳ፡ ጌሻ ጎሊያፕ ካሬው ጎቹ ኬሴዳ፤ ሄ ማንዲያንካ ጌሻ ጎሊያ ፔንጌቱ ቃሹቲ ኦጌዲኖ። 31 ኦሳይ ጳውሎሳ ዋጳና ሃሊሽን፡ «ዬሩሳላሜ ካታማይ ሙሉካ ሻቢሬቲዲጌዳ» ጌያ ሃሳያይ ሮሜ ጋዲያ ኦላ ካፑሞሲ ጋኬዳ። 32 ሄ ኦላ ካፑ ዋታዲራቱዋኔ ጭታቱዋ ካፓቱዋ ኢቲፔ ኦኪዳ፡ ዋዲዳ ኦሳ ቦላ ኬሲ ዋጴዳ፤ ኦሳይ ኦላ ካፑዋኔ ዋታዲራቱዋ ቤዔዳ ዋዳ፡ ጳውሎሳ ሾጪያዋ ባሺ ኦጌዳ።

33 ሄ ዋዳ፡ ሄ ኦላ ካፑ ሸቄ፡ ጳውሎሳ ኦይቄዳ፡ ላዑ ሳንሳላታን ቃሹታና ማላ ኦዛዚዳ፡ ኢ ኦኔንቶኔ ቃሲ ኦያ ኦሌዳንቶኔ ኦሳ ኦቹዳ። 34 ኦሳፔ ባጋይ ኢቲባው ዋሲያ ዋዳ፡ ባጋይ ሃራባው ዋሴ፤ ዋሱ ጮራዳ ዲራው፡ ኦላ ካፑሞሲ ቱሙዋ ኡራናው ዳንዳዬቱናን ኢጻና፡ ዋታዲራቱ ጳውሎሳ ባሬንቱ ዴዲያሳ ኦፋና ማላ፡ ኡንቱንታ ኦዛዜዳ። 35 ዬጲዳ ኬሲያ ዴላ ጳውሎሲ ጋኬዳ ዋዳ፡ ኦሳ ሱጌላ ዲራው፡ ዋታዲራቱ ኦ ቶኬዲኖ። 36 ኦዩሲ ጎፔ፡ ጮራ ኦሳይ፡ «ኦ ዋጳ!» ያገዲኔ ዋሲዳ ካሌ።

ጳውሎሲ ሞቱሞሲ ዛሩዋ ኢሜዳ

37 ዋታዲራቱ ጳውሎሳ ባሬንቱ ዴዲያሳ ኦፋና ሃሊሽን ጳውሎሲ ኦላ ካፑዋ፡ «ታኒ ኔው ኢቲባ ኦዶ?» ያጌዳ።

ሄ ኦላ ካፑ ጳውሎሳ፡ «ኔኒ ገሪኬ ቃላ ኤራይ? 38 ኔኒ ሃዋፔ ካሴ ዋዳ፡ ዋላሳ ኬሳዳ ሾምፑዋ ዋጴዳዋንቱፔ ኦይዲ ሻዓ ኦሳቱዋ ኦሳይ ባይና ሜላ ሳዓ ካሌሌዳ ገብጻ ቢታኒያ ገዲኪ?» ያጌዳ።

39 ሺን ጳውሎሲ፡ «ታኒ ኦዩሁዳ ኦሳ፤ ቃሲ ኪልቂያን ዴዲያ ጻርሴሴን ዩሌቲዳ ሁጴ ካታማን ዴዲያ ኦሳ። ሃያና ታና ኦሳሲ ሃሳዩሳሪኪ!» ያጌዳ።

40 ኦላ ካፑ ኦ፡ «ሃሳያ» ያገና፡ ጳውሎሲ ዬጲዳ ኬሲያ ዴላን ኤቄዳ፡ ኦሳይ ጮው ጋና ማላ፡ ባሬ ኩሺያን ኦሳኮ ጻርሴዳ። ኦሳይ ጮው ገና፡ ኢብራዩሰጻ ቃላን ሃሳዩዳ፡ ሃዋዳን ያጌዳ።

22

1 «ታናዳን ኦሚኒያዋንቶ፡ ታ ኦዋቶ፡ ታኒ ሃዒ ሂንቱንቶ ኦዲያ ዩወዋ ሲሲቲ!» 2 ጳውሎሲ ኡንቱንቶ ኢብራዩሰጻ ቃላን ሃሳዩያዋ ሲሲዳ፡ ካሴፔ ሎይሊ ጮው ገና ኢ ሃዋዳን ያጌዳ።

3 «ታኒ ኪልቂያን ዳዒያ ፀርሴሴን ዩሌታዳ፥ ሃ ካታማን ገማሊያሊ ታና ታማሪሲና ዲጫዳ፥ ኑ አዋቱዋ ሂጊያካ ሚኒሳ ታማራዳ፥ ሃቼ ሂንቲ ኡባይ ሃኒያዋዳንካ፥ ታኒ ያሳ ዩወዋሲ ሴሌቲያ አዩሁዳ አሳ። 4 ታኒ ማጫ አሳኔ አቱማ አሳ ኦይቃ ኦይቃዳ ቃሾ ጎሌን ዩጌዳ አሳኔ፥ ሃ ኦጊያ ካሊያ አሳ ዎጂሳና ገካናሲ ማቶጫ አሳ። 5 ሃዋዳንካ፥ ቃሲ፥ ቄሳቱዋ ኡባቱዋ ካፑኔ ጨማ ኡባ ሸቁ ታዋ ማርካታናው ዳንዳዬ፤ ታኒ ዳማሰቆን ዳዒያ ኡንቱንቱ ኢሻቱዋ አዩሁዳቱዋሲ፥ ኡንቱንቱ ዳቢዳቢያ አካዳ፥ ሄዋን ዳዒያ አሳቱ ቃሹቲዳ ሙሪታናዳን፥ ዩራሳላሜ ኡንቱንታ አሃናው ያ ባዲ።

ጳውሎሲ ኪሪሰቶሳኮ ሲሜዳ ባሬ ሲማባ ኦዳዳ
(ኪት 9:1-19፤ 26:12-18)

6 «ታኒ ባዳ ዳማሰቆ ማቲዳ ዎዳ፥ ሴታ ገላሳ ጊዲሺን፥ ቆፔናን ሳሉዋፔ ዎልቃማ ፖዑ ታ ማታን ዩዩ አጂዳ ፖዔዳ። 7 ታኒ ሳዓን ኩንዳ ኡታዳ፥ ሳዖላ፥ ሳዖላ፥ ታና አያው ዩዳርሳይ?» ጊያ ቃላ ሲሳዲ።

8 «ታኒ ዛራዳ፥ ሓ ጎዳው፥ ኔኒ ኦኔ?» ያጋዲ።

«ሄዋፔ ጉዬ፥ ሓኒ ኔኒ ዩዳርሲያ ናዚሬቲያ ዩሱሳ» ያጌዳ።

9 ታናና ኢቲፔ ዳዒያዋንቱ ፖዑዋ ቤዒዳ ያዩዲኖ፤ ሺን ታው ሃሳዩያዋ ቃላ ሲሲቤይኪኖ።

10 « ሓ ጎዳው፥ ታኒ አያ ኡዶ?» ያጋዲ።

«ጎዳይ ታና፥ ሳንዳዳ ዳማሰቆ ባ። ኔኒ ኦላናው ያሳይ ቆፔዳ ኡባባይ ኔው ያኒ ኦዳታናዋ» ያጌዳ። 11 ሄ ዎልቃማ ፖዑዋ ዲራው፥ ታ አይፊ ቆቂና፥ ታናና ዳዒያ አሳቱ ታ ኩሺያ ኦይቂዳ፥ ታና ጎቹና፥ ዳማሰቆ ገካዲ።

12 «ዳማሰቆን ዳዒያ አዩሁዳ ኡባይ ሎይሊ ቦንቹያ ኢቲ ሃናኒያ ጊያ ቢታኒ፥ ኑ ሂጊያሲ አዛዘቲዳ፥ ያሳው ኢሜቲዳ አሳ።

13 ሃናኒ ታኮ ዩዳ፥ ታ ማታን ኤቂዳ ታና፥ ሓ ኢሻው ሳዖላ፥ ፀላ ያጌዳ። ታኒ ሄ ዎዳ ሄ ማንዒያንካ አኮ ፀላ አጋዲ።

14 «ኢ ታና ሃዋዳን ያጌዳ፤ ሓ አዋቱዋ ያሳይ ኔኒ አ ቆፋ ኤራናው፥ አ ፀሎ ናባ ቤዓናዉኔ አ ዶናፔካ ሃሳያ ሲሳናው ኔና ካሴና ዶሬዳ። 15 አዩሲ ጎፔ፥ ኔኒ ቤዔዳባኔ ሲሴዳባ አሳ ኡባ ሲንሳን አው ማርካታናሳ። 16 ሃዒካ አያው ገማዒይ? ዳንዳዳ ያማቂታ፤ አ ሱንሳ ፀሳዳ፥ ኔ ናጋራፔካ ሜጩታ» ያጌዳ።

17 «ታኒ ጉዬ ዩራሳላሜ ሲማዳ ጌሻ ጎሊያን ዎሲሺን፥ ታ አያናን ጊዳዲ። 18 ጎዳይ ታና፥ ሎሌላዳ፥ ዩራሳላሜ ኬሳ አያው

ጎጥ፣ ኔኒ ታው ሃዋን ማርካቲያዋ አሳይ አኩና) ያገሸን ታኒ አ ቤዓዲ።

19 «ታኒ፣ ሩታ ጎዳው፣ አዪሁዳ ዋሳ ጎሊያ ኡባን ኔና አማኒያዋንታ አይቃዴ ዋቋዳዋኔ ቃሾ ጎሊያን ዬጌዳዋ ኡንቱንቱ ኤሪኖ። 20 ኡንቱንቱ ኔ ማርካ ኢሰዒፋኖሳ ዋቋያ ዋዴ፣ ታኒ ሄ ዬወዋ ኤኖ ጋዲ። ቃሲ ኡንቱንቱ ሚዪያን ኤቃዴ፣ አ ዋቋያዋንቱ ማዩዋ ናጋይ) ያጌዳ።

21 «ጎዳይ ታና፣ ሩታ ኔና አዪሁዳ ገዴና አሳኮ ሃኮሳ ኪቲያ ዲራው ባ) ጌዳ» ያጌዳ።

ጳውሎሲ ርሜ አሳ ገዲያዋ ቆንጨሴዳ

22 ጳውሎሲ ሄ ቃላ ሃሳያና ጋካናው አሳይ ኢ ገያዋ ሲሴ፤ ሄዋፔ ጉዪያን፣ ባሬንቱ ኮሻ ቋቁ አሊዴ፣ «ሃዋ ጋዲያፔ ቆዩሳ፤ ኢ ዴዓናው ቤሴና» ያጌዲኖ።

23-24 ኡንቱንቱ ዋሲሽን፣ ባሬንቱ ማዩዋ ቦላው ኦሊሽኒኔ ባና ጫርኩዋን ላሊሽን፣ ኦላ ካፔ ዋታዳራቱ ጳውሎሳ ባሬንቱ ዴዒያሳ አፋና ማላ አዛዜዳ። ቃሲ አሳይ አዪሲ ሄዋዳን አቦላ ዋሴዲኖንቶ ኤራናው፣ ጳውሎሳ ሊሱዋን ሾጫና ማላ፣ ኡንቱንታ አዛዜዳ። 25 ሽን ዋታዳራቱ ጳውሎሳ ዳፋዋን ሚኒሲ ቃቹዳ ዋዴ፣ ጳውሎሲ ባሬ ማታን ኤቄዳ ፃታቱዋ ካፔዋ፣ «ርሜ ጋዲያ አሳ ፒርዳይ ባይናን ሾጪያዌ ሂንቱንቶ ዋጌ?» ያጌዳ።

26 ሄዋ ፃታቱዋ ካፔ ሲሴዳ ዋዴ፣ ኦላ ካፔዋኮ ቢዴ፣ «ሃ ቢታኒ ርሜ አሳ። ኔኒ አያ ኦሳና ቆጋይ?» ያገዴ ኦቹዳ።

27 ኦላ ካፔ ጳውሎሳኮ ሸቂዴ፣ «ኔኒ ርሜ አሴ? ታው ኦዳ» ያጌዳ።

ጳውሎሲ፣ «ኤ» ያጌዳ።

28 ኦላ ካፔ ጳውሎሳው ዛሬዴ፣ «ታኒ ሃ ዛሬቴላ ዳሮ ሚሻን ሻማዲ» ያጌዳ።

ሽን ጳውሎሲ፣ «ታኒ ሄ ዜሬላፔ ዬሌታዲ» ያጌዳ።

29 ሄዋ ዲራው፣ ጳውሎሳ ቢዳናው ቆፔዳዋንቱ ማንዒያን አፔ ሻኩቲ አጌዲኖ። ኦላ ካፔካ ጳውሎሲ ርሜ አሳ ገዴዳዋ ኤሬዳ ዋዴ ያዬዳ፤ አዪሲ ጎጥ፣ ሳንላላታን አ ቃሺሲ ዋሌዳ።

ጳውሎሲ አዪሁዳቱዋ ሻንጋቱዋኮ ሸቂዳ

30 ዋንቱላ ጋላሲ ኦላ ካፔ፣ አዪሁዳቱ ጳውሎሳ አዪሲ ዋቴዲኖንቱኔ ጌሽዴ ኤራናው ኮዪዴ፣ ጳውሎሳ ቢሌዴ። ያቲዴ ቄሳቱዋ ካፓቱኔ አሳይ ኡባይ ሸቃና ማላ አዛዜዳ፤ ቃሲ ጳውሎሳ ዲጌ ዋሊዴ፣ ኡንቱንቱ ሲንሳን ኤሴዳ።

23

1 ጳውሎስ ሄዋን ሸቄዳ አሳ ጫዲ ዪሊዳ፡ «ታናዳን አማኒያዋንቶ፡ ታኒ ሃቼ ጋካናወካ ያሳ ሲንላን ታ ዴዑዋ ኡባን ቲላ ዋዛናን ዴዒዲ» ያጌዳ። 2 ቁሳቱዋ ኡባቱዋ ካፑ ሃናኒ፡ ጳውሎስ ደና ባቃና ማላ፡ ኦ ማታን ኤቁዳዋንታ አዛዜዳ። 3 ጳውሎስ ሄ ዋዴ አ፡ «ላ ሃ ቦሺንቻን ኦኬዳ * ጎዳው፡ ያሳይ ኔና ባቃና። ኔኒ ታ ቦላ ሂጊያን ፐርዳናው ኡታዴ፡ ዋጋይ ባይናን ታና ባቃና ማላ አዛዛይ?» ያጌዳ።

4 ጳውሎስ ማታን ኤቁዳዋንቱ አ፡ «ኔኒ ያሳ ቁሳቱዋ ኡባቱዋ ካፑዋ ቦራይ?» ያጌዲና።

5 ሄዋፕ ጉዬ ጳውሎስ፡ «ታናዳን አማኒያዋንቶ፡ ኢ ቁሳቱዋ ኡባቱዋ ካፑዋ ጊዴዳዋ ታኒ ኤራቤይኬ፤ አዪሲ ጎፔ፡ ሳ ጋዲያ ዋዲያዋ ቦላ ኢታ ቃላ ሃሳዮፓ) ጌቲቲዴ ያሳ ማፃፋን ፃፊቲዳ» ያጌዳ።

6 ሺን ጳውሎስ ባጋቱ ሳዲቃዋናቱዋ፤ ባጋቱ ፓሪሳዋቱዋ ጊዴዳዋ ቤዒዳ፡ «ታናዳን አማኒያዋንቶ፡ ታኒ ፓሪሳዊያኔ ፓሪሳዊያናዳ፤ ሃይቁዳዋንቱ ሃይቁዋፔ ዴንዳናዋንታ) ጋዴ ታኒ ናሺቻን ናጊያ ዲራው፡ ኡንቱንቱ ታ ቦላ ፐርዲና» ያጌዳ፡ ቶቁ ኦሉዴ ሃሳዬዳ።

7 ጳውሎስ ሄዋ ያጊና፡ ፓሪሳዋቱዋ ጊደኒኔ ሳዲቃዋናቱዋ ጊደን ዋላሳይ ኬሲና፡ ሸቄዳ አሳይ ላሌቲዳ። 8 አዪሲ ጎፔ፡ ሳዲቃዋናቱ፡ «ሃይቁዳ አሳይ ዴንዳና፤ ኪታንቻይካ አያናይካ ባዋ» ያጌዲና፤ ፓሪሳዋቱ ቃሲ ላዑካ ዴዒያዋ አማኒና።

9 ዋለቃማ ዋላሳይ ዴንዳና፤ ፓሪሳዋቱዋ ባጋፔ ሙሴ ሂጊያ ታማርሲያዋንቱ ዴንዲ ኤቁዴ፡ «ሃ ቢታኒያ ቦላ አይኔ ባላ ዴሚቤይኮ፤ አው አያናይ ዋይ ኪታንቻይ ሃሳዬናን አጌና» ያጌዴ ፓሉሚቲዲና።

10 ዋላሳይ ደሪና፡ ኦላ ካፑ ጳውሎስ ኡንቱንቱ ሜንጮሬላኔንቶኔ ጊ ያዪዳ፡ ባሬ ዋታዳራቱ ዋዲዳ፡ ኡንቱንቱ ጊደፔ ኦ ኤሌካ ኬሲዳ፡ ባሬንቱ ዴዒያሳ አፋና ማላ አዛዜዳ።

11 ሄ ቃማ ጎደይ ጳውሎስ ማታን ኤቁዴ፡ «ጳውሎስ፡ ኔኒ ታው ዬሩሳሌሜን ማርካቲዳዋዳን፡ ሮሜንካ ማርካታናው ቤሴ፤ ሚና፤ አይኔ ባዋ» ያጌዳ።

ጳውሎስ ዋዳናው ኦሴቲዳ ማቁዋ

* 23:3 ቦሺንቻን ኦኬዳ፡ ኢቲ ኡራይ ሎዓ ማላታና ማላ ኦሱሳ፡ ሺን ጊዴና።
23:5 ኬስ 22:28

12 ዋንቲሳ ጋላሲ፡ አዪሁዳቱ ጳውሎሳ ዋቆና ጋካናሲ፡ ማናዲኒኔ ኡሼናዳን፡ ጨቁቲዳ ጊጌቲዲኖ። 13 ጳውሎሳ ቦላ ሄዋ ማቁቲዳ አሳቱ ኦይታሙዋፕ ዳሪኖ። 14 ኡንቱንቱ ቁሳቱዋ ካፓቱዋኮኔ ጨማቱዋኮ ዪዳ፡ «ኮኒ ጳውሎሳ ዋቆና ጋካናሲ፡ አይኔ ባሪናዳን፡ ጊጌቲ ኡቲዶ። 15 ሄዋ ዲራው፡ ሂንቲንቱኔ ሺቁዳ አሳይ ጳውሎሳባ ጌሺዳ ቢዲያዋ ማላቲዳ፡ ኦላ ካፑ አ ሂንቲንቱኮ ዲጌ ዋላና ማላ ኦቺቲ፤ ኮኒ ኢ ሃ ሺቃናፕ ካሴና አ ዋቆናው ጊጊ ኡቲዶ» ያጌዲኖ።

16 ሺን ጳውሎሳ ሚቻቲ ናዓይ ሄ ማቁዋ ሲሴዳ ዋዳ፡ ቢዳ ዋታዳራቱ ዳዒያሳ ጌሊዳ፡ ጳውሎሳው ኦዳዳ። 17 ጳውሎሲ ጭታቱዋ ካፓቱዋፕ ኢቱዋ ጭሲዳ፡ «ሃ ናዓ ኦላ ካፑዋኮ አፋ፤ አዪሲ ጎፕ፡ ኦላ ካፑዋሲ ኢ ኦዲያዌ ዳዔ» ያጌዳ።

18 ሄዋ ዲራው፡ ጭታቱዋ ካፑ ናዓ ኦላ ካፑዋኮ አፊዳ፡ «ቃሽ ጎሌን ዳዒያ ጳውሎሲ፡ ሃ ናዓይ ኔው አዬንቶ ኦዲያባይ ዳዒያ ዲራው፡ ታና ባሪኮ ጭሲዳ፡ አ ኔኮ አሃናዳን፡ ታና ዋሴዳ» ያጌዳ።

19 ኦላ ካፑ ናዓ ኩሺያ ኦይቁዳ፡ ዲማ ጋፃ ኬሲዳ፡ «ኔኒ ታው ኦዳናባይ አዬ?» ያጌዳ ኦቺዳ።

20 ናዓይ ኦላ ካፑዋሲ፡ «አዪሁዳቱ ጳውሎሳባ ካሴፕ ሚኒሲ ኦቺያዋ ማላቲዳ፡ ኔኒ ሺቁዋ አ ኡቲሳናዳን፡ ኔና ዋንቲ ዋሳናው ዘሪታ ቃቺዲኖ። 21 ሺን ኔኒ ኡንቱንቱ ጊያዋ ሲሶፓ፤ አዪሲ ጎፕ፡ ኦይታሙዋፕ ዳሪያ አሳቱ ጳውሎሳ ዋቆና ጋካናሲ፡ ቁማ ማናዲኒኔ ሃላ ኡሼናዳን፡ ጨቁቲዳ ጌማቲ ኡቲዳ አ ናጊኖ፤ ኔኒ ጊያዋ ሲሳናው ሃዒካ ጊጌቲ ኡቲዳ ናጊኖ» ያጌዳ።

22 ሄዋ ዲራው፡ ኦላ ካፑ ናዓ፡ «ሃ ዬወዋ ኔኒ ታና ኤሪሴዳዋ ኦሲኔ ኦዶፓ» ያጌዳ አዛዜዳዋፕ ጉዪያን፡ አ ዬዳዳ።

ጳውሎሲ ጋዲያ ዋዲያ ፊሊኪሳ ሲንላ ሺቁዳ

23 ኦላ ካፑ ጭታቱዋ ካፓቱዋፕ ላዑዋ ጭሲዳ፡ «ቁሳሪያ ባናው፡ ላዑ ጭቱ ዋታዳራቱዋ፡ ላፑን ታሙ ፓራ ኦይቁዳ አሳቱዋኔ ላዑ ጭቱ ቶራንቻቱዋ ቃማፕ ሄዙ ሳቲያን ጊጊሲቲ፤ 24 ጋዲያ ዋዲያ ፊሊኪሳኮ ጳውሎሳ ሳሮቲላን ጋላናው ቶጊሲያ ማሂያኔ ጊጊሲቲ» ያጌዳ፡ ኡንቱንታ አዛዜዳ። 25 ኦላ ካፑ ሃዋዳን ጊያ ዳቢዳቢያ ፃፌዳ።

26 «ቃላወዳዮሳ ሉሲዮሳ፤ ጋዲያ ዋዲያ ቦንቺቲዳ ፊሊኪሳ! ሳሮቲላይ ኔው ጊዶ። 27 አዪሁዳቱ ሃ ቢታኒያ ኦይቁዳ ዋቆና ሃኒሺን፡ ሮማ ካታማ አሳ ኢ ጊዳዳዋ ኤራዳ፡ ዋታዳራቱዋና ጋካዳ አ አሻዲ። 28 ኡንቱንቱ አ አዪሲ ሞቲዲኖንቶ ኤራናው ኮያዳ፡ ዲጌ ኡንቱንቱ ሺቁዋሲ አ አፋዲ። 29 ኡንቱንቱ ባሪንቱ

ሂጊያባ ኢ ኦቼዳዋሲ ኣ ሞቲዳዋፔ ኣቲን፣ ኣ ዎዲሲያ ዎይ ቃሺሲያ ሞቶ ጊዳና። 30 ኡንቱንቱ ሃ ቢታኒያ ቦላ ማቁቲ ኡቲዳ ዘጊሪሳይ ታና ጋኪና፣ ታኒ ሄ ማንዒያንካ ኣ ኔኮ ዬዳ ኣጋዲ፤ ኣ ሞቲያዋንቱካ ቢዳ፣ ኔ ሲንላን ሞታና ማላ ኦዳዲ፤ ሳሮ ዳዓ» ያጌዳ።

31 ሄዎ ዲራው፣ ዎታዲራቱ ኣዛዘቲዳዋዳንካ ጳውሎሳ ኣኪዳ፣ ቃማ ኣንቲጳጳሪሳ ጋሌዲኖ። 32 ዎንቲሳ ጋላሲ ኣናና ባና ማላ ፓራ ቶጎ ኣሳቱዎ ዎሊዳ፣ ጌዲያን ቢያዋንቱ ጉዬ ዎታዲራቱ ዴዒያሳ ሲሜዲኖ። 33 ፓራዋንቱ ቁሳሪያ ጌሊዳ፣ ዳቢዳቢያ ጋዲያ ሞዲያዎ ኢሚዳ፣ ጳውሎሳ ኣ ሲንላ ኣሌዲኖ። 34 ጋዲያ ሞዲያዎ ዳቢዳቢያ ናባቤዳዋፔ ጉዬያን፣ ጳውሎሲ ሃቃ ኣወራጃ ኣሴንቶ ኣ ኦቼዳ፤ ኪልቂያ ኣሳ ኢ ጊዳዳዎ ኤሬዳ ዎዳ። 35 «ታኒ ኔባ ኔና ሞቲያዋንቱ ዪያ ዎዳ ሲሳና» ያጌዳ፣ ዎታዲራቱ ሄሮዲሳ ካወቲላ ጎሌን ኣ ናጋና ማላ ኣዛዘዳ።

24

ጳውሎሳ ኣዪሁዳቱ ሞቲዲኖ

1 ኢቸሹ ጋላሳፔ ጉዬያን፣ ቁሳቱዎ ኡባቱዎ ካቱ፣ ሃናኒያ፣ ጨማቱዋናኔ ፃርፃሉሳ ጊያ ኣቲ ፃባቃና ዲጌ ቁሳሪያ ዎዴዳ፤ ኡንቱንቱ ጋዲያ ሞዲያዎ ቦላ ጳውሎሳ ሞቲዲኖ። 2-3 ጳውሎሲ ፃሴቲዳ ዎዳ፣ ፃርፃሉሴ ኣ ሃዋዳን ያጌዳ፣ ሞቱዎ ደሚዳ።

«ቦንቸቲዳ ፊሊኪሳ፣ ኮኒ ኔ ባጋና ዳሮ ሳሮቲላ ዳሚደሺን፣ ኔ ቆፋን ሃ ጋዲያሲ ኡባባኒ ኡባሳንካ ሎዎ ላሚ ቤቲያዎ ኔና ሎይሌ ጋላቲዳ፣ ሃዎ ኣኬቶ። 4 ሺን ታኒ ኔና ጋሚዔሌናን፣ ደያ ጊዳዳ ኔ ኬካቲላን ኩባ ኔኒ ቃንላን ሲሳና ማላ፣ ኔና ዎሳይ። 5 ኣዪሲ ጎፔ፣ ሃ ቢታኒ ቆቦ ጊዲዳ፣ ሳዓ ኡባን ዴዒያ ኣዪሁዳቱዎ ጊደን ዋላሳ ዳንሌዳ፣ ናዚራዎቱ ባጋ ኣሳ ካሌሊያዎ ጊዳዳዎ ኤሬዳ። 6 ሃራይ ኣቶ ጌሻ ጎሊያካ ቱኒሳናው ኮዪሺን ኣ ኦይቂዳ፣ ኦ ሂጊያዳን፣ ኣ ቦላ ፒርዳናው ቆፔዳ፤ 7 ሺን ኦላ ካፑዎ ሉሲዮሲ ዪዳ፣ ዎልቃን ኦ ኩሺያፔ ኣ ዎሊ ኣኬዳ። 8 ኣ ሞቲያዋንቱካ ኔኮ ያና ማላ ኣዛዘዳ፤ ኔኒ ኔ ሁጳው ሃ ቢታኒያ ቢዳዳ፣ ኮኒ ኣ ሞቲያ ዬወዎ ኡባ ኤራናው ዳንዳያ» ያጌዳ።

9 ኣዪሁዳቱካ ቃሲ፣ «ሃ ዬወ ቱማ» ጊዳ፣ ኣ ቆፋ ኣኬዲኖ።

ጳውሎሲ ፊሊኪሳ ሲንላን ሞቶ ዛሩዎ ኢሚዳ

10 ጋዲያ ሞዲያዎ ጳውሎሳ ያናዳን ወቲና፣ ኢ ሃዋዳን ያጌዳ ዛሬዳ፤ «ኔኒ ዳሮ ዎዲያፔ ደማዳ፣ ሃ ኣሳሲ ፒርዳዳ ዴዒያዎ ታኒ ኤራዳ፣ ታ ዬወዎ ናሹቻን ዛራይ። 11 ታኒ ዬሩሳላሜ ጎዪናናው»

ኬሶይፔ ታማኔ ላዑ ጋላሳፔ ዳሬናዋ ኔኒ ኔ ሁጳው ኤራና ዳንዳያ።
12 አዪሁዳቱ ታና ጌሻ ጎሊያን ጊዲና፣ አዪሁዳ ዋሳ ጎሊን ጊዲና፣
ካታማን ጊዲና፣ ኦናና ን ፓሉማቲሺን ዋይ አሳ ሺሻዴ ማቀሺን፣
ኢቲ ኡራናኔ ቤዒቤይኪና። 13 ኡንቱንቱ ሃዒካ ታና ሞቲያዋ
ሻቲማናው ዳንዳይኪና።

14 «ሺን ታኒ ሃዋ ኔው ኦዳይ፤ ታኒ ሙሴ ሂጊያን ዴዒያዋኔ
ናባቱ ፃፊዳ ኡባባ አማናናዳን፣ ኑ አዋቱዋ ያሳሲ ኡንቱንቱ
ዋርዶ ጊያ ኦጊያን ጎሹታይ። 15 ሃዋንቱ ባሬንቱ ሁጳው፣ ላሳይ
ኡባይ፣ ዋርዶካ ፃሉካ ሃይቁዋፔ ዴንዳናዋንታ፣ ጊያዋዳን፣ ታኒካ
ኡንቱንቱ ዴንዲያዋ ያሳሲ ሂዶታ ዋሳዴ አሙዋኒ ናገይ። 16 ሄዋ
ዲራው፣ ታኒ ቃሲ፣ ያሳ ሲንሳኒኔ አሳ ሲንሳን ኡባ ዋዴ፣ ፖኩ
ባይና ቲላ ዋዛናይ ታው ዴዒና ማላ ማናይ።

17 «ታኒ ዬራሳላማፔ ኬሶይፔ ጮራ ላይላፔ ጉዪያን፣ ታ ጋዴ
ሂዬሳሲ ማሻ አማናወኔ ያርሹዋ ያርሻናው ዬራሳላማ ባዲ።
18 ሄዋ ኦሊሺን፣ አሳይ ሺቁናን፣ ዋላሳይ ዴንዴናን፣ ታኒ ጌሻ
ጎሊያን ጌዪሺን፣ ኡንቱንቱ ታና ዴማዲና። 19 ሺን ኢሲያፔ ዬዳ
ኢቲ ኢቲ አዪሁዳቱ ሄዋን ዴዒና፤ ኡንቱንቱ ታ ቦላ ዬወዋ ኮኖፔ፣
ዪዴ ታና ኔ ቦላን ሞታናው ቤሴ። 20-21 ዋይ ታኒ ኡንቱንቱ ጊደን
ኤቃዴ፣ ላይቁዳዋንቱ ዴንዳናዋ አማኒያ ዲራው፣ ሃቼ ሂንቱ
ሲንሳን ታ ቦላ ፐርዲና፣ ጋዴ ሃ ቆቁሳዴ ሃሳዬዳ ኢቲ ቃላፔ
ኢቲን፣ ሺቁዋ ሲንሳን ኤቁሺን፣ ታ ቦላ ኢቲ ባዪዙዋ ዴማዳዋ
ጊደፔ፣ ሃዋንቱ ባሬንቱ ሁጳው ሃዋን ኦዳናዋንታ» ያጌዳ።

22 ሺን ፊሊኪሴ ያሳ ኦጊያባ ጌሺ ኤሬዳ ዲራው፣ «ታኒ ሂንቱ
ዬወዋ ኦላ ካፑዋ ሉሲኖሲ ዪያ ዋዴ ኦጊያ ኦይላና» ያጌዴ፣
ፐርዲያ ዋዲያ ሲንሳው ኬሬዳ። 23 ፊሊኪሴ ቃሲ ጳወሎሳ
ቃቸናን ናገና ማላኔ አ ዳባቱዋፔ ኦኒኔ አው ኦሊሺን፣ ዋይ አኮ
ዪሺን ዲጌና ማላ፣ ጃታቱዋ ካፑዋ አዛዜዳ።

ጳወሎሲ ፊሊኪሳኔ ዲራሲላ ሲንሳ ሺቁዳ

24 አማሬዳ ጋላሳፔ ጉዪያን፣ ፊሊኪሴ አዪሁዳ አሳ ዛሬ ጊዴዳ
ባሬ ማቻቲ ዲራሲሊና ዪዴ፣ ጳወሎሳ ኪቲ አሂሲዴ፣ ዬሱሲ
ኪሪሰቶሳን አማኒያ ኦጊያ ኢ ሃሳዪሺን ሲሴዳ። 25 ጳወሎሲ
ጃሎቱላባ፣ ባሬ ሁጳያ ናጉዋባኔ ያና ፐርዳባ ሃሳዪሺን፣ ፊሊኪሴ
ያዪዴ፣ «ኔኒ ሃዒው ባ፤ ታው ማኬዳ ዋዴ፣ ኔና ኪታዴ ጃጊሳና»
ያጌዳ። 26 ሄ ዋይ ቃሲ ጳወሎሲ ቢሌታናው፣ ባሬው ማጋንፃ
አማንዴሻ ጊዴ ቆፔዳ፤ ሄዋ ዲራው፣ ዳር ዋዴ አ አሂሲ አሂሲዴ፣
ኦናና ሃሳዬ።

27 ላዑ ላይላ ኩሜዳዋፕ ጉዩያን፣ ፊሊኪሳ ኮታ ጳርቂዮሳ ፒሰጾሲ አኩዳ። ፊሊኪሴ አዩሁዳቱዋ ናሼቻናው ኮዩዳ፣ ቃሾ ጎሌን ጳወሎሳ ባሺ አጌዳ።

25

ጳወሎሲ ሮሜ ካቲያኮ ባሬ ዩወዋ አኪዴ ባናው ኦቼዳ

1 ፒሰጾሲ አወራጃ ጌሌዳ ሄዘንሊያ ጋላሳፕ ጉዩያን፣ ቁሳሪያፕ ዩሩሳላሜ ቤዳ። 2 ያኒ ቁሳቱዋ ካፓቱኔ አዩሁዳቱዋ ካሌሊያዋንቱ ጳወሎሳ ሞቲዲኖ። 3 ኡንቱንቱ ጳወሎሳ ዋጳናው ኦጊያን ቆሴቲ ኡታናው፣ ባሬንቶ ሎጾባ ኡዲዳ አ ዩሩሳላሜ አሃና ማላ፣ ፒሰጾሳ ዋሴዲኖ። 4 ፒሰጾሲ ኡንቱንቶ፣ «ጳወሎሲ ቁሳሪያን ቃሼቲ ኡቲዳ፤ ታኒ ታ ሁጴወካ ኤሌካ ያ ጉዬ ሲማናው ቆፓ ኡታዲ። 5 ሄዋ ዲራው፣ ኢ አዩንቶ ባዩዜዳዊ ዳጾፕ፣ ሂንቲንቱ ጊደን አዋቲያዋንቱ ታናና ቁሳሪያ ቢዳ፣ አ ሞቲኖ» ያጊዴ ዛሬዳ።

6 ፒሰጾሲ ዩሩሳላሜን ሆሰፑን ዋይ ታሙ ጋላሳፕ አፉናን ኡቲዳ፣ ቁሳሪያ ቤዳ፤ ዋንቲሳ ጋላሲ ፐርዲያሳን ኡቲዳ፣ ጳወሎሳ አሃና ማላ አዛዜዳ። 7 ኢ ጋኬዳ ዋዴ፣ ዩሩሳላሜፕ ዩዳ አዩሁዳቱ አ ማታን ዩዩ አጂ ኤቂዳ፣ ባሬንቶ ሻቲማናው ዳንዳዬቲና ዳሮ ዳጾ ሞቲዋ አ ቦላ ዋፊዲኖ። 8 ጳወሎሲ ሞቲቲዳ፣ «ታኒ አዩሁዳቱዋ ሂጊያካ ጌሻ ጎሊያካ ሮሜ ካቲያ ቁሳራካ አይኔ ናቃቤይኪ» ያጌዳ።

9 ፒሰጾሲ አዩሁዳቱዋ ናሼቻናው ኮዩዳ ጳወሎሳ፣ «ፑዴ ዩሩሳላሜ ኬሳዳ፣ ሃ ዩወዋባ ያኒ ታ ሲንላን ኦሼታናው ኮያይ?» ያጊዴ ኦቼዳ።

10 ሺን ጳወሎሲ፣ «ታኒ ኦሼታናው ቤሲያ ቁሳራ ፐርዳ ጎሌን ኤቃዲ። ኔኒካ ሎይላ ኤሪያዋዳን፣ ታኒ አዩሁዳቱዋ አይኔ ናቃቤይኪ። 11 ሲሚ ታኒ ናቂዳዋ ዋይ ሃይቃናው ቤሲያዋ ኦፊዳዋ ጊደፕ፣ ሃይቁዋፕ አታና ጊኬ፤ ሺን ኡንቱንቱ ታና ሞቲያ ሞቲ ሜላ ጊዳዳዋፕ ሂኒ ባጋን፣ ኦኒኔ ታና ኡንቱንቶ አሊዳ ኢማናው ዳንዳዩና፤ ቁሳሬ ታባ ፐርዳ ጋዴ ኦቻይ» ያጌዳ።

12 ሄዋፕ ጉዩያን፣ ፒሰጾሲ ባሬናና ዘሬቲያዋንቱና ዘሬቲ ሲሚዳ አ፣ «ኔኒ ቁሳሬ ታባ ፐርዳ ጋዴ ኦቻዳ፤ ቁሳራኮ ባናሳ» ያጊዴ ዛሬዳ።

ፒሰጾሲ ጳወሎሳባ አግሪጳና ማቂቲዳ

13 አሜራ ጋላሳፕ ጉዩያን፣ ካቲያ አግሪጳይኔ ባሬኒቁ ፒሰጾሳ ሳርታናው ቁሳሪያ ቤዲኖ። 14 ያኒ ኡንቱንቱ ጮራ ጋላሳ ኡቲ

ዳዒሺን፣ ፒስጾሲ ካቲያሲ ጳውሎሳባ ሃዋዳን ያገዴ ኦዴዳ፤ «ሃዋን ፊሊኪሴ ቃቺዳ ባሺ ቤዳ ኢቲ ቢታኒ ዴዔ። 15 ታኒ ዩሩሳላሜን ዳዒሺን፣ ቁሳቱዋ ካፓቱኔ አዪሁዳ ጨማቱ አ ቦላ ፐርዳና ማላ፣ ታና ዋሲዳ፣ አባ ታው ኦዴዳኖ። 16 ታኒ፣ ሞቲቲዳ ኡራይ ባሬና ሞቲያዋንቱና ኢቲፔ ኤቁናኒኔ ባሬና ሞቲዳ ዩወዋሲ ዛሩዋ ኢሜናን፣ እና ጊድፔኔ አሊዳ ኢሚያዌ ሮሜ አሳሲ ዋጋ ጊዳና፣ ያጋዴ አንቱንቶ ዛራዲ።

17 «ሄዋ ዲራው፣ ኡንቱንቱ ሃዋን ሺቄዳ ዋዳ፣ ታኒ ጋሚዔናን ዋንቲሳ ጋላሲ፣ ፐርዳ ጎሌ ጌላዴ ጳውሎሳ አሃና ማላ አዛዛዲ። 18 አ ሞቲያዋንቱ ኤቄዳ፣ ኢታባን አ ሞቲናን አገኪኖ ጋዴ ታኒ ቆፔዳዋዳን፣ አይኔ አ ሞቲቤይኪኖ። 19 ሺን ኡንቱንቱ ባሬንቱ አማኔዳባንቱባኒ ጳውሎሲ፣ (ፓፃ ዴዔ) ጊያ ሃይቄዳ ኢቲ ዩሱሳ ጌቲቲያ ቢታኒያባ እናና ፓሉሜቲዲኖ። 20 ታኒ ሃ ዩወዋ ዋታዴ ቢዳ ዳማኒታንቶ፣ ቆፋ ቃቺናን ዳዓዴ፣ ጳውሎሲ ዩሩሳላሜ ቢዳ፣ ሃ ዩወዋ ያኒ ኦሺታናው ኮዪንቶኔ ጋዴ አ ኦቻዲ፤ 21 ሺን ጳውሎሲ ባሬ ዩወዋ አወገሰጾሴ ቁሳሬ አጊያ ኦይፋና ጋካናው ናጌታናዳን ኦቺና፣ ታኒ አ ቁሳራኮ ዩዳና ጋካናሲ፣ ኢ ቃሺታና ማላ አዛዛዲ» ያጌዳ።

22 ሄዋፔ ጉዬ አግሪጳይ ፒስጾሳ፣ «ታኒ ታ ሁጳወካ ቃሲ ሄ ቢታኒ ጊያዋ ሲሳና ኮያይ» ያጌዳ።

ፒስጾሲ አ፣ «ኔኒ ዋንቲ ኢ ጊያዋ ሲሳናሳ» ያጌዳ።

23 ዋንቲሳ ጋላሲ፣ አግሪጳይኔ ባሬኒቄ ዳሮ ቦንቹዋን ኦላ ካፓቱዋናኔ ካታማን ዳዒያ ዋልቃማ አሳና ዪዳ፣ ፐርዳ ጎሌ ጌሌዲኖ፤ ፒስጾሲ ጳውሎሳ አሃና ማላ አዛዚና አሄዲኖ። 24 ፒስጾሲ ሃዋዳን ያጌዳ፤ «ካቲያ አግሪጳ፣ ሃዋን ኦናና ዳዒያ አሳ ኡባው፣ አዪሁዳ አሳይ ኡባይ ዩሩሳላሜኒካ ሃዋንካ ዋሲዳ፣ (ኢ ሃዋፔ ሲንላው ፓፃ ዳዓናው ቤሴና) ያጌዳ፣ ታና ዋሴዳ ቢታኒያ ሃዋ ቤዒታ። 25 ሺን ኢ አይኔ ሃይቃናው ቤሲያዋ ኦፊዳዋ ታኒ ዳማቤይኬ፤ ኢ ባሬ ሁጳው፣ (አወገሰጾሴ ቁሳሬ ታባ ፐርዳ ያጋዴ ኦቻዲ) ጌዳ ዲራው፣ ቁሳራኮ አ ዩዳናው ታኒ ቆፓዲ። 26 ታኒ አባ ታ ጎዳ አወገሰጾሴ ቁሳሬሲ ፃፋናው ቱሙ ዩወ ታው አይኔ ባዋ፤ ሄዋ ዲራው፣ ኢ ሎይሊ ኦሺቶዋፔ ጉዪያን፣ ታኒ ፃሬያባ ዳማና ማላ፣ ሂንቲንቱ ሲንላ፣ ካቲያ አግሪጳ፣ ኡባ ኔ ሲንላ አ አሃዲ። 27 አዪሲ ጎፔ፣ ቃሺቲዳ ኡራ ኪቲያ ዋዳ፣ አ አያው ሞቲዳንቶ፣ ኤሪሴናን ጮው ጊ ባሺያዌ ታው ኤያቲላ ማላቲ» ያጌዳ።

26

ጳውሎስ አግሪጳ ሲንላን ሃሳዬዳ ሃሳያ

1 አግሪጳይ ጳውሎስ፣ «ኔኒ ኔባ ሃሳያናው ዳንዳያ» ያጌዳ። ሄ ዋዴ ጳውሎስ ባሪ ኩሺያ ሚጨዴ ሃዋዳን ያጌ ዛሪዳ።

2-3 «ካቲያ አግሪጳ፣ አዩሁዳቱዋ ዋጋኔ ፓሉማ ኡባ ኔኒ ሎይላዴ ኤሪያ ዲራው፣ ታና አዩሁዳቱ ሞቲያ ዬወዋ ኡባ ሃቼ ታኒ ኔ ሲንላን ዛሪያዋ ታ ቃዳይ ዳሪሲ ሎዓ ያጋዴ ቆፓይ፤ ሄዋ ዲራው፣ ኔኒ ታ ሃሳያ ሳሌቲናን ሲሳና ማላ፣ ኔና ዋሳይ።

4 «ታኒ ናባቴላፔ ደማዴ ታ አሳ ጊደኒኔ ዬሩሳላሚን ዴዔዳ ታ ዴዑዋ አዩሁዳ ኡባቱ ካሴፔ ደሚዴ ኤሪና። 5 ታኒ ኮይሮፔ ደማዴ፣ ኑ አማኑዋ ሂጊያ ኦፔኔ ሚኒሲዴ ናጊያ ፓሪሳዋቱዋ ባጋ ፓሪሳዋ ጊዳዴ ዴዒያዋ፣ ኡንቱንቱ ማርካታናው ኮዮፔ ኤሪና።

6 ታኒ ሃዒካ ያሳይ ኑ አዋቱዋሲ አማና ጌደዋ ናሺቻን ናጊያ ዲራው፣ ፐርዴታናሲ ሃዋን ኤቃይ። 7 ቃሲ ታማኔ ላዑ ኑ አዋቱዋ ዛራቱ ያሳው ቃማኔ ጋላሲ ኡባዴ ሚኒሲ ጎዩኒዴ፣ ያሳይ አማና ጌዳዋ አካናው ናሺቻን ናጊና፤ ካቲያ አግሪጳ፣ አዩሁዳቱ ታና ሞቲያዋ ታኒ ሄዋ ናሺቻን ናጊያ ዲራሳ። 8 አዩሁዳቶ፣ ያሳይ ሃይቄዳዋንታ ዴንሴያዋ አዩሲ አማኒኪቲ?

9 «ታኒ ታ ሁጺወካ ናዚሬቲያ ዩሱሳ ኤቁታናው ቤሴ ጋዴ ካሴ ቆፓዲ። 10 ታኒ ዬሩሳላሚን ኦፊዳዋ ሃዋ፤ ቁሳቱዋ ካፓቱዋፔ ማታ አካዴ፣ ያሳ አሳቱዋፔ ጮራቱዋ ቃሺሳዲ፤ ኡንቱንታ ዋጲያ ዋዴካ ኡንቱንቱ ሃይቄያዋ ደሳዲ። 11 አዩሁዳ ዋሳ ጎሌ ኡባን ዳሮ ዋዴ ኡንቱንታ ሙራዴ፣ ባሪንቱ አማኑዋ ኡንቱንቱ አጋና ማላ ጎዴታዲ፤ ታኒ ዋጋይ ባይናዋ ኡንቱንቶ ሃንቁታዴ፣ ሃራይ አቶ፣ ሃራ ጋዲያ ካታማ ጋካናወካ ኡንቱንታ ሜቶሳይ።

ጳውሎስ ባሪ ሁጺው ኪሪሰቶሳ ዋቲ አማኔዴንቶ ኦዴዳ (ኪት 9:1-19፤ 22:6-16)

12 «ታኒ ሃ ዬወዋሲ ቁሳቱዋ ካፓቱዋፔ ማታኔ አዛዙዋ አካዴ ደማሰቆ ባዲ። 13 ካቲው፣ ታኒ ሴታ ጋላሲ አጊያን ዴዒሺን፣ አዋ ፖዑዋፔ ሎይሴ አጲያ ፖዑ ታናኔ ታናና ቤዳዋንታ ዩዩ አጲዴ፣ ሳሉዋፔ ፖዒሺን ቤዓዲ። 14 ኑኒ ኡባይ ሳዓን ኩንዴዳ ዋዴ፣ ኢብራዩሰፆ ቃላን፣ ሳዖላ፣ ሳዖላ፣ ታና አያው ዬዴሳን ሜቶሳይ? ኔኒ ታና ኢጹሳን ኔና ቆሃሳ) ያጌዴ ታው ኦዲሺን ሲሳዲ።

15 «ያታዴ፣ ሩታ ጎዳው፣ ኔኒ ኦኔ?» ያጋዲ።
«ጎዳይ፣ ሩታ ኔኒ ዬዴሳን ሜቶሴያ ዩሱሳ። 16 ሺን ዴንዳ ኤቃ፤ አዩሲ ጎፔ፣ ሃቼ ኔኒ ታና ቤዔዳዋኔ ታኒ ኔና ሲንላፔ ቤሳናዋ

ሃራንቶ ማርካታና ማላ፡ ታው ኦሊያዎ ኡዳዴ ኔና ሱንፋናው ኔው ቆንጫዲ። 17-18 ኡንቱንቱ ታና አማኒና፡ ኡንቱንቱ ናጋራይ አቶ ጌቲታናዳን፡ ያሳይ ደሬዳ አሳ ጊዶን ኡንቱንቱ ባሬንቱ ደዲያሳ ደማናዳን፡ ቃሲ ቋማፔ ፖዑዋ ሲማናዳኒኔ ፃላሂያ ጎዳቲላፔካ ያሳኮ ሲማናዳን፡ ኡንቱንቱ አይፊያ ኔኒ ዶያና ማላ፡ ኢስራዴሊያ አሳፔኔ ታኒ ኔና ኡንቱንቱኮ ኪቲያ አዪሁዳ ጊዳናዋንቱፔ ኔና አሻና) ያጌዳ።

19 «ካቲያ አግሪጳ፡ ሄዋ ዲራው፡ ታው ሳሉዋፔ ቤቱዳ ሳፃሲ ታኒ አዛዜታናዋ ኢፃቤይኬ። 20 ሺን ታኒ ካሴታዳ፡ ዳማሰቆኒኔ ዬሩሳላሜን ሄዋፔ ጉዪያን፡ ዪሁዳ ጋዲያ ኡባን ደዲያዋንቱሴኔ አዪሁዳ ጊዳናዋንቶ ባሬንቱ ናጋራፔ ሲማና ማላ፡ ቃሲ ናጋራፔ ሲማናው ቤሲያዋ አሊዳ፡ ያሳኮ ሲማና ማላ ቃላ አዳዲ። 21 ሄዋ ዲራው፡ አዪሁዳቱ ታና ጌሻ ጎሊያን አይቂዳ ዎቆናው ኮዬዲኖ። 22-23 ሄዋ ዲራው፡ ታኒ ያሳ ማዲዋ አካዳ፡ ዳርኔ ጉፋው ሃቼ ጋካናዉካ ኤቃዳ ማርካታይ። ናባቱኔ ሙሴ፡ ሰሪሰቶሲ ሜቶታናው ቤሴ፤ ቃሲ ሃይቁዋፔ ኮይሮ ዳንዲዳ፡ አዪሁዳቱዋሴኔ አዪሁዳ ጊዳናዋንቶ አቶቲላ ፖዑዋ አዳናው ቤሴ) ጌዳዋዳን፡ ታኒካ ኡንቱንቱ ሃሳዬዳዋፔ ሃራ ኢቲባኔ ሃሳዬዳባይ ባዋ» ያጌዳ።

24 ጳውሎሲ ባሬንቱባ ሃዋዳን ያጊዴ ዛሪሺን፡ ፒሰፆሲ ኮሻ ቋቁ ኡዲዳ እ ሃሳያ ቋባናው፡ «ጳውሎሳ፡ ኔኒ ጎያ፤ ኔኒ ዳሪ ታማራዳዌ ኔና ጎሻና ሃኔ» ያጌዳ።

25 ሺን ጳውሎሲ ሃዋዳን ያጌዳ፤ «ቦንቼቲዳ ፒሰፆሳ፡ ታኒ ቱማቲላን ሎዎ ዬዉዋኔ ዎዛና ቆፋ ሃሳዪያዋፔ አቲን ጎዪኬ።

26 ታኒ ካቲያ አግሪጳሲ ሃ ዬዉዋ ቆንጫያን ኦዲያዋ ኢ ኤሬ፤ አዪሲ ጎፔ፡ ሃ ዬዉ ጌማን አሴቲቤና ዲራው፡ ሃዋፔ ኢቱኔ አፔ ጌማናዋ ታኒ ጌሻዳ ኤራይ።

27 «ካቲያ አግሪጳ፡ ኔኒ ናባቱ ጌዳዋ አማናይ? ኔኒ ኡንቱንቱ ጌዳዋ አማኒያዋ ታኒ ኤራይ» ያጌዳ።

28 ካቲያ አግሪጳይ ጳውሎሳ፡ «ሃዲ ሃ ቃንላ ዎዳቲንካ ታና አማንፋናው ኮያይ?» ያጌዳ።

29 ሄዋፔ ጉዬ ጳውሎሲ፡ «ዳሮ ዎዳ ጊዲና፡ ጉላ ዎዳ ጊዲና፡ ኔ ፃላላ ጊዳካ፤ ሺን ሃቼ ታኒ ኦዲያዋ ሲሲያ ኡባይ ቃሲ ታዋዳን ቃሽቶፒና አቲን፡ ታ ማላ ጊዳናዳን ያሳ ዎሳይ» ያጌዳ።

30 ሄዋፔ ጉዪያን ካቲ፡ ሞዲያ ፒሰፆሴ፡ ባሪኔቅኔ፡ ኡንቱንቱና ደዲያ ኡባይ ዳንዲ። 31 ኢቲ ባጋ ሲሚዳ፡ ኢቱ ኢቱዋና፡ «ሃ

ቢታኒ ሃይቁሳይ አቶ ሺን፣ ቃሹዋሲካ ቤሲያባ አሊቤና» ያጊ ሃሴዬዲኖ።³² አግሪጳይ ፒስጾሳ፣ «ሃ ቢታኒ፣ (ቁሳሪ ታባ ፒርዶ) ጊቤነንቶ፣ ቢሌታናው ዳንዳዬ ሺን» ያጌዳ።

27

ጳውሎስ ሮሜ ቤዳ

¹ ኑኒ ማርካቢያን ፃሊያ ባናው ቆፒ ኡቴዳ ዎዴ፣ ጳውሎስ ሃራ አማራዳ ቃሹቴዳ አሳቱዋ አወገሰጾሳ ዎታዳራቱዋ ጊያዎንቱፔ ኢቲ ዩሊዮሳ ጊያ ጃታቱዋ ካፑዋሲ አሊዴ አሚዲኖ።² ኢሲያ ጋፃን ዴዒያ ጋዳቱዋ ቢያ አዲራሚጻዮና ማርካቢያን ጌሊዴ ቤደ፤ ማቂደኒያ አሳ ጊዲያ ቴሴሎንቄ አሪሰጻርኮሲ ኑናና ዴዔ።

³ ዎንቲሳ ጋላሲ ኑኒ ሲደና ጋኪሺን፣ ዩሊዮሲ ጳውሎሳው ዳርፔ አ፣ «ኔ ዳባቱ ኔና ኮሺያባ ማዳና ማላ፣ ኔኒ ኡንቱንቱኮ ባናው ዳንዳያ» ያጌዳ።

⁴ ሄዋፔ ዴንዲዴ፣ ሲንፋና ኑ ቦላ ጫርኪያ ዲራው፣ ቆጲሮሳ ሃፋን ዶዴቴዳ ሳባን ጫርኪና ባጋ ቤደ።⁵ ከልቂያ ማታኒኔ ጳኒፊሊያ ማታን ዴዒያ አባ ፒኒዴ፣ ለቂያን ዴዒያ ሙራ ጋኪደ።

⁶ ሄዋን ጃታቱዋ ካፑ ፃሊያ ቢያ ኢሰከንዲሪያ ማርካቢያ ዴሚዴ፣ አኒ ኑና ጌሊሴዳ።

⁷ ኑኒ ጮራ ዎዲያ ሎዳን ቢዴ፣ ዳር ሜቱዋን ቄኒደሳ ካታማ ጋኪደ፤ ሄዋና ባናው ኑና ጫርኩ ዲጊና ሳልሞናና አጲዴ፣ ሃፋን ዶዴቴዳ ቃርፃሳን ጫርኩዋፔ ቴዔቲዴ ቤደ።

⁸ ቃሲካ ዳር ሜቱዋን ጋፃና ጋፃና አጲዴ፣ ላሲያ ካታማ ማታን ዴዒያ አባ ደናን ማርካቢ ዎፑ ጊዴ ሸምፒያሳ ጌቱቲያሳ ዬደ።

⁹ ኑኒ ሄዋን ጮራ ዎዲያ ጋሚዔዳዎፔ ጉዩያን፣ ያማይ ቢሌቲዲጌዳ ዲራው፣ ማርካቢያን ቢያዌካ ሂርጊሺን ጳውሎስ ኡንቱንታ ዞሪዴ።

¹⁰ «አሳው፣ ኑ ቡሳን ዎልቃማ ቦሻይኔ ዳር ባሻይ ዴዳናዌ ታው ቤቲ፤ ባሻይ ዪያዌ ጫና ቦላኔ ማርካቢያ ቦላ ፃላላን ጊዴና፤ ኑ ሸምፑዋ ቦላካ ያናዋ» ያጌዳ።

¹¹ ሺን ጃታቱዋ ካፑ ጳውሎስ ጌዳዎፔ አሊዴ፣ ማርካቢያን ዴዒያዎንታ አዛዚያዌኔ ማርካቢያ ጎዳይ ጊያዎ አማኔ።

¹² ሄ አባ ማታ ካታማይ ባልጉዋ ሻጫናው ኡንቱንቶ ሚኪና ካታማ፤ ሄዋ ዲራው፣ ጮራ አሳቱ ባሪንቶ ዳንዳዬቶፔ፣ ፒንቄ ጊያ ካታማ ጋኪዴ፣ ባልጉዋ ያኒ ሻጫና ማላ፣ ያፔ ዴንዳናው ዞሪቴዲኖ፤

ፒንቄን ዴዒያ ማርካቢ ሸምፒያ ሚኮ ሳዒይ ዶዴቴዳዌ፣ አዎይ ዉሊያሳፔኔ ኡሺቻ ባጋፔ ጊዲዎን፣ ቃሲ ዉሊያሳፔኔ ሃዲርሳፔ ጊዲዎና።

አባ ቦላን ጎቱ ዴንዴዳ

13 አዋይ ኬሲያሳ ጃሊያ ዎዴ ኡሼቻ ዲጌሃ ባጋ ጫርኩ ሎዲን ጫርኩዳ ዎዴ፣ ባሬንቱ ቆፔዳዋዲን ሃኔዳዋ ኡንቱንቶ ማላቲና ዴንዴዲና፤ ማርካቢ ቤና ማላ ኦይቂያ ቢራታ ፑዴ ዳፊዴ፣ ቃርጃሳ ማታቲዴ፣ ለንቂያና ኣጼዲና። 14 ሺን ዳሪ ጋሚዔናን፣ «አዉራቂሰ» * ጊያ ዳር ዎልቃማ ጎቱ ሃላ ጊደን ዴዒያ ሳዓፔ ዲጌ ኡንቱንቱ ቦላ ዴንዴዳ። 15 ህ ጎቱ ማርካቢያ ዴቺዴ አሌናን ዲጊና፣ ባናው ኑሲ ዳንዳዬቴናን ኢጃዳ ዲራው፣ ማርካቢያ ኢ አፊያሳ አጊዴ ቤድ።

16 ኑ ኄ ዌዳ ጊያ ሃላን ደዴቴዳ ጫርኩዋፔ ጌሜዳ ሳና አጲያ ዎዴ፣ ዳሪሲ ሜቶቲዴ ማርካቢያ ዎንጊሪያን ናጊ አሻናው ዳንዳዬድ። 17 ኡንቱንቱ ዎንጊሪያ ፑዴ ኬሴዳዋፔ ጉዩያን፣ ጋዲያን ማርካቢያ ፃፂዴ፣ ሚኒሲ ቃቺዲና፤ ሲርጂሳ ጊያ ሻፊ ኩሚዳ ሳን ባሬንታ ኩንዲሳኔንቶኔ ጊዴ ሂርጊዴ፣ ማርካቢያ አፊያ ሻራ ዎሊዴ፣ ጫርኩዋን ማርካቢያ ጮ ዬዲ አጌዲና።

18 ጎቱ ዎልቃሚዴ ኑ ቦላን ዎልቃሚዳ ዲራው፣ ዎንቲሳ ጋላሲ ጫናፔ አባን ኦሉዋ ደሚዲና። 19 ሂዜንሊያ ጋላሲካ ማርካቢያን ዴዒያ ሚሻ ኡንቱንቱ ባሬንቱ ኩሺያን ኦሌዲና። 20 ኑ ኄ ዳር ዎዲያ አዋኔ ያለንቲያ ቤዔናን፣ ዎልቃማ ኡሹ ኑ ቦላ ቡኪሺን፣ ሲንሳፔ ጳያናን አቶኩ ጊዴ ቆፔድ።

21 ኡንቱንቱ ዳር ዎዲያ ቁማ ሚናን ጋሚዔዳዋፔ ጉዩያን፣ ጳዉሎሲ ህ ዎዴ ኡንቱንቱ ጊደን ዴንዲ ኤቂዴ፣ ሃዎዳን ያጌዳ፤ «አሳው፣ ሂንቱንቱ ታ ዞሪያ አኬዴንቶኔ ቃርጃሳፔ ዴንዴናን አቴዴንቶ፣ ሃዎ ማላ ባዬሳይኔ ቆሁ ኑና ጋኬና። 22 ሺን ሃዒካ ታኒ ሂንቱንታ ያዮፒቴ ጋዴ ዞራይ፤ አዪሲ ጎፔ፣ ሃ ማርካቢ ባያናፔ አቲን፣ ሂንቱንቱፔ አቲ ኡራ ሺምፑካ ባዬና። 23 አዪሲ ጎፔ፣ ያሳ ኪታንቻይ፣ ታና ሞዴዳ ታኒ ጎዪኒያ ያሳቄ፣ ዚኖ ቃማ ታ ማታን ኤቂዴ፣ 24 (ጳዉሎሳ፣ ያዮፓ፤ ኔኒ ሮሜ ጋዲያ ካቲያ ቁሳራ ሲንሳን ኤቃናው ቤሴ፤ ቤዓ፣ ያሳይ ባሬ ኬካቴላን ኔናና ቢያ አሳ ኡባ ሺምፑዋ አሻና) ያጌዳ። 25 ህዎ ዲራው አሳው፣ ያዮፒቴ፣ አዪሲ ጎፔ፣ ህ ኪታንቻይ ታው ኦዴዳዋዲን ሃናናዋ ታኒ ያሳ አማናይ፤ 26 ሺን ጫርኩ ኑና አቲ ሃላን ደዴቴዳ ሳዓን አባ ደናን ደምዒሳና» ያጌዳ።

27 ታማኔ ኦይዴንታ ጋላሲ ሜዲቴራኒያ አባን ኑና ጫርኩ ያኔ ሃኔ ሱጊሺን፣ ማርካቢያን ኦሊያዎንቱሲ ቃማ ቢላሂ ቢታኩ ማቴዳዋ ማላቴዳ። 28 ኡንቱንቱ ሊኪያ ጋዲያ ጃራን ዴጂያባ

* 27:14 «አዉራቂሰ» ጌቴቲያ ዎልቃማ ጎቱ ኪሊ ፑዴሃፔ ዉላ ባጋ ጫርኪያዎ ጊዲያዎ ቤሴ።

ቃቺዳ፡ ሃላን ዩጊና፡ ሃላይ ኦይታሙ ሚቲሪያ ጨማቲዳዋ ኤሪዲኖ። ጉላ ጋሚሲዳ፡ ላዔሉዋ ዩጊዳ፡ ሃታሙ ሚቲሪያ ጨማቲዳዋ ኤሪዲኖ። 29 ኡንቴንቱ ሹቻቲያሳን ኩንዳና ማላ ያዩዳ፡ ማርካቢ ቤና ማላ ኦይቂያ ኦይዲ ቢራታ ማርካቢያ፤ ጉዩና ኣባን ዩጊዳ፡ ሳዓይ ዋንታና ማላ፡ ባሬንቱ ያሳቱዋ ዋሲኖ። 30 ማርካቢያን ኦሊያዋንቱ ማርካቢያ፤ ኪቻናው ኮዩዳ፡ ማርካቢ ቤና ማላ ኦይቂያ ኦሚራዳ ቢራታቱዋ ማርካቢያ፤ ሲንላ ባጋና ኣባን ዩጊያዋ ማላቲዳ፡ ዋንጊሪያ ኣባን ዋሌዳ ዋዳ። 31 ጳውሎሲ ጃታቱዋ ካፑዋኔ ዋታዳራቱዋ፡ «ሃዋንቱ ማርካቢያ ጊደን ዳዓና ጳዮ፤ ሂንቴንቱ ኣታናው ዳንደይኪታ» ያጌዳ። 32 ሄዋ፤ ጉዩያን፡ ዋታዳራቱ ዋንጊሪ ቃሹቴዳ ጋዲያ ቃንዲዳ፡ ዩዲ ኣጌዲኖ።

33 ሳዓይ ዋንታና ሃሊሺን፡ ጳውሎሲ ኡባይ ቁማ ማና ማላ፡ ሃዋዳን ያጌዳ ዋሲዳ፤ «ሂንቴንቱ ሃቸና ታማኔ ኦይዲ ጋላሳ ናጌዲታ፤ ቃሲ ሄ ኡባንካ ቁማ ሚቤይኪታ። 34 ሄዋ ዲራው፡ ጉላ ቁማ ሂንቴንቱ ማና ማላ፡ ታኒ ሂንቴንታ ዋሳይ፤ ኣዩሲ ጎ፤ ሂንቴንቱ ጋዓ ዳዓናው ጉላ ቁማ ማና ኮሽ፤ ሃራይ ኣቶ ሂንቴንቱ ሁጲያ ቢናና፤ ኢቱካ ባዩና» ያጌዳ። 35 ጳውሎሲ ሃዋ ጊዳ፡ ኡኪላ ኣኪዳ፡ ኡባ ሲንላን ያሳ ጋላቲዳ፤ ማንሲ ሙሳ ደሚዳ። 36 ሃዋ፤ ጉዩያን ኡባይ ሎይሉ፡ ባሬንቶ ቃሲ ቁማ ማዲኖ። 37 ኦኒ ማርካቢያን ዳዒያዋንቱ ላዕ ጃታኔ ላፑን ታማኔ ኡሱፑና። 38 ኡንቴንቱ ሚዳ ካሌዳ ዋዳ፡ ጫና ዘርጋ ኣባን ኦሊዳ ማርካቢያ ዳፀዋ ካወሺሴዲኖ።

ማርካቢያ ማዕሳ

39 ሳዓይ ዋንቲዳ ዋዳ፡ ማርካቢያን ኦሊያዋንቱ ጋዲያ ኤሪቤይኪኖ፤ ሺን ሃላይ ጎጊዳ ኣባን ጌሌዳሳ ሚዩያን ዳዒያ ሻፊያ ኣኩካን ጃሌዲኖ። ባሬንቲሲ ዳንዳዬቲንቶ፡ ማርካቢያ ሄ ሻፊያኮ ላጋናው ባሬንቱ ቆፋ ቃቸዲኖ። 40 ያቲዳ ማርካቢ ቤና ማላ ኦይቂያ ቢራታቱዋ ቢሊዳ፡ ኣባ ጊደ ዩጌዲኖ፤ ሄ ዋዳ፡ ማርካቢያ ኮዩዳሳ ዘሪዳ ላጊያ ማላ ቃቸዳ ጋዲያ ቢሊዲኖ፤ ሄዋ፤ ጉዩያን፡ ጫርኩ ማርካቢያ ሲንላው ሱጋና ማላ፡ ማርካቢያ ኣፊያ ሻራ ሲንላ ባጋና ጶቁ ኡዲዳ፡ ቡሳ ደሚዲኖ። 41 ሺን ማርካቢ ጨሙ ዳዒያሳ፤ ኣጲዳ ሃላን ደዴቲዳ ሳዓ ማታን ዳዒያ ዳላሳን ደምዔቲ ኤቁዳ፤ ማርካቢያሲ ጉዩ ባጋይ ቤታ ሱጌላን ማዕሬቲሺን፡ ሲንላ ባጋይ ዱጌ ጲሹቲዳ፡ ቃጃናን ኢዲ ኣጌዳ።

42 ዋታዳራቱ ቃሽቴዳ አሳፔ ኢቱኔ ሃላ ዋዲዳ ከሲ አኪ ቤና ማላ፣ ኡንቱንታ ዋዳናው ዘሬቴዲኖ። 43 ሺን ዪታቱዋ ካፑ ጳውሎሳ አሻናው ኮዪዳ፣ ዋታዳራቱዋ ማቁዋ ኢዪዳ፤ ሃላ ዋዳ ኤሪያ ኡባይ ማርካቢያ፣ ሃላን ጉፒ ጉፒዳ ካሴቴዳ ጋፃ ከሳና ማላ አዛዜዳ። 44 አቱዳዋንቱ፣ አማራዳዋንቱ ሳንቃን፣ አማራዳዋንቱ ቃይ ማርካቢያ ማዑዋን ከሳና ማላ አዛዜዳ፤ ሄዋዳን ኡባቱካ ጋፃ ሳሮቴላን ከሴዲኖ።

28

ጳውሎሲ ማልታ ጊያ ሃላን ደዳቴዳ ሳዓ ቤዳ

1 ኑኒ ጋፃ ሳሮቴላን ከሴዳ ዋዳ፣ ሄ ሃላን ደዳቴዳ ሳዓይ ማልታ ጌቱቲያዋ ኤሬዳ። 2 ሃላን ደዳቴዳ ሳዓን ዳዒያ አሳቱ ኑሲ ዳሮ ከካቴላ ከኬዲኖ፤ ኢራይ ቡካናው ደሜዳ ዲራውኔ ሜጉዋ ዲራው፣ ታማ ኤሊዳ፣ ኑና ኡባ ሞኬዲኖ።

3 ጳውሎሲ ዳሮ ቃይዪሪያ ሚላ ሚዲዳ ታማን ዩጊሺን፣ ማርካማ ሾሻይ ሴላ ዲራው ከሴዳ፣ አ ኩሺያን ፃፃቴዳ፣ አ ዲኬዳ።

4 ሃላን ደዳቴዳ ሳዓን ዳዒያ አሳቱ ቂርጫንቲያ ሾሻይ ጳውሎሳ ኩሺያን ፃፃቴዳዋ ቤዒዳ ዋዳ ኢቱ ኢቱዋሲ፣ «ቱሙ ሃ ቢታኒ ሸምቸዋ ዋዲያ አሳ፤ ሃራይ አቶ አባፔ ኢ አቲናካ ኑ ያሳ ፒርዳይ አ ጋፃ ዳዖ ጊቤና» ያጌዲኖ።

5 ሺን ጳውሎሲ ባሬ ኩሺያ፣ ቂርጫንቲያ ሾሻ ወፃኪዳ፣ ታማን ኦሌዳ፤ አ አይኔ ኦሊቤና። 6 ኡንቱንቱ፣ «አ ቦላይ ጋፌ፤ ዋይ አከከናን ኩንዲዳ ሃይቂ» ያጊዳ አ ናጊኖ፤ ሺን ጮራ ዋዲያ ናጊዳ፣ አ ቦላን አይኔ ዲማቴዳባይ ጳዪና፣ «ሃዌ ያሳ» ያጊዳ ባሬንቱ ቆፋ ባሺ አጌዲኖ።

7 ሄዋ ሄራን ሃላን ደዳቴ ኡቴዳ ሳዓ ካፑዋ ፑፒሊዮሳ ጊያዋሲ ጋዲ ዳዒ፤ ኢ ኑና ኢማላቴላ፣ ሄዙ ጋላሳ ሲቁዋን ሞኪ ሞዪዜዳ።

8 ፑፒሊዮሳ አኩ ቆፀዋ፣ ሴላኔ ኡሉዋ ካቶ ሳኩቲ ጊሲዳ ዳዒ፤ ጳውሎሲ አ ሶይ ጌሊዳ፣ አው ያሳ ዋሴዳ፤ ባሬ ኩሺያ አ ቦላ ዋሊዳ፣ አ ፓሌዳ። 9 ሄዋፔ ጉዪያን፣ ሄ ሃላን ደዳቴዳ ሳዓን ሃርጊያ ሃራ ኡባ አሳይካ ቃሲ ዪዳ ፓዪዳ። 10 ሄዋፔ ሰሚና ኑና ዳሮ ቦንቹዋ ቦንቹዲኖ፤ ኑኒ ማርካቢያን ባናው ዳንዳዳ ዋዳ፣ ኦጌው ኑና ኮሺያባ ኑሲ ኢሜዲኖ።

ጳውሎሲ ማልታፔ ሮሜ ቤዳ

11 ሄዙ አገናፔ ጉዩያን፣ ሃላን ዶዴቴዳ ሳዓን ባልጉዋ አሏዳ፣ «ማንቲ ያሳ» * ጊያ ኢስኪንዲሪያ ማርካቢያን ባናው ዳንዳድ።
 12 ኑኒ ሲራኩሴ ጊያ ካታማ ጌሊዳ፣ ያኒ ሄዙ ጋላሳ ኡቴድ።
 13 ሄዋፔ ዩዩዳ፣ ሪጊዩሜ ጊያ ካታማ ጋኬድ። ኢቲ ጋላሳፔ ጉዩያን፣ አዋይ ኬሲያሳ ጸሊያ ዋዴ ኡሼቻ ዲጌሃ ባጋ ጫርኩ ጫርኪና፣ ዋንቲሳ ጋላሲ ፑቲያሉሳ ጊያ ካታማ ዩድ። 14 ሄዋን ኑኒ ኢቲ ኢቲ አማኒያዋንታ ዳሚና፣ ባሪንቱና ላፑ ጋላሳ ኡታና ማላ፣ ኑና ዋሴዲና፤ ሄዋፔ ቃሲ ሮሜ ዩድ።
 15 ሮሜን ዳዒያ አማኒያዋንቱ ኑባ ሲሲዳ፣ አፊያሳ ጌያኔ «ሄዙ አቋያሳ ጌቲቲያሳ» ጋካናሲ ኑና ሞካናው ዩዲና፤ ጳውሎሲ ኡንቱንታ ቤዔዳ ዋዴ ያሳ ጋላቲዳ፣ ዋዛናን ሚኒሴዳ።

ጳውሎሲ ሮሜን ታማሪሴዳ

16 ኑኒ ሮሜ ጌሌዳ ዋዴ፣ ጳውሎሲ ባሪና ናጊያ ዋታዳራና ባሪካ ዳዓናዳን ኡዳቴዳ።
 17 ሄዙ ጋላሳፔ ጉዩያን፣ ጳውሎሲ አዩሁዳቱዋ ካፓቱዋ ባሪኮ ጸሴዳ፤ ኡንቱንቱ ሺቄዳ ዋዴ፣ ኡንቱንታ ሃዋዳን ያጌዳ፤ «ታናዳን አማኒያዋንቶ፣ ታኒ ኑ አሳ ዋይ ኑ አዋቱዋ ዋጋ ኢታባ አይኔ ኦሴናን፣ ታና ዩሩሳላሚን ቃቺዳ፣ ሮሜ አሳሲ አሊዳ አሜዲና።
 18 ኡንቱንቱ ታና ቢዳዳዋፔ ጉዩ፣ ሃይቃናው ቤሲያባይ ታ ቦላ አይኔ ባዩና ዲራው፣ ታና ቢላናው ኮዩዲና። 19 ሺን ሄዋ አዩሁዳቱ ኤኖ ጌናን ኢጄዳ ዋዴ፣ ናታባ ቁሳሬ ፐርዳ) ጋናዌ ታና ኮሼዳፔ አቲን፣ ታኒ ታ ዛሪያ ሞቲያባይ ታው ዳዒና ጊዳና።
 20 ታኒ ሂንቲንቱና ጋኬታናው ሃሳያናው ሂንቲንታ ጸሴዳዌ ሄዋሳ፤ አዩሲ ሳፔ፣ ኢስራዔሊያ አሳይ ናሼቻን ናጊያዋ ዲራው ታኒ ሃ ሳንላላታን ቃሼታዲ» ያጌዳ።
 21 አዩሁዳ ጨማቱ ጳውሎሳ፣ «ኑኒ ዩሁዳፔ ኑባው ዳቢዳቢያ አኪቤይኮ። ኑ ኢሻቱዋፔካ ሃራይ አቶ፣ ኢቱካ ዩዳ፣ ኑባ ኦዲቤና፤ ዋይ ኑ ሱንላ ባዩዚዳ፣ ኑሲ ኦዲቤና። 22 ሺን ሄ አሳ ሱንላ ኡባሳን አሳይ ባዩዚዳ ሃሳዩያዋ ኑኒ ኤሪያ ዲራው፣ ኑ ቆፋ ሲሳናው ኮዩቶ» ያጌዲና።
 23 ኡንቱንቱ ባሪንቱ ያና ጋላሳ ጳውሎሳው ኬሪዳ፣ ሄ ጋላሲ ጮሪዳ ኢ ዳዒያሳ ዩዲና፤ ኢካ ኡንቱንቶ ያሳ ካወቱላባ ማርካቲዳ። ቃሲ ኡንቱንቱ ዩሱሳባ አማናና ማላ፣ ሙሴ ሂጊያፔኔ ናባቱ ያፌዳዋፔ አኪዳ ኡንቱንታ ታማሪሴዳ፣ ዋንታፔ ኦማርሲ

* 28:11 ማንቲ ያሳ፣ ሃዋንቱ ላዑ አቱማ ናናቱ፣ ካስቶሪኔ ፓሎኪሳ ጌቲያዋንቱ ዜወሴ ናናቱዋ ጊዲዳ፣ ማርካቢያን ዳዒያ አሳቱዋ ናጊያ ያሳቱዋ ጌቲቲዳ ጸሴቲና።

ጋካናው ሎይሲ ኦዳዳ። 24 ባጋቱ ጳውሎሲ ጌዳዋ አማኔዲኖ፤
 ሺን ባጋቱ አማኒቤይኪኖ። 25 ኡንቱንቱ ባሬንቱ ጊደን ዩወዋ ኤኖ
 ጌናን ኢዳዳ ዎዳ፣ ጳውሎሲ አቲባ ጌዳዋ፤ ጉዩያን ቤዲኖ፤ ኢ
 ሃዋዳን ያጌዳ፤ «ጌሻ አያናይ ኑ አዋቱዋሲ ናቢያ ኢሲያሳ ማፃፋን።
 26 ሳኒ ሄ አሳኮ ባዴ ሃዋዳን ጋ፤

«ሂንቱንቱ ሲሳ ሲሳና፣
 ሺን ሂንቱንቱ ጌሌና፤
 ሂንቱንቱ ያላ ያላና፣
 ሺን ቤዲኪታ።

27 አዩሲ ጎፔ፣ ሃ አሳ ዎዛናይ ጉዙሜዳ፤

ባሬንቱ ሃይላ ቱሊሴዲኖ፤
 ባሬንቱ አዩፊያካ ጨሎሜዲኖ።
 ሄዌ ባዌንቱ፣ ባሬንቱ አይፊያን ቤዳና፤
 ኡንቱንቱ ሃይላይካ ሲሳና፤
 ኡንቱንቱ ዎዛናይካ አኮካና፤
 ኡንቱንቱ ታኮ ያሳኮ ሲማና።

ቃሲ ታኒካ ኡንቱንታ ፓላና»
 ያጋ) ያጌዳ።

28 «ሲሚ ሃዌ ያሳ አቶቱላይ፣ አዩሁዳ ጊዳናዋንቶ ኪቴቱዳዌ
 ሂንቱንቶ ኤሬቶ። ቃሲ ኡንቱንቱካ ሲሳና» ያጌዳ።

29 [ጳውሎሲ ሄዋ ጌዳዋ፤ ጉዩያን፣ አዩሁዳቱ ባሬንቱ ጊደን
 ዳሮ ፓሎሜቲዴ ቤዲኖ።] †

30 ጳውሎሲ ኪራ ጎሊያን ላዑ ላይላ ኩሜንላ ዳዒዳ፣ ባሬኮ
 ዩያ ኡባ ሞኬ። 31 ባሬና ኦኒኔ ዲጌናን ያሳ ካወቱላባኔ ጎዳ
 ዬሱሲ ኪሪሰቶሳባ ኦዲዳ፣ ያዩናን ዳሪ ቆንጨሲዳ ታማርሴዳ።

28:27 ኢሳ 6:9-10 † 28:29 ዲማ ዲማ ማፃፋቱ ሃዋ ጉጂያዌ፣ ጳውሎሲ ሃዋ ጌዳዋ፤ ጉዩያን ጊያዋና።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source
files dated 29 Jan 2022
585b63ca-b8e6-55c8-bfef-10bdc95ad69c